

210

NAZ.

le III

I

BIBLIOTECA NAZ.
Vittorio Emanuele III

XXVI

F

87

NAPOLI

LEONIS III PARTIS
EPISTOLÆ AD
CAROLVM MAGNVM
IMPERATOREM.

CAPITULARE CAROLI M.
de Villis suis.

HERMANNVS CONRINGIVS
primum edidit & notis illustravit.

EDITIO ALTERA AVCTIOR
ET EMENDATIO.



HELMESTADII
Typis & sumtibus HENNINGI MULLERI
Anno MDCCCXLV.



3
VIRO GENEROSO

FRIDERICO Schenck

à Winterstedt /

Serenissimi Ducis Brunsvic. & Lyneburgensis

CHR. LUDOVICI Produci & summo Consiliario,

Satrapæ in Borchtorff ac hæreditario in Schwach-
hausen &c.

HERMAN. CONRINGIUS

S. P. D.

NUnquam bene adeo comparatum
quidem fuit, ut in Ecclesiæ clero de-
essent, qui vel dignitate sua vel obla-
tis piorum bonis abusi, non nihil interdum
insolescerent; tria tamen Ecclesiæ prima secu-
la sancte fluxisse merito dixeris. Intra modicum
enim stabant tum oblationes, nec unius
Episcopi erat omnium administratio; sed in
partem curæ apud singulas ecclesias presbyte-
ri veniebant; nec populo nullus locus erat in
ferendis legibus, in electione cleri, in judicijs
ecclesiasticis: eoque multum sane tum aberat
ut Episcopi ecclesijs suis μοναρχικῶς domina-
rentur. Accedebat numquam pene non im-
minens Christianorum capitibus commune

periculum, à potentissimis persecutoribus & quidem Cæsaribus ipsis; quo non poterat non coërceri quicquid vitiorum latius alioquin adolevisset, præsertim quod Episcopi ipsi præ alijs, ut coetuum capita, ad supplicium traherentur. *Postquam Ecclesia ad Christianos principes venit*, (verba sunt S. Hieronymi in vita Malchi) *potentia quidem & divitiis major sed virtutibus minor facta est*. Nimirum non tantum securitas ex eo tempore concessa, sed & immunitatibus multis evectus est clerus magis magisque, in sacrum usum præcipue collata sunt amplissima & longe pinguissima patrimonialia. Quam insolentem liberalitatē nescio num uni pietati fas sit referre acceptam: superstitionis non nihil fuisse admistum, alios vitæ suæ quantumvis vitijs immersæ per donaria isthæc cœlestem veniam expectasse, manifestius videtur quam ut egeat res probatione. Exceperunt autem passim hanc potentiam & has divitias ea quæ solent subsequi res secundas, in clero omni videlicet (penes hos enim bonorum semper administratio fuit) luxus

luxus, ambitio, & divini muneris sui negligentia. Quam maxime tamen Episcopos vitijſ hisce contaminatos dixeris, & quidem eo magis, quo præ reliquiſ majore fuerunt in dignitate atq; exiſtimatione. Ne enim alia nunc tangam; id operam videntur multi dediffe, ut translata in ſolos ſeſe omniũ Eccleſiæ opum poteſtate, haberent unde & ipſi viverent lautiffime & cognati ac familiares ditescerent. Quo nihil ab Apoſtolorum exemplo alienius eſt, ut qui in id diaconos inſtituerint, quo omni iſthac cura ſoluti liberius ipſi munere docendi deſungerentur. Vereor tamen ne Episcopos ſuos ſuſpectos jam tum hoc nomine habuerint illi, qui notantur concilij Gangrenſis canone VII: quod oblationes ſuas non per Episcopos fecerint diſtribui. Certum eſt, hæc multo poſt, malos mores quorundam orientaliſ diœceſeos Episcoporum, graviſſimum illum canonem Antiocheni concilij ultimum expreſſiſſe, quem in occidentaliſ Eccleſiæ uſum ita vertit Dionyſius Exiguus: *Episcopus eccleſiaſticaſ rerum habeat poteſtatem,*

ad dispensandum erga omnes, qui indigent, cum summa reverentia, & timore Dei. Participet autem & ipse quibus indiget: si tamen indiget: tam suis, quam fratrum, qui ab eo suscipiuntur, necessariis usibus profuturis, ita ut in nullo qualibet occasione fraudentur. Juxta sanctum apostolum sic dicentem: habentes victum, & tegumentum, his contenti sumus. Quod si contentus istis minime fuerit, convertat autem res ecclesie in suos usus domesticos, & ejus commoda, vel agrorum fructus non cum presbyterorum conscientia diaconorumq; pertractet, sed horum potestatem domesticis suis aut propinquis aut fratribus filiisq; committat, ut per hujusmodi personas occulte cetera ledantur ecclesie; Synodo provinciae pœnas iste persolvat. Si autem & aliter accusetur episcopus, aut presbyteri, qui cum ipso sunt: quod ea quæ pertinent ad ecclesiam, vel ex agris vel ex alia qualibet ecclesiastica facultate sibi met usurpent, ita ut ex hoc affligantur quidem pauperes, criminationi vero, & blasphemiiis tam sermo prædicationis, quam hi nî dispensant taliter exponantur; & hos oportet corrigi,

corrigi, sancta Synodo id quod condecet appro-
 bante. Quamvis vero Patres illi hoc ita sanxis-
 sent, Episcopos tamen aliquos non tantum
 clam presbyteris suis & diaconis, sed & absq;
 omni œconomo, contra quam vulgo sole-
 re vel ex canone laudato Gangrensis synodi
 planum est, bona Ecclesiæ administrasse, in-
 dicat canon Chalcedonensis œcumenici
 concilij xxvi: *Quoniam in quibusdam ec-
 clesiis, ut rumore comperimus, citra œconomos
 episcopi facultates ecclesiasticas tractant: pla-
 cuit omnem ecclesiam habentem episcopum, ha-
 bere œconomum de clero proprio, qui dispenset
 res ecclesiasticas secundum sententiam episcopi
 proprii ita, ut ecclesiæ dispensatio præter testimo-
 nium non sit, & ex hoc dispergantur ecclesiasticæ
 facultates, & sacerdotio maledictionis derogatio
 procuretur. Quod si hoc minime fecerit, diuinis
 constitutionibus subiaceat. Nec tamen vel hoc
 fuerunt contenti illi, qui propter turpia lucra
 conductores alienarum possessionum sunt facti,
 & secularia negocia sub cura sua susceperunt,
 Dei quidem ministerium parvipendentes secula-
 rium*

rium vero discurrentes domos, & propter avaritiam patrimoniorum sollicitudines sumentes: eoque permoverunt eosdem Chalcedonenses Patres, ut canone III omnem secularis negotij curam Episcopis & clero severe interdixerint. Eadem sane de causa conditus est circa hæc tempora & canon, Apostolorum qui dicitur, VII: Episcopus aut presbyter aut diaconus nequaquam seculares curas adsumat; sin aliter, deijciatur. Nec alteri fini repetitum deinceps illud canone XXXI: Diximus quod non oporteat Episcopum aut presbyterum publicis se administrationibus immiscere, sed vacare & commodum se exhibere usibus Ecclesiasticis. Animum igitur inducito hoc non facere, aut deponitor. Nemo enim potest duobus dominis servire juxta dominicum præceptum. Adeo varios, adeo severos canones merebantur jam illa ætate Episcopi, nec tamen effluxerat seculum Christianum sextum. Haud dubie tanto in numero nusquam terrarum defuere, qui officij memores avaritiam & fastum sanctissimo Ecclesiæ studio posthabuerunt; ejusmodi enim
omnino

omnino cum alios tum illos piissimarum legum conditores fuisse ecquis negaverit? Vereor tamen ut major pars vel tum fuerit extra hanc culpam. Non fuit sane, si credimus ijs quæ Gregorius Nazianzenus, Severus Sulpitius, & post alios multos Salvianus quatuor libris de Ecclesia conquestus est. Non fuisse, indicio ipse fuit populus. *Præter paucissimos quosdam (dixit idem Salvianus l. 3 de gubern.) qui mala fugiunt, quid est aliud omnis cætus Christianorum quam sentina vitiorum?* Adeo verum scilicet est illud Severi Sulpitij: *auro non strui Ecclesiam sed destrui.* Neque vero aliunde morum illam in Episcopis à prima pietate mutationem licet arcessere. Intimius sane omnia perspicientibus apparet haud difficulter, nusquam licentius grassata esse vitia quam ubi auri vis prævaluit. Valuit autem quam maxime procul dubio in opulentissimis urbium: quales tum fuere Roma vetus pariter ac nova, Alexandria porro & Antiochia. Enimvero luxum illum prius Romæ quam in provincijs cæpisse, vel ex Ammiano Marcelli-

no intelligere est. Vbi enim ille de Damasi & Vrsicini funestis certaminibus pudenda nonnulla disseruisset, hæc subiungit: *Neq; ego abnuo, ostentationem rerum considerans Urbanarum, hujus rei cupidos obimpetrandum quod appetunt omni contentione laterum iurgari debere: cum id adepti futuri sint ita securi, ut dentur oblationibus matronarum, procedantque vehiculis confidentes, circumspæcte vestiti, epulas curantes profusas, adeo ut eorum conviviorum regales superent mensas. Qui esse poterant beati reuera, si magnitudine Urbis despecta, quam vitiiis opponunt, ad imitationem Antistitum quorundam provincialium viverent: quos tenuitas edendi potandiq; parcissime, vilitas etiam indumentorum, & supercilia humi spectantia, perpetuo numini verisq; ejus cultoribus ut puros commendant & verecundos. Non minorem verotum luxum obtinuisse Constantinopoli, satis indicat Gregorius Nazianzenus, illa oratione qua dimissionem petit illius urbis tum Archiepiscopus. Exprobratum enim sibi conqueritur, quod nec mensa lauta & opipara nec veste magni-*

magnifica sit usus, nec splendide in publicum prodierit, nec ad eos à quibus conveniebatur gravitatem & fastum adhibuerit. Mitto de alijs similia adferre. Nec enim vel dominandi libidinem specioso crescentem prætextu nunc tangam, qua tamen Cœlestinus Papa meruit olim ab Africanis Patribus audire: nolite concedere, ne fumosum typhum seculi in Ecclesiam Christi, quæ lucem simplicitatis & humilitatis diem, Deum videre cupientibus præfert, videamur inducere: qua item Antiochenus Patriarcha effecit, ut Oecumenicum Ephesinum concilium monuerit, cavendum: ut ne sanctorum patrum canones prætereantur, neq; sub specie administrationis rerum sacrarum potentia secularis typhus irrepat, sensimq; imprudentes libertatem eam amittamus, quam nobis proprio sanguine dominus noster Jesus Christus, omnium hominum liberator, largitus est. Hæc inquam & alia nunc haud attingam, ceu ab instituto aliena. Cæterum quo tempore Gregorius & Ammianus isthæc scribebant, currebat adhuc seculum quartum. Post-

hæc vero in provincias quoque serpsisse tanti
 exempli vitia, luxum ajo & avaritiam, non est
 quod miremur. Nec vero dissimulavit Deus
 populi sui grandia isthæc peccata: eoque tan-
 quam in vindictam, ex Germaniæ & Scythiæ
 remotissimis quibusque angulis evocata nu-
 merosa variarum gentium multitudine, qua-
 si diluvio florentissimas occidentalis Imperii
 Romani terras fecit inundari, & tantum non
 in solitudinem redigi. Alibi iusto itidem ju-
 dicio divino, non tantum per Mahumetem
 nova & sæculi illius moribus sic satis attem-
 perata religio inventa, sed eadem inusitata
 armorum felicitate brevi ita propagata est,
 ut plurimis locis Ecclesiæ vix aliquod vesti-
 gium tandem manserit reliquum. In Occi-
 dente sane hoc ipso Ecclesiarum redditus ita
 sunt attenuati, ut Episcopis plærisque non
 tantum instrumenta luxuriæ perierint, ve-
 rum longo tempore multum etiam defuerit
 ad necessarios maxime usus. Cum Romano
 Papa mitius videtur actum. Quantum enim
 ex Gregorij Magni epistolis colligere est, satis
 amplum

amplum superfuit illi semper patrimonium
 per Italiam, Siciliam, Africam, Galliam, Sar-
 diniam, alibi: utut hi proventus fuerint for-
 tassis infra censum veterum oblationum.
 Qualis etiam illorum qui Gregorium sunt
 secuti vita memoratur, nihil illi omiserunt
 quod ad augendas divitias & potentiam am-
 pliandam potuit data quavis occasione profi-
 cere. Nihil sane à vitijs illis Deo usque adeo
 invisis mutavere. Octavo seculo etiam id
 quod numquam antea tentaverant, quove
 nihil est ab Ecclesiastica functione alienius,
 moliri cæperunt. Id scilicet operam dedere,
 quo jure omni Cæsarum soluti, bonæ etiam
 parti Italiæ regia potestate dominarentur.
 Quod profecto ipsis ex voto sic satis evenit,
 ubi populari odio objectis primum Cæsari-
 bus adeoque legitimis dominis suis, mox &
 Langobardorum regibus, ex adverso Pipini
 & Caroli, validum profecto robur, in cupidi-
 tatis suæ ministerium flexissent. Vnum id
 præter expectationem accidit, quod Roma-
 ni cives alijque recens illud & novi generis

Papale imperium ægrius ferentes, non fuerint veriti ipsimet Papæ manus truculentas inferre. Hoc sane malo adactus fuit Leo id nominis tertius, expetentibus præsertim idem civibus Romanis, ut Cæsareæ iterum auctoritati Pontificiam sedem subjiceret, in Cæsarem electo Carolo Magno Francorum tum & Langobardorum rege longe potentissimo. Imo eadem de causa liberati iterum Pontifices Francorum imperio, Ottoni Magno & Germaniæ nostræ regibus denuo jus Cæsareum ultro detulerunt: donec per Hildebrandum omni reipubl. majestate conculcata, Cæsari ipsi & regibus omnibus sacrum quendam dominatum intentaverunt. Quo nihil monstrosius fingi vel excogitari potest. Tædet ista multis referre. Vel meminisse horret animus, & refugit jam luctu. Et tamen illo cum monstro hodieque omnis Europa conflictatur. In præsentiarum sane unice me delectat memoria illius cultus & obsequii quo Carolum Magnum creatum jam Imperatorem coactus tum fuit Papa prosequi. Fuit ea res hæctenus

bonam

bonam partem in obscuro: quod ex illo ævo
 ad nos rarissima quæ huc facerent monumen-
 ta sint transmissa: eoq; non nisi argumentis
 hinc inde conquisitis, libro quem de Germa-
 norum Imperio conscripsi, probari & exponi
 etiam abs me potuit. Plenius omnia loquun-
 tur ipsiusmet Papæ Leonis ad Carolum literæ
 nonnullæ, quas inter membranas Bibliothecæ
 nostræ Iuliæ ante biennium præter propter
 reperi. Enimvero hoc nomine dignas illas ju-
 dicavi quæ mea cura publicarentur. Quin i-
 dem mecum sis judicaturus, generose Schenc-
 ki, equidem nullus dubito. Neque enim me
 latet quanto odio prosequaris horribile illud
 Pontificium regnum, quamve bene cupias
 reipubl. nostræ Germanicæ, quæ Pontificum
 primo artibus à culmine suo præceps data est.
 Debes animum illum nobilissimo generi tuo
 & genti Suevicæ: qua nulla alia improbis Pon-
 tificum conatibus fortius sese olim opposuit,
 aut pro reipubl. pugnavit dignitate, Henrici
 III. IV & V, Friderici item primi & secundi Cæ-
 sarum ac Sueviæ ducum (apud quos majores

tuos

tuos summa fuisse auctoritate, publica hodie-
 que monumenta testantur) auspicijs præeun-
 tibus. Et vero Suevicæ vestræ nobilitatis pri-
 mores de republica & Ecclesia optimis fuisse
 sententijs imbutos, vel carmina illa eorum
 Germanica significant, quorum gustum no-
 bis dedit Melchior Goldastus. Qui si omnia
 ex thesauro suo prompsisset, haberemus inter ea &
 gentilis tui Vlrici Schenck à VVinterstetten poëmata,
 quæ ille semel iterum loco testimonij adduxit in suis
 ad VVinsbekias paræneses animadversioibus. E-
 nimvero erectus ille animi tui sensus, vir generose,
 me invitât inaxime, ut quas edidi Leonis epistolas,
 & Caroli Cæsaris Capitulare, simulque mea adjecta-
 nea, ad te præcipue nunc adferam. Quàmvis enim
 isthæc me facere alia etiam multa suadeant, (æquum
 enim est ut in publico exstet affectus erga te, mei testi-
 monium) tamen ijs hodie non perinde moveor, &
 officij mei rationem rectius alias habebō. Quod si
 sententias meas quas hic, alibi, aspersi, cum tuis con-
 venire, certe non multum ab ijs dissentire, intellexe-
 ro, magnum satis pretium me operæ consecutum esse,
 nunc quidem arbitrabor. Helmeſtadio ex Academia
 Iulia, xvii Kal. Septembr. cio ioc xlvii.

BENE-

BENEVOLO LECTORI

-S. P. D.

Terum edimus Leonis III Papæ ad Carolum Magnum epistolæ, quod jam annos aliquot earum exempla plurimi desideraverint. Non vane scil. arbitrati sumus, rarissime in omni hoc Occidentali orbe, manuscriptas illas reperiri: eoq; etsi nonnullos offenderint nostra nota, in Italia tamen etiam ac Gallia remotissimas bibliothecas Epistola illæ magno studio abrepta sunt. Edidimus autem nunc literas illas perinde fere ut ante, nisi quod ad membranas ipsas collata iterum & nobis sint. Adjecimus tamen sub finem epistolam ejusdem Papæ ad Riculphum tertium Archiepiscopum Moguntinum: idq; quoniam Tibi fit luculenta mentio Caroli M. Cesaris ejusq; legatorum & dictione plane cum nostris eadem illa est. Scripta scil. illa epistola est anno DCCCIX, quo tempore Bernharium Episcopum & Adelhardum Abbatem a Cesare Roman. missos, ex Annalibus Francicis novimus. Illorum verba sunt: Ijs ita gestis Imperator de Arduenna Aquas reversus, mense Novembri concilium habuit de Processione Spiritus S. Quam quæstionem Ioannes quidam monachus

Ierofolymis primo concitavit: cuius definiendæ cau-
 ſa Bernharius Epifcopus VVormatiensis & Adelhar-
 dus Abbas Corbeix Romam miſſi ſunt. Idem vero
 quoq; ex actis à Smaragdo tum conſcriptis & Ca-
 rolo M. miſſis palam eſt: quæ legere licet in annali-
 bus Baronij ad annum illum noni ſeculi nonum, &
 tomo II Conciliorum Gallix à Sirmondo publicato-
 rum. Deſumpſimus autem hanc epiſtolā ex codice
 epiſtolarum S. Bonifacij; ubi legitur num. 75; qua-
 lem illum librum nobis dedit Nicolaus Serrarius,
 qui poſt infinitis locis illum ſua manu emendavit;
 ceu liquet ex illo, quem cis paucos annos mihi emi
 Bonifaciano codice. Adjecimus porro & ante-
 hac editas notas noſtras, nihilo mutatas, niſi quod
 jam auctiores prodeant. Nec enim nonnullorum
 offenſa apud nos tantum potuit, ut illorum ingratiam ve-
 ritatis cognita patrocinium deſeramus. Poſtremo & Ca-
 pitulare illud de Villis ſubjunximus: et ſi ne nunc quidem
 ſatis conſtet, Caroli illud Caſaris ſit nec ne, iudiciumq; o-
 mne lectoribus permittamus liberum. Satis nimirum no-
 bis eſt, quod in iſſdem membranis, unde Leonis epiſtolas ac-
 cepimus, & hoc continetur, vetuſtate ſaltim & exemplo
 commendandum, ſi non tanti Caſaris auctoritate. Vale
 Lector & bonis conatibus juvandi rempublicam ſave.
 Helmſtadj CIO I2C LV. Eid. Ianuar.

19
INCIPIUNT EPISTOLÆ
DE PAPA LEONE AD IMPE-
RATOREM CAROLVM
MISSÆ.

EPISTOLA I.
DE ACCUSATORIBUS.

Domino Piiſſimo & Sereniſſimo, Victori ac Tri-
umphatori, Filio, amatori Dei ac Domini noſtri
Jeſu Chriſti, Karolo Auguſto, Leo Episcopuſ, ſeruus ſer-
vorum Dei. Remēantes ad noſ fideliffimi miſſi noſtri,
quos ad veſtram Imperialem potentiam direximus, retu-
lerunt nobis de veſtra benigniſſima bonitate. quam erga
beatuſ Petruſ Apoſtolum & ejus vicariuſ geritis ex in-
ſimocordis amore. Interea obrulerunt nobis honorabi-
les veſtraſ epistoſas & Capitulaſ rem.

Quod vero Capitulaſ rem, poſt reſeſtionem duarum
epistoſarum reſerantes, inter cætera gaudia, quæ præſatæ
epistoſæ cordi noſtro effuderunt, ſic primum capituluſ
ejuſdem Capitulaſ cor noſtruſ relevavit: ut cum Pro-
pheta dicere, coepimus: *Domine ſalvum fac regem, & exaudi
noſ in die qua invocaverimus te.* Cumque per ordinem ad
ſextuſ conjungeremus capituluſ, quantum gaudiuſ &
lætitiā prædictæ epistoſæ atque cætera capitula nobis in-
geſſerunt, tantuſ mœrore & triſtitia poſtmoduſ ſumus
repleti. Continebatur enim in ipſo præſato ſexto capitu-
lo, quod Miſſoſ invenire non valetis qui nobis placeant:
de qua re valde triſtatur veſtra Serenitas; & nulluſ de ipſiſ
qui jam ad noſ fuit directuſ per ſuā voluntatē ampliuſ

Missus erit, excepto quod obedientiam vestram voluntarie unusquisque adimplere cupit: & non solum Missi vestri timent vestram portare legationem ad nostram pusillitatem, verum etiam alij jam non sunt ausi quærere à vobis auxilium, quia nullus est qui vestram quæsit clementiam, ut dicunt, qui postmodum ad plenam potuisset pervenire gratiam nostram; & quia plures directos habuistis Missos fideles, ex quibus jam alij mortui sunt, & ipsi blasphemari fuere, & de ipsis qui vivunt nullus jam sine blasphemio esse videtur.

Vnde nobis, fili dulcissime, quid aliud agendum est, nisi preces pro his, qui talia vobis mentiti sunt, ad Dominum fundamus? Sicut scriptum est: *Orate pro inimicis vestris.* Credat enim nobis vestra Serenitas, quia ea quæ ad animæ vestræ salutem cognoverimus, nullo modo tacemus; & si ante tacuimus, nunc autem non cessamus, si de bonis si de malis, vestræ intimare potentia. Nam qui per mendacium & malas machinationes vult filium separare à matre, judicium habebit cum ipso clavigero regni cœlorum beato Petro Apostolo. Quia mihi in hoc mundo nihil pretiosius est quam animæ vestræ salus. Sed quia omnia quæ de vestra prosperitate atque exaltatione in corde nostro gerimus per singula exarare non valemus, sic nobis omnipotens Deus retribuatur, sicut de vestro honore & sospitate cupimus. Verumtamen cum multo amore multaque fide erga vos constringimur, tacere nullo modo possumus, ut vos ipsi pro anima vestra vigiletis, scientes quia ista misera & caduca vita in modicum exterminatur & finem habet, & omnes rationem reddituri sunt Domino de vaniloquijs. Igitur hominibus non citius credatis ante satisfactionem. Sed tamen si nos bene suscepimus & bene honoravimus pro vestro a-

more, Deus nobis retribuatur bona, & vos satisfaciat ut in
 causis beati Petri Apostoli amplius & amplius decertetis;
 & si non vobis nunciaverint quomodo eos honorifice sus-
 cepimus, quid aliud dicamus nisi ut Deus illis indulgeat.
 Verumtamen si prope fuissetis, adjuvante Dei omni po-
 tentis misericordia, vos habuissetis veritatem & mendaci-
 um discernere; quia talem vobis à Deo datam esse sapien-
 tiam credimus, ut tale improprium atque confusionem
 non habuissetis in faciem nostram. Recordari credimus
 vestram Serenitatem, quia vicibus nobis misistis, quod ne-
 minem de nobis male loqui permetteretis, neque locum
 illi tribueretis. Sed quid igitur restat, nisi ut inter tantas
 accusationes, quæ de nobis & fidelibus nostris, qui aliquod
 profectum Sanctæ nostræ Ecclesiæ faciebant, vobis dictæ
 sunt, cum lacrimis gratias agam Deo omnipotenti. Nam
 de illo amore quem erga vos gerimus nullus in hac vita
 nos separare potest nisi sola mors, quandoque nobis obve-
 nerit. Sed quid tantum fastidium facimus auribus vestris?
 Certissimè in quantum nobis Deus largiri dignatus est,
 sic in nostro sensu cogitamus, quod nullus de antecessori-
 bus nostris partibus istis cum tanto amore servierit, quan-
 tum nos servivimus. Sed nostrum servitium, ut videmus,
 nemini acceptum fuit.

De autem accusatoribus Missorum vestrorum, de qui-
 bus nobis emisistis, ut aut in nostram aut in vestram præ-
 sentiam ad discutiendum veniant; si placet pietati vestræ,
 Missum vestrum dirigite absque illis, qui omnia liqui-
 dius inquirat & vestræ Imperiali potentiae fideliter nun-
 ciet, quid aut quomodo istis in partibus egerint, qualem
 profectum exinde Sancta Dei Ecclesia mater vestra habeat.
 Verumtamen omnia in vestro committimus sagacissimo
 arbitrio.

32

arbitrio. His præmissis: Omnipotens & misericors Deus, per intercessionem sanctæ suæ genitricis semper virginis Mariæ dominæ nostræ, & beatorum Principum Apostolorum Petri ac Pauli, tale cordi vestro salubre consilium inspiret, ut oblarior quam dulcissimus genitor vester Dominus Pippinus rex beato Petro Apostolo obrulit & vos confirmastis, ipse claviger regni cœlestis ante conspectum DEI cum ipsa donatione vobis præsentetur, quatenus gaudia æterna percipere mereatis. *Piissimum Domini Imperium gratia superna custodiat, eiq; omnium gentium colla substernat.*

EPISTOLA II.

QUALITER SICILIENSES CUM SAR-
RACENIS PACTVM FECERVNT ET
CAPTIVI REDDITI.

Domino Piissimo, & Serenissimo Victori ac Triumphatori, Filio, amatori Dei & Domini nostri Iesu Christi, Karolo Augusto, Leo Episcopus, Servus Servorum Dei. Tertio igitur Idus Novembr. suscepimus epistolam Gregorij Patricij Siciliensis: responsum scilicet Serenitatis vestræ epistolæ, quam illi per hominem nostrum emisimus. Vobis siquidem; pro qua causa ignoramus, epistolam nomini vestro titulatam non emisit. Illam tamen quam nobis direxit epistolam, de qua vobis exemplar aut postquam eam legeremus à nostro sigillo vestræ Imperiali potentia dirigere petivit: nos pro vestra satisfactione neque eam ad legendum aperuimus, neque quod in ea continetur cognovimus, nisi quod per illum Missum nostrum nobis in verbis direxit. Id est de illis

Sarra-

Sarracenorum Missis, cum quibus pactum confirmavit ipse Patricius in annos decem. Dicebat enim ad prædictos Missos Sarracenorum: quale nobiscum pactum facere vultis, cum ecce jam anni sunt octuaginta quinque quod pactum nobiscum fecistis & firmum non fuit? Imo & Constantinus Patricius qui ante me præfuit, in decem annos vobiscum pactum firmavit, usque ad futuram octavam indictionem; sed neque ipsum pactum firmum tenuistis. Nunc autem quale vobiscum pactum faciamus, nobis incognitum est. Ad hæc respondebant ipsi Sarracenorum Missi, dicentes: Pater istius Amiralumini qui nunc apud nos regnare videtur, defunctus est, & iste relictus est parvulus, & qui fuit servus factus est liber & qui liber fuit effectus est dominus; & nullum se regem habere putabant; sed ecce nunc postquam omnia quæ pater suus habuit sibi subjecit, vult firma stabilitate hoc quod paramus pactum servare: de Spanis vobiscum non spondemus, quia non sunt sub ditione regni nostri: sed in quantum valemus eos superare, sicut vos ita & nos contra illos in mare dimicare permittimus: & si soli nos non valemus nos à parte nostra & vos à vestra Christianorum finibus eos abjiciemus. Post hæc vero convenit illis, & confirmavere in scripto inter se pactum in annos decem: & dedit eis Missus nomine Theopistum notarium, & reddidit illis quantos habuit comprehensos de ipsis Sarracenis, ut illos Christianos quos de suis partibus prædaverant, reddidissent. Et postquam jam dictum pactum inter se firmaverunt, & Missus ab ipso Patricio absolutus est, invenit in Catena unum hominem sub nimia velocitate ad Patricium nunciare festinans, quod septem navigia Maurorum prædaverunt unum vicum in Regio, & duæ naves ex eis post eos ad littus
exierunt

exterunt vacua. Nam & hoc nunciavit nobis ipse Missus noster, quod audisset ab hominibus Sarracenorum missis, quod isto Iunio mense transactæ sextæ inductionis, voluissent cum alijs centum navibus ad Sardiniam peragrarè, & dum venissent propè Sardiniam subito aperta est maris vorago & subglutivit illa centum navigia, & postmodum sic cum magno timore reversi sunt ipsi Sarraceni, qui hoc dicebant, in Africam. & nunciaverunt ad familiam de illis qui submersi sunt. Cumque ipse Missus noster talia audisset, interrogavit illum notarium qui eum custodiebat, si veritas esset quæ ab illis Sarracenis audierat: & dixit ipse notarius, quod ita esset, & ipse ore proprio legisset ad Patricium illam epistolam quam ei unus Christianus amicus suus ab Africa direxerat, in qua de submersione de prædictis centum navigijs continebatur. Et hoc factum est mense Iunio, quando illud signum igneum tanquam lampadem in cœlo multi viderunt. Ipsi vero Missi Sarracenorum in navigijs Veneticorum venerunt, & sic veniendo combusserunt igne navigia quæ de Spania veniebant. Ecce quod per hominem nostrum audivimus Serenitati vestræ intimare curavimus: sed precamur Serenitatem vestram, ut postquam ipsa epistola Gregorij Patricij relecta fuerit à vobis nobiscam dirigere non dedignemini. Quare autè minime vobis epistolam ipse Patricius misit, & in illam quam nobis direxit nomen vestrum non exaravit, cum à vobis perlecta fuerit statim vestra à Deo data sapientia cognoscere poterit, cur vobis epistolam ut decuit non emisit. Tamen si præsumptio non nobis imputatur, quod amando ea quæ de hac re sentimus, Serenitati vestræ insinuamus, videtur nobis, quia sine consultu Leonis Imperatoris sui non ausus est vobis adhuc epistolam suam dirigere. His præmissis.

Omni-

Omnipotens & misericors Deus sua vos protectione custodiat, atq; per multorum temporum annos ad gaudium æternum perducatur. *Piissimum Domini Imperium gratia superna custodiat, ei omnium gentium colla subternat.* Absoluta III Id Novembr. Dixit Gregorius Patricius ad Missum nostrum, quod Michaël Imperator monachus effectus est cum uxore & filiis suis.

EPISTOLA III.
DE OCCISIONE MAURORUM
IN GRÆCOS.

Domino Piissimo & Serenissimo, Victori ac Triumphatori, Filio, amatori Dei ac Domini nostri Iesu Christi, Karolo Augusto, Leo Episcopus servus servorum Dei.

Scimus igitur vestram à Deo protectam Imperialem potentiam semper de integritate & exaltatione atque custodia matris suæ sanctæ Romanæ Ecclesiæ ejusq; finibus sollertissimam habere sollicitudinem, & ideo notum facimus Serenitati vestræ ea quæ nuper audivimus & ex parte certi sumus. Vestræ siquidem à Deo datæ sapientiæ incognitum non est, quod illa nefandissima Agarenorum gens partibus Siciliæ anno præsentē venire consilia-
verat. Nunc autem, sicut audivimus, in quibusdam Græcorum insulis conjunxerunt. Pro quibus vero misit Michaël Imperator Patricium & Spadarios cum stolo, ut contra eos Christo adjuvante dimicare debuissent. Cumque ipse Patricius in Siciliam conjunxisset, direxit missos suos per Beneventum ad Anthimum Neapolitanum ducem, ut cum toto ipso Neapolitano ducatu qui illi obedire voluissent navale auxilium ei præbere studuissent. Qui vero

D

Dux

Dux occasiones proponens in adiutorio ejus ire contem-
 pfit. Kajetani tamen & Amalphitani aliquanta congregan-
 tes navigia in auxilio illius abierunt. Postmodum vero,
 ut audivimus, ingressi sunt ipsi nefandissimi Mauri, trede-
 cim scilicet navigia, in insulam quæ dicitur Lampadusa,
 partibus Siciliae constituta, & prædare eam. Cumque
 de prædicto Græcorum stolo septem navigia itidem explo-
 rando perrexissent, ut sc. veritatem cognoscere potuissent,
 comprehendentes eos deo odibiles Mauri, occiderunt il-
 los: & dum expectassent eos Græci qui miserunt illos ad
 explorandum & minime essent reversi, abierunt generali-
 ter super eos, & Christo miserante totos illos iniquos Mau-
 ros occiderunt, ita ut nec unum ex ijs vivum reliquerint.
 Porro & hoc relatum est nobis: quadraginta naves de ipsis
 Mauris venerunt in insulam quæ Pontias vocitatur, ubi
 monachi residebant & prædaverunt eam. Postmodum
 vero egredientes ex ea ingressi sunt in insulam quandam,
 quæ dicitur Iscla majore, non longe à Neapolitana urbe
 militaria xxx; in qua familia & peculia Neapolitanorum
 non parva invenerunt: & fuerunt in ibi a. xv. usque ad xii.
 Kl. Septemb. & numquam ipsi Neapolitani super eos exie-
 runt. Cumque totam ipsam insulam deprædassent, im-
 plentes navigia sua de hominibus & ejus necessarijs reversi
 sunt post se. Kajetani autem, qui post desolationem jam
 dictæ insulæ ibidem fuerunt, dixerunt, quod invenissent
 homines occisos lacere & granum & scirpha quæ ipsi Mau-
 ri portare secum non potuerunt, sed & caballos Mauriscos
 quos in suis ducebant navagijs occisos ibidem dimiserunt.
 Ecce quæcunque audere potuimus de Græcorum partibus,
 Serenitati vestræ intimare curavimus. De nostris autem ter-
 minis insinuamus vestræ tranquillissimæ Imperiali poten-
 tia,

riæ, quia per intercessionem sanctæ Dei genitricis semper-
que virginis Mariæ dominæ nostræ & beatorum Aposto-
lorum Petri ac Pauli, & per vestram prudentissimam ordi-
nationem, omnia salva & illæsa existunt. A quo enim de
illorum adventu vestra nos exhortavit Serenitas, semper
postera & litoraria nostra ordinata habuimus, & habe-
mus custodias; nosq; cum nostris sacerdotibus in ecclesia
fautoris vestri beati Petri apostoli omnipotentis exoravi-
mus clementiam, ut suam sanctam Ecclesiam ab insidiis
inimicorum custodire & defendere dignetur, vosque ad
exaltationem & defensionem ejus per longa annorum cur-
ricula conservare & protegere lubeat, atque ad gaudia æ-
terna per multa temporum spacia cum sanctis perducatur om-
nibus. *Piissimum domini Imperium gratia superna*
custodiat, eiꝝ omnium gentium colla substernat. Absol-
vit. Id. Septembris.

EPISTOLA IV.
DE INIQUO CONSILIO
FACTO.

Domino Piissimo & Serenissimo, Victori ac Trium-
phatori, Filio, amatori Dei ac Domini nostri Iesu
Christi, Karolo Augusto, Leo Episcopus servus servorum
Dei.

Postquam enim epistolam Gregorij Patricij
Siciliensis simul cum nostra emisimus Serenitati vestræ,
conjuxit ad nos unum navigium nostrum cum aliqui-
bus Græcis hominibus; ex quibus unus dixit nobis, quod
dum esset Leo, qui nunc effectus est Imperator, contra
Bulgaros ad pugnandum, Procopia uxor Michaëlis Impe-
ratoris habuisset quendam amicum nomine Constanti-

num Patricium, & exhortasse eum ut sibi eam in conjugio copulasset, promittens ei thesaurum absconditum multum, quod se abditum à patre suo habere dicebat, per quod populum erogare debuissent quatinus Imperatorem eum sibi elegissent. Tunc seductus sermonibus ejus, paruit iniquo illius consilio, & pacavit sibi multos dans largiflua dona: post hæc vero intromiserunt eum in Palatium Imperiale, laudem canentes ei. Ipse autem Constantinus fecit ad se accersire Nicephorum Patriarcham, & dixit se coronari, sicut mos est Imperatorum. Ille igitur Patriarcha nolens coronare eum manibus proprijs, occisus est. Vxorem vero Leonis Imperatoris exorbavit & filium ejus parvulum interemit. Hoc cum audisset Leo Imperator ubi erat in finibus Bulgarorum ad pugnam, coepit afflicto sermonibus increpare Patricios & optimates qui cum illo erant, dicens: Boni & Christianissimi viri, cur talem iniquitatem in me facere voluistis, quod elegistis me vobis Imperatorem? & ecce nunc & uxorem meam & filium meum occiderunt & levaverunt sibi alium Imperatorem. Tunc omnes stupore magno repleti dixerunt ei: Benignissime Domine nullam perturbationem ante faciamus, donec intra civitatem ingredi valeamus. Et initio consilio deposuit Imperialem vestem & induit militarem, & tollens secum quinque millia, viros armatos electos ad prælium, reversus est ad murum civitatis Constantinopolitanæ, & coepit cum eis foris muros vocibus magnis laudare ac dicere: Constantinum magnum Imperatorem multos annos. Cumque nunciatum fuisset quod multi milites fugissent à Leone, & venissent ad eum laudantes illum, fecit eis aperiri portas civitatis, ut rogam eis dare debuisset. Illis autem ingredientibus non pepercerunt neque viris neque mulieri-

mulieribus, sed neq; parvulis quos invenire potuerunt. Et mortui sunt, ut fertur, xvi. millia inter viros & mulieres. Tunc ipse Leo Imperator misertus est populo suo, & petijt cum Constantino bellum committere, ne pro duobus viris tantorum Christianorum sanguis effunderetur. Post hanc verò petitionem ingressi sunt ambo in locum qui dicitur Ippodromio, & occisus est Constantinus à Leone Imperatore. In eadem hora interfecit Theodorum Patricium & omnes qui in ipso consilio fuerunt: Procopiam autem uxorem Michaëlis Imperatoris occidit, & membra ejus abscidens distribuit per murum civitatis. Cumque sibi vindictam taliter perfecisset & ordinasset congrue civitatem reversus est ad exercitum suum in finibus Bulgarorum. Postmodum vero conjunxit ad nos unum hominem Gregorij Patricij, qui dixit nobis, quod neq; Patriarcham occiderunt, neq; uxorem Leonis Imperatoris exorbaverunt, sed neq; filius ejus interfectus est, nisi unam parvulam filiam suam fecit Procopia uxor Michaëlis Imperatoris interficere. Hæc vero de Græcis hominibus audientes Serenitati vestræ intimare curavimus. His præmissis: Omnipotens & misericors Deus sua vos protectione custodiat, atque post multorum curricula annorum ad gaudia æterna perducatur. *Piissimum Domini Imperium gratia superna custodiat, eiq; omnium gentium colla subternat.* Absoluta vii. Kl. Decembr.

EPISTOLA V.

GRATIARUM ACTIONIS

Domino Piissimo & Serenissimo, Victori ac Triumphatori, Filio, amatori Dei ac Domini nostri

Iesu Christi, Karolo Augusto, Leo Episcopus, servus servorum Dei. Expleri verbis clementissime fili non valeo, quantum vestro opere vestraque vita delector. Magnas igitur Omnipotenti Deo gratias reddimus, quia in ore cordis experimento dulcis sit sapor caritatis. Cum impleatur quod scriptum sit: *Sicut aqua frigida sitienti sic nuncius bonus de terra longinqua.* Serenitatis namque vestrae suscepta plena consolationis epistola, continuo, ut decuit, gratiarum actiones omnipotenti Deo retulimus, qui vestram Imperialem potentiam pacis Ecclesiasticae fecit esse custodem. Ipsa namque fides vos servat, quam erga sanctam Dei Catholicam & Apostolicam Ecclesiam, fautricem & auxiliatricem in omnibus petitionibus vestris, atque in sacerdotali unitate servatis. Cumque vos iugo pietatis corvestrum humiliter nostrae pusillanimitati subdiris, coelesti gratia agitur, ut omnia quae circa Deum ex vestra purissima voluntate agere cupitis divino adiutorio suffragari ad perfectionem secundum vestrum benevoluntatis desiderium deducitis, & vestrum brachium forte contra inimicos sanctae Dei Ecclesiae & vestros extenditis. Dilectionem igitur atque firmam caritatem quam erga Serenitatem vestram gerimus, est Deus in coelis, scrutatur corda & renes, qui icit qualem amorem & sollicitudinem de vestra diutissima prosperitate cottidie habemus. Quia post Deum & sanctos suos nullum consolatorem habemus nisi solam vestram a Deo protectam Imperialem potentiam, unde semper expectamus defensionem & consolationem. Relectis namque vestris Imperialibus syllabis reperimus in eis, quatenus Helmengaudus Comes vester nosterque fidelis omnia, quicquid a nobis audivit, vobis per singula nunciavit.

vit. Sed si omnia quæ cotidie patimur vobis insinuaſſet
 tam ipſe quem etiam cæteri Miſſi veſtri, qui iſtis partibus
 veniunt, faſtidium eos auribus veſtris credimus facere.
 Neſcimus enim ſi veſtra fuit demandatio, quod Miſſi ve-
 ſtri qui venerunt ad luſtitiam faciendam, detulerunt ſecum
 homines plures & per ſingulas civitates conſtituerunt.
 Quia omnia, ſecundum quod ſolebat Dux qui à nobis erat
 conſtitutus, per diſtractionem cauſarum tollere, & nobis
 more ſolito annue tribuere, ipſi eorum homines perege-
 runt, & multam collectionem fecerunt de ipſo populo,
 unde ipſi Duces minime poſſunt ſuffragium nobis plenif-
 ſime præſentare. Sed valde nobis gravis eſſe videtur ſi vo-
 bis faſtidium facimus: conſidimus enim in Dei miſericor-
 dia quia in veſtris temporibus ſancta Dei Eccleſia tranquil-
 la atque pacifica perſiſtere habebit.

De autem omnibus bonis & proſperis quæ circa Miſ-
 ſum noſtrum quem in partibus Britannia ad Anglorum
 gentem direximus, omnia pro amore Beati Petri Apoſtoli
 fautoris veſtri operati eſtis, ſicut ſolita eſt veſtra clementia,
 magnas gratias veſtræ pietati exinde agimus: quia ſemper
 in ſolatio ſanctæ Dei Eccleſiæ & adiutorio orthodoxæ fidei
 decertatis. Sed ſicut nobis per veſtram honorabilem e-
 piſtolam inſinuatiſtis, quod Eardulphus rex de regno ſuo
 ejectus fuiſſet, jam hoc per Saxones agnoveramus, unde
 maxime ipſum Miſſum noſtrum pro ipſa nequitia illic di-
 reximus. Magnum enim gaudium & magna lætitia in cor-
 de noſtro aſcendit pro eo quod veſtra pietas miſit Miſſos
 ſuos, & vivum eum ad vos uſque perduxiftis. Et valde
 de vita ejus delector, quia & veſter ſemper fidelis exiſtit.
 & ad nos miſſos ſuos dirigebat. Pro qua re veſtra Impe-
 rialis deſenſio ubique multipliciter reſonat.

De

De vero epistolis quibus vobis Eanbaldus Archiepiscopus & Coenulfus rex atq; VVado emiserunt, relegentes, repperimus eorum dolositatem quam inter se habent. Vnde valde contristamur. Quia ipse prædictus Coenulfus rex nec suum Archiepiscopum pacificum habet nec istum Eanbaldum idem Archiepiscopum. Nam & de eorum divisione cotidie in confessione beati Petri Apostoli, licet velut immeriti, preces fundimus, ut eos omnipotens Deus pacificet & discordiam quam inter se habent absolvat. Et sicut cœpit vestra Serenitas in ipsam pacem nobiscum detestare, sic incessanter elaborare dignemini, quatenus vestra merces copiosa accrescat in cœlis. Misistis siquidem nobis, ut nostræ Apostolicæ auctoritatis adhortatoriam epistolam sæpèfatto Eanbaldo Archiepiscopo per idoneum missum nostrum mitteremus, ut ad hanc sanctam Apostolicam sedem cum suis consentaneis venire debuisset, aut in vestra præsentia rationes deducendum. Nos vero statim ipsam epistolam dictavimus & vobis emisimus. Sed si placet Serenitati vestræ, quod ipsam nostram epistolam per vestrum idoneum Missum ipsis in partibus ad Missum, quem itidem direximus, misissetis, ut una cum prædicto Misso nostro ipsum Archiepiscopum adhortasset, quatenus aut hic in nostra præsentia, aut ibidem in vestra una cum socijs suis conjunxisset, valde nobis recte visum fuisset; quia Missum nostrum nondum suscepimus, & ipsi homines dolosi sunt, ut ne Missos super Missos suscipientes in dolositate eveniant. Verumtamen nos Missum nostrum præparamus, donec secundum vestrum placitum demandetis, & si placet Imperiali potentia ut Missum nostrum ibidem dirigamus, vos nobis per vestram insinuationem significare lubeamini, & nos statim ipsum Missum nostrum dirigemus secundum

dum vestram voluntatem. Omnipotens enim & misericors Deus sua vos protectione longa per tempora conservare dignetur, atque aeterna gaudia cum Sanctis omnibus faciat possidere. *Piissimum Domini Imperium gratia superna custodiat, eiq; omnium gentium colla substernuat.*

E M B O L I M.

PRO tanto amore tantaque dilectione atque fide, quam erga vestram Serenitatem gerimus, ea quæ agnoscere valemus silere non possumus. Iesse vero Episcopus serviens vester aliud servitium vobis facere potest. Nam missaticum per patrias deportare non nobis videtur quod idoneus sit, neque ad secretum consilium provocandus. Sed rogamus vestram clementiam, ut de hac recte clementer considerare debeatis, quia nos omnes in vestro servitio salvi existere cupimus. De autem Sacerdotalibus causis, unde nobis addetrimentum venire speramus, quæ nos non sic possumus emendare, vobis insinuamus, ut interrogetis Helmengaudum & Hunfridum, fideles vestros, quando à nobis absoluti sunt, & in Ravenna conjunxerunt, & ab Archiepiscopo ad prandium invitati sunt, id est Dominico die ad Palmas: quales lectiones & quales admonitiones ante ipsam mensam recitatas audierint, sicut decet in sancto quadragesimali tempore, quando omnes de suis facinoribus Deum deprecantur, ut mereantur emendare. Sed & ea quæ ibidem audierunt nobis turpitudine est vobis in scriptis insinuare.

EPISTOLA VI.

DE BENEFICIIS ACCEPTIS.

Domino Piissimo, & Serenissimo, Victori ac Triumphatori, Filio, amatori Dei & Domini nostri Iesu Christi

Christi, Karolo Augusto, Leo Episcopus, servus servorum Dei.

Magno munere misericordiae Dei totius mundi multiplicata sunt gaudia, cum pio & glorioso elementiae vestrae studio erga sanctam Dei Ecclesiam nostramque pusillitatem geritis, largifluae tuae munificentiae susceptis pulcherrimis munusculis, relictisq; scriptis Serenitatis vestrae, quae in nostro corde melle condita sapuerunt, ilico, ut decuit, gratiarum actiones tripudiantes gratulanter Deo retulimus. Quia non solum laetitiae verba in ea repperimus, verum etiam & nostrae prosperitatis solertissimam curam agnovimus. Sed de tantis immensis beneficijs & muneribus, quibus jugiter nos ditatis, opramus ut ab ipso clavigero regni coelorum, cuius vicem, Deo miserante, gerimus, dignam retributionem suscipiatis, cui tantum honorem assidue exhibetis. Scimus namque & fideliter scimus, quia per omnia & in omnibus vobis pertinentibus nostrum gaudium vos esse facturos: sed commutatio excelsae quae pia facta probat & benigna solita pietate replet, ipsa pro nobis digna praemia vestrae pietati retribuatur. Post vero munerum offerentem insinuaverunt nobis fidelissimi Missi vestri, Helmengaudus videlicet atque Hunfridus gloriosi Comites, quod filius noster Domnus Pippinus rex ad limina Apostolorum per vestram largitatem media quadragesima cupit venire, atque colloquium nobiscum habere. Vnde in magnum gaudium cor nostrum relevatum est, quod ipsi fidelissimi Missi vestri viva voce vobis insinuare possunt, & continuo omnia cum ipsis disposuimus de praedicti dulcissimi filij nostri itinere, Missumque statim nostrum direximus, qui omnem praeparationem facere deberet, quatenus cum laetitia ad limina Apostolorum

postolorum nostræque pusillitati conjungeret. Igitur post
modicos, octavo scil. Kl. Apr. conjunxerunt ad nos Missi
præfati filij nostri domni Pipini Regis, & obtulerunt nobis
honorabilem epistolam vestram. Quam relegentes repper-
imus vestræ prosperitatis salutem atque solertissimam cu-
ram quam erga tranquillitatem sanctæ Dei Ecclesiæ vestra
Serenitas semper gerit, atque de adventu filij nostri dom-
ni Pippini, ut non antea esset venturus nisi post diem san-
ctum Paschæ, apto videlicet tempore. Credat enim nobis
vestra clementia, quia quocunq; tempore ad nos conjunxe-
rit cum tanto gaudio tantaque lætitia eum suscipiemus,
quantum condecet filio tam magni defensoris sanctæ Dei
Ecclesiæ: quia scimus Domino opitulante, eo quod & no-
bis & illi profectum erit si nos conjunxerimus. Iterum post-
quam conjunxerunt ad nos ipsi prædicti Missi Filij nostri
domni Pippini Regis, & dixerunt nobis, quod in media
quadragesima minime conjungere potest, porrexerunt no-
bis præfati Missi vestri, videlicet Helmengaudus & Hunfri-
dus gloriosi Comites, aliam epistolam Serenitatis vestræ,
ubi continebat, ut ipsi fidelissimi Missi vestri apud filium no-
strum dominum Pippinum prius adirent, & de vestro verbo
ei præciperent, ut ubi ambobus placuisset nobis obviam
occurrisset, ut quod vos omnimodo optatis, cum Dei ad-
jutorio veniat ad perfectionem, id est ut pax & concordia
inter nos firma & stabilis Deo mediante constituatur. In
veritate enim dicimus, quia donavit nobis Dominus pa-
cificum Imperatorem, de quo Apostolus dicit: *quàm spe-
ciosi pedes. evangelizantium pacem, evangelizantium bonas.*
Nam omnipotens Deus vestrum potest cor satisfacere;
quia nullam discordiam nullamq; iniquitatem circa eum
habemus, sed sic eum diligimus & illius profectum cupi-

mus, sicut decarissimo filio: sed qui zizania portant in conspectu vestro vel filij nostri domni Pippini regis, quod nos nec in corde habemus; omnipotens Deus qui iustus iudex est, ante cuius conspectum omnia occulta patefunt, ipse iudicet inter nos & ipsos. De vero Ecclesiis Dei ut suas habeant iustitias, atq; littoraria nostra & vestra ab infestatione paganorum & inimicorum nostrorum tuta reddantur atque defensa, nos, quantum Dominus virtutem donaverit, cum ipso prædicto filio nostro studium ponimus: sed vestrum consilium & vestrum solatium & nobis & illi necesse est.

De autem insula Corsica, unde & in scriptis & per Missos vestros nobis emisistis, in vestrum arbitrium & dispositum committimus, atque in ore posuimus Helmen-
gaudi Comititis, ut vestra donatio semper firma & stabilis permaneat, & ab insidiis inimicorum tuta persistat, per intercessionem sanctæ Dei genitricis & beatorum principum Apostolorum Petri ac Pauli, & vestrum fortissimum brachium: & Domino miserante, tempore apto, quantum plus celerius valuerimus, per fidelem Missum nostrum omni utilitate sanctæ Dei Ecclesiæ vestræ Imperiali potentie liquidius innotescimus. Omnipotens igitur & omnium futurorum præscius Deus ipse vos faciat prosperis exaltari triumphis, & post longævam vitæ ætatem gaudia tribuat sempiterna. *Piissimum Domini Imperium gratia superna custodiat, eiq; omnium gentium colla substernat.*

EPISTOLA VII.

QUÆSTIONES SOLVENDÆ.

Domino Piissimo & Serenissimo, Victori ac Triumphatori, Filio, amatori Dei ac Domini nostri

Iesu Christi, Karolo Augusto, Leo Episcopus, servus servorum Dei.

Remente ad nos, Dominò annuente, Sabino religioso Episcopo de partibus transmarinis, obtulit nobis Serenitatis vestræ epistolam, continentem de injuncta sibi legatione vel captu atque redemptione Adulphi diaconi Missi nostri; de quo in magno marore manemus, quousque omnipotens Deus illum ad nos usque per vestrum deducat solatium.

Repperimus etiam in ipsa honorabili vestra epistola tres quæstiones subjunctas. Vnam quidem de eo quod scriptum est in Evangelio secundum Matthæum, ubi dicitur de domino nostro Iesu Christo: & *veniens Nazareth habitavit ibi: ut adimpleretur quod dictum est per Prophetas, quoniam Nazarenus vocabitur.* Alteram de eo, quod in principio Evangelij secundum Marcum testimonium Propheticum ita positum est: *Initium Evangelij Iesu Christi filij Dei, sicut scriptum est in Isaia Propheta, ecce misit angelum meum qui praparabit viam tuam ante te.* Tertiam de epistola egregij doctoris Pauli Apostoli priore ad Corinthios, ubi dicit: *Si enim cognovissent, numquam dominum gloria crucifixissent; sed sicut scriptum est, quod oculus non vidit, nec auris audivit, nec in cor hominis descendit, quæ praparavit Deus diligentibus se.*

Scribit enim beatus Hieronymus de quæstione prima, id est secundum Matthæum, quod hoc in Isaia scriptum habeatur: sed id magis juxta sensum usum beatum fuisse Evangelistam quam juxta sermonis proprietatem. Scriptum namque est in commentario ipsius Evangelistæ ab eo beato Hieronymo. *Et veniens habitavit in civitate quæ vocatur Nazareth, ut adimpleretur quod dictum est per Prophetas,*

quoniam Nazarenus vocabitur. Si fixum de Scripturis posuisset exemplum, numquam diceret; quod dictum est per Prophetas; sed simpliciter, quod dictum est per Prophetam. Nunc autem per Prophetas vocans, ostendit se non verba de Scripturis sumpsisse sed sensum. Nazareus enim sanctus interpretatur; Sanctum autem dominum futurum omnis scriptura commemorat. Possumus & aliter dicere, quod etiam eisdem verbis juxta Hebraicam veritatem in Isaia scriptum sit: exiet virga de radice Jesse & Nazareus de radice ejus conscender.

De testimonio vero beati Marci Evangelistæ, quod in principio sui profert Evangelij dicens: *Initium Evangelij Iesu Christi filij Dei, sicut scriptum est in Isaia Propheta: Ecce mitto angelum meum ante faciem tuam qui preparabit viam tuam ante te.* Et iterum: *Vox clamantis in deserto, parate viam domini, rectas facite semitas ejus.* Sciendum est quod è duorum testimonijs Prophetarum unum contexuit corpus Malachiæ videlicet & Isaia, quorum unius edixit alterius vero tacuit nomen. Quod enim ait: *ecce mitto angelum meum &c.* de Malachia protulit. Quod vero adjecit: *Vox clamantis in deserto &c.* Isaia vaticinium est. Sicut in ipsius Malachiæ expositione beatus profert Hieronymus dicens: *Marcus Evangelista duo testimonia Malachia & Isaia sub unius Prophetæ sermone contexens, ita exorsus est: initium Evangelij Iesu Christi, sicut scriptum est in Isaia Propheta, Ecce mitto Angelum meum ante te qui parat viam tuam.* Hoc, licet verbis aliis, in Malachia legimus. Quod autem sequitur: *vox clamantis in deserto &c.* ab Isaia Propheta dicitur. Item vero in commentario Matthæi idem beatus dicit Hieronymus. Cum enim testimonium de Isaia Malachiæ contextum sit, queritur quomodo velut ab uno Isaia exemplum putemus adsumptum: de quo Ecclesiastici viri plenissime responderunt.

At vero Testimonium beati Pauli Apostoli, quod in epistola ad Corinthios protulit, dicens: *Quod oculus non vidit nec auris audivit &c.* in Isaia Propheta scriptum habet: *naturalis quidem verbis eodem tamen sensu.* Sic namque scriptum est ibidem: *à seculo non audiverunt neq. auribus percepserunt, oculus non vidit Deus absq. te, quæ preparasti expectantibus te.* Requirit prudentissima vestra Imperialis potentia in capitulo centesimo septuagesimo, & ita inveniet. Quanquam beatus Ambrosius hunc sermonem in expositione ejusdem Epistolæ, juxta scriptum Apostoli in Apocalypsi Helia in apocryphis scriptum esse adfirmat.

His præmissis, Omnipotens & misericors Deus sua vos protectione custodiat, atque per multorum curricula annorum vitam tribuat sempiternam. *Piissimum Domini Imperium gratia superna custodiat, eique omnium gentium colla substernat.*

EPISTOLA IIX. INTERCESSIONES ET CÆTERA.

Domino Piissimo & Serenissimo, Victori ac Triumphatori, Filio, amatori Dei & Domini nostri Iesu Christi, Carolo Augusto, Leo Episcopus Servus Servorum Dei.

Omnes enim qui se nobis fideles asserunt, si vestra Imperiali potentia sic fideles non extiterint, ita ut omnes pacem atque dilectionem quam, Deo miserante, erga sanctam Dei catholicam & Apostolicam Romanam Ecclesiam matrem vestram & nos geritis, cognoscere valeant, vacua est spes eorum & labor eorum sine fructu, & inutilia sunt opera illorum, exceptis his qui per ignoran-

tiam

ammm

tiam in aliquod ut homo se fellerint. Verumtamen & ipsi corrigendi esse judicamus. Misit siquidem nobis vestra Serenitas, eo quod Adolphus diaconus, Missus nostræ Apostolicæ sedis, cum à vobis more solito benigne ac honorifice susceptus esset & usque ad portum maris deductus, atque exinde ad navigationem commode absolutus, & cum venteretur ad vos primum se velle venire profiteretur, noluit Missum vestrum expectare qui eum usque ad vos deduceret, sed arcepto itinere quasi fugiens, cum vos illum per dies aliquot expectaretis, ad vos venturum sperantes, spem vestram delusit. Et quod Missum Eanbaldi Archiepiscopi, qui ipse literas suas ad vos misit petens ut prædictum legatum ejus ad vos venientem benigne susciperetis, & eum ad vos venire permetteretis: sed neque ille secundum domini sui præceptum peragere studuit. Quamobrem credat nobis vestra Serenitas, carissime ac dulcissime Fili, quia per nullum iniquum quodlibet consilium hoc facere perpeffi sunt, sed ignorantes seculi hujus solertia hanc stolidam occurrionem perfecerunt. Nos vero Apostolica suffulti auctoritate, secundum vestram voluntatem, vestræ Imperiali potentia eos dirigere non omitimus. Sed precamur clementiam vestram, ut pro amore beati Petri Apostoli fautoris vestri, in cujus servitio prædictum Adolphum diaconum emisimus, immo etiam in ipsum quod nobis sub jurando pollicitus est, ut ad profectum sanctæ Dei Ecclesiæ & vestrum atque nostrum decerrare debuisset, & pacem in ipsa insula seminare studuisset, iterum ipsis in partibus remittamus, nullam pro hoc sustineat tribulationem: ut cum Propheta dicere valeat, *corripit me justus in misericordia.* Quis enim vestram à Deo datam sapientiam illudere valebit? cum superna gratia si-

eū vos procul dubio credimus ut habeatis. Sed quia ho-
 mines sumus & fallimur, petimus pietatem vestram, ut
 hanc eorum noxam beato Petro Apostolo concedere non
 dedigne mini, ut ab ipso clavigero regni celestis præmium
 mercedis suscipere mereatis. De autem quod nobis emi-
 sit vestra Serenitas, fraudulentam eos habere legationem
 quam vobis ostendere timuerunt, & quia propter hoc tam
 festinanter profecti sunt, ut Ardulphi regis iter Romam
 prævenire potuissent, omnes epistolas quæ de partibus il-
 lis nobis perlatæ sunt pro vestra satisfactione vobis emisi-
 mus legendas. Prædictum vero Missum Eanbaldi Archie-
 piscopi, in quantum Deo auspice agnoscere valuimus, in
 omnibus Dei famulum enim comperimus. Vnde obnixè
 quæsumus vestram Imperialem potentiam, ut pro eo
 quod ad fautorem vestrum beatum Petrum Apostolum
 directus est, melius illi sit & non deterius, sicut modis o-
 mnibus esse credimus, quanquam ignoranter fefellit.
 Quia valde pertimescimus ne ipse populus acquisitionis
 sanctæ Romanæ Ecclesiæ per quamlibet occasionem, &
 certamen prædecessoris mei domni Gregorij beatissimi
 Papæ, quod ipsis in partibus posuit, meis temporibus in-
 fructuosum existere videatur, nec mihi in iudicio eveniat.
 Quid plura dicimus? Sicut per eorum stultitiam agnovi-
 mus in aliquod vestrum furorem, ita per infusionem sancti
 Spiritus velocius à vobis vestram sentiamus misericordi-
 am. His præmissis, Omnipotens & misericors Deus sua vos
 à malis omnibus protectione custodiat, & quoniam vita
 vestra bonis omnibus valde est necessaria, post longa ad-
 huc tempora vos ad cœlestis patriæ gaudia perducatur.
*Piissimum Domini Imperium gratia superna custodiat,
 eiq. omnium gentium colla substernat.* Prædictæ vero

Epistolæ quæ de Saxonîæ partibus nobis missæ sunt magnopere precamur clementiam vestram, ut eas nobis remittere jubetis, quia eorum verba pro pignore retinemus. *Absolut. prid. Kal. Ianuar.*

EPISTOLA IX.

QUALITER QUIDAM EPISCOPUS EXSUL INVENTUS.

Domino Piiſſimo & Sereniſſimo, Victori ac Triumphatori, Filio, amatori Dei ac Domini noſtri Ieſu Chriſti, Karolo Auguſto, Leo Episcopuſ Servuſ Servorum Dei. Dum veſtræ Imperiales Syllabæ de civitate in civitatem ad noſ perveniſſent, quæ & à nobiſ ſuſceptæ ac relectæ fuiſſent, repperimus in eiſ, quatenuſ à Gradenſi inſula, ubi Fortunatuſ Archiepiſcopuſ ſuam propriam ſedem habere videbatur, propter perſecutionem Græcorum ſeu Veneticorum exul eſſe dignoſcitur; & ſi congrue nobiſ apparuiſſet, pro cauſa neceſſitatis in Pola, ubi jam dudum Æmilianuſ quidam Episcopuſ præfuit, quæ & diæceſi prædicti Fortunati Archiepiſcopi exiſtit, illic ſuam ſedem haberet: & qualiter veſtra à Deo protecta Imperialiſ potentia ſine conſultu Apoſtolatuſ noſtri nequaquam cum aliubi conlocare voluit. Noſ vero de hac re pertraſtantes providimus. Ut ſecunduſ qualiter veſtræ Imperiali clementiæ complacuit, ut in Polana Eccleſia perſiſteret, ita maneat, ſub eo proruſ tenore: Ut ſi, Domino annuente & B Petro Apoſtolo protegente, per veſtram in triumphis Victoriâ, ipſa ſua ſedes illi reſtituta fuerit, ſecunduſ qualiter prædicta Polana Eccleſia integra cum omnia ſibi pertinentia ſuſceperit, ſic iterum ea reſtituatur, & non
de re-

de rebus ejus aut pecunia ad suam debeat subtrahere sedem, sed neque cuiquam ex ipsis rebus seu pecunijs atque speciebus dare quoquo modo præsumat, ut ipsa Ecclesia semper inrefragabiliter cum suo antistite salva existere possit. Reservatur siquidem in ipsis vestris Imperialibus apicibus, quomodo in Aquis palatio nobiscum providistis de Aquilejensi Ecclesia, velut una quæ suam sedem haberet. Credat enim nobis vestra clementia, & quod quicquid ibidem una vobiscum vel cum fratribus & coepiscopis nostris oratores vestri pertractavimus, omnia ad mercedem animæ vestræ seu filiorum vestrorum esse conspiciuntur. Omnipotens & misericors Deus per intercessionem sanctæ suæ genetricis, suorumque Apostolorum Petri & Pauli diu vos in hoc mundo conservare dignetur, & per multorum annorum curricula cælestia regna cum suis faciat adipisci. *Piissimum Domini Imperium gratia superna custodiat, eiq. omnium gentium colla substernat.*

EMBO L I M.

ET hoc vestræ Serenitati intimare curavimus de præfato Fortunato: ut sicut semper pro illius honore temporali laboratis, ita & de anima ejus curam ponatis, ut per vestrum pavorem suum ministerium melius expleat. Quia non audivimus de eo sicut decet de Archiepiscopo, neque de partibus istis, neque de partibus Franciæ, ubi cum beneficiastis. Tamen gratias agimus Deo, quia omnia vobis incognita non erunt. Interrogare quidem fideles vestros, & omnia vobis nota fient; eo quod illi qui vobis eum collaudant hoc per munera & calciaria faciunt. Quid nobis plus amabile est quam vestra dulcissima anima? Et Deus cognitor est, quia post salutem animæ vestræ hæc omnia

vobis insinuamus, eo quod de tanto amore quem erga vestram Serenitatem gerimus, ideo silere non possumus. Potestis interrogare fratrem nostrum Hildibaldum Archiepiscopum & Ercanbaldum Cancellarium. Fortassis exinde aliquid cognoveritis, quia cognovimus eos animæ vestræ fideles in omnibus.

EPISTOLA X.

QUALITER MISSI IUSTITIAM FACTURI DAMNUM FECERVNT.

Domino Piiſſimo & Sereniſſimo, Victori ac Triumphatori, Filio, amatori Dei ac Domini nostri Iesu Christi, Karolo Augusto, Leo Episcopus servus servorum Dei. Ad hoc omnipotens & invisibilis Deus noster vestram à Deo protectam Imperialem potentiam sanctæ suæ Ecclesiæ fecit esse custodem, ubique gubernatione laudabili ad augmentum gloriæ vestræ vigilantior existeret, & quos consilio exterius regitis perire interius non permittatis, quatenus per fructum piæ sollicitudinis vestræ ad æternam quæ sanctis suis daturus est gaudia pertingere mereatis, atq; ex bonorum vestrorum actibus dignam retributionem multipliciter percipiatis. Misimus itaq; præſentes oratores nostros, Ioannem videlicet reverendissimum Episcopum & Basilium religiosum egumenum, visitationis causa ad vestram Imperialem clementiam, cum benedictione beati Petri Apostoli fautoris vestri. Sed petimus Serenitatem vestram ne injuriosum ducatis quod non aliquid dignum munificentiae vestræ vobis dirigere valuimus. Verumtamen de beati Petri Apostoli rebus, quamvis

vis parvæ sunt quæ offeruntur, pro magna semper benedictione suscipiendæ sunt, quoniam & hic vobis valebit majora impendere, & apud omnipotentem Deum beneficia æterna præsentare. Dum enim in hominibus post Deum & sanctos suos non nisi in vestram Imperialem potentiam fiduciam habemus, justum prospeximus, ut & gaudium nostrum & angustias quas assidue patimur vestris prius intimaremus auribus, ut oblationem quam vestri dulcissimi parentes & vos ipsi beato Petro Apostolo obtulistis, accepta atque secura sit in conspectu ejus, quatenus ab ipso clavigero regni cœlorum, qui vos in suis utilitatibus defensores constituit, dignam retributionem percipere mereamini, & vestra opinatissima Imperialis munificentia in universo fidei populo laudabiliter diffametur, & nos pro causa negligentia ante tribunal Dei cum ipso domino & nutritio nostro beato Petro Apostolo in judicio minime provocemur, pro eo quod oppressiones populi Dei vestræ non nunciaverimus clementia. Misit igitur pia Serenitas vestra Missos suos, ut justitiam nobis facere debuissent, sed magis damnum quam profectum nobis fecerunt. Venerunt tamen missos vestros qui ad nos venerunt interrogare dignemini, & ipsi viva voce insinuare possunt ea quæ in nostris hominibus audierunt vel viderunt peracta. Sed & præsens Ioannes Episcopus Missus noster per singula vestræ potest iunotescere Imperiali potentia; quia omnia, quicquid per vestrum pium ac legale iudicium de causa videlicet palatij Ravennatis recollemus, unde & iussistis, ut nullus quilibet homo imposterum conquassare aut in judicio promovere præsumeret, tam de vulgaria quam etiam de mansis, quos per vestrum dispositum Herminius fidelis vester nobis reassignavit; omnia cum casis, vineis

seu laboribus atque peculijs abstulerunt, & nihil exinde nobis remansit. Quamobrem quæsumus vestram Imperialem clementiam, ut sic de vestra à Deo accepta donatione, quam prædicto Dei Apostolo obtulistis, peragere jubeat, quatenus in nulla minuatur parte, sed maxime per vestrum laboriosum certamen firma atque stabilis & inconcussa perennis temporibus persistere valeat, & nos, licet impares, tantum Deo miserante vicem ejusdem discipuli tenentes, securiter ac patienter Dei omnipotentis possimus exorare clementiam, ut vestrum robustissimum brachium fortiter contra inimicos sanctæ Dei Ecclesiæ extendat, & omnes barbaras nationes pede fortitudinis opprimatis.

Piissimum domini Imperium gratia superna custodiat, eiq; omnium gentium colla substernat.

HERMANNI CONRINGII
AD LEONIS III PAPÆ EPI-
STOLAS NOTÆ.

E Pistolæ quas dedimus descriptæ à nobis sunt ex mem-
branis antiquis bibliothecæ Academiæ Iuliæ, sed
quas olim habuit Matthias Flacius Illyricus, vir rerum an-
tiquarum studio & peritia celeberrimus. Meminit ille ea-
rum cum in Catalogo Testium veritatis tum in Centuria
octava Historiæ Ecclesiasticæ, imo ex ijs excerpta nonnulla,
signo in membranis superstite notata, publicavit; quum
tamen harum nullam integram exhibuerit, ab alijs illæ de-
sideratæ sunt, à Gretzero ipsa Flacij fides suspecta fuit red-
dita, quasi ille finxerit se habere quæ nunquam existant.
Longa satis & petulans, pro more hominis, Gretzeri in Fla-
cium investiva præmissa est Epistolis variorum Pontifi-
cum ad Carolum Magnum quas Grezerus ipse edidit.
Certe quod hætenus latuerint argumento est, exempla
earum per esse rara: quippe cum Paparum illius ævi sive
amor sive odium multos ad vulganda hæc potuerit invi-
tare. Neque nobis cognitum hætenus est, ex quo an-
gulo Flacius opusculum hoc eruerit. Parum etiam hoc
scire refert, cum jam constet sibi Flacij fides. Leonis
Papæ, cujus præ se ferunt nomen, epistolas esse, vetat nos
dubitare præter membranarum vetustatem ipsa dictio,
Romanæ curiæ illa tempestate propria, & rerum cum cer-
tis monumentis adeo attenuata consensio, ut figmento
humani ingenij, præsertim nullo lucro invitante, non pos-
sit esse locus. Cæterum à Leone longe plures imo pene
infinitas ad Carolum literas esse scriptas, facile liquet ex

illa diligentia scripturandi, quam vel hæc pauca præ se ferunt. Nec tamen, quod sciam, hujus Pontificis ullæ etiam ad alios scriptæ, editæ hæcenus sunt præter tres tertio Conciliorum tomo ante hos triginta amplius annos & unam ad Riculphum Moguntinum Epistolis S. Bonifacii n. 75 insertæ. Perierintne an conquiescant alicubi reliquæ, haud dixerim: forte decas hæc alios longe plura & meliora faciet promere. Quod profecto nostra fieret cum voluptate.

Expressimus autem hæc nostras cum suis summarijs quales in membranis reperimus & cujusmodi reapse sunt, quod Flacius recte dixit, *prorsus rudes & barbaræ*. A librario aliquid lutulenti contractum, non dubito. Sed cum hujus sordes ab ipsiusmet auctoris cœno distinguere non licuerit, ne quid temere mutaretur, consultius est visum omnia relinquere prout accepimus. Enimvero recte quidem de Carolo Magno scripsit Ionas Aurelianensis exordio libelli adversus Claudium Taurinensem: *Non solum apud Germaniam studium literarum & amor sanctarum scripturarum, verum etiam apud Galliam ejus memorabilis viri solertissimo studio & ferventissimo desiderio accensum est, ut, Domino operi ferente, in sibi commissæ Ecclesiæ filijs, & liberalium artium apprime disciplina & divinarum scripturarum perfectæ pollicerentur intelligentia*. Recte, inquam, hæc Ionas. Etenim hodieque superant ex illo ævo monumenta Gallorum Germanorumve, quæ merito tolere si nolis laudare. Italia tamen, quantum constat, vix rûm quenquam habuit, Paulum & Paulinum Aquilegienses excipe, mediocricule eruditum: Romæ barbaries ipsam sedem suam posuisse videtur, unde tanquam ex arce copias suas mitteret in Ecclesiam omnem Occidentis. Id ipsum non hæc tantum
literæ

literæ Leonis docent, sed etiam illorum Paparum quos Gretzerus & alij ediderunt, imo & Anastasij Romani Bibliothecarij superstites libri, utut hunc Græce & Latine doctum laudare non dubitaverit Bellarminus. Omnia videlicet hæc notæ ejusdem sunt: hoc est fœda barbarie coinquinata, eoque vere Romana, ut tunc erant Romana omnia. Nec vero illa barbaries facile mutavit, sed duravit perquamdiu. Hinc in synodo Remensi Ottone II Cæsare, testatur Gerbertus, Arnolfum Aurelianensem hæc in verba prorupisse: *Cum hoc tempore Rôma nullus pene sit, ut fama est, qui literas didicerit, sine quibus vix ostiarius efficitur, qua fronte aliquis eorum ducere audebit, quod minime didicit?*

In ordine Epistolarum seriem temporis non observavit collector, perinde ut ille qui Gretzerianum volumen congeffit. Omnes tamen hæc literæ ad Carolum jam Imperatorem Romanum, & quidem ultimis ejus vitæ annis, sunt exarata. Ea res facit, ut ex hisce literis discere sit quod ex alijs, à Gretzero etiam editis, discere haud licet: quareverentia videlicet Papa Cæsarem alloqui etiam tum fuerit solitus. Gretzerianæ etenim illæ Adriani ad Carolum adhuc Patricij tantum dignitate fungentem scriptæ sunt; neq; ex illo ævo superest fortassis aliqua epistola alia ad Imperatorum quempiam à Papis transmissa; certe in publicum hæctenus non est edita. Cum primis enim merentur notari, cum utraque formula qua & exorsus est & finivit omnes literas Leo, inque illa vox solemnisi *Domini*, (qua voce Iustinianum Cæsarem, ut *Domina* Theodoram, præter solitum in familiari sermone primos omnium salutatos, notat in *Arcana historia* Procopius) tum vero passim occurrentia illa *clementia vestra, clementissime fili, humilitas nostra, nostrum servitium*. Et si enim & in Gregorij

Magni epistolis ad Cæsares frequentissime hæc legantur, àsequentium tamen temporum infra Carolinam ætatem consuetudine multum sunt aliena, postquam Cæsarum imperio abjecto Papæ voluerunt haberi prorsus *avumūjuris*, imo ipsorum Cæsarum regumque domini. Neque vero est quod credas, blandis adeo & humilibus voculis ex mōre, erga alios etiam reges infra Cæsaream dignitatem positos fuero, usum tum Leonem. Nuspian enim cum alias tum in omni Epistolarum Gretzerianarum volumine comparet ille *clementissimi* aut *domini* titulus, sed tantum *domni excellentissimi*. Inter *domni* autem & *domini* voces ingens profecto illa tempestare fuit discrimen: quod neminem scriptorum ejus ævi peritum temere latet. Scilicet coluit Leo Carolum, quomodo antehac à Papis Cæsar coli solebat. Erat autem mos tum Romano populo, solos Cæsares *Dominos nostros* appellare: donec eodem titulo & Leo hic III Papa omnium primus ab adulatoribus audiit, post Urbis republ. occupatam. Et vero ut notant eruditi, in numismatibus & operibus antiquis hic primus Paparum inscriptus est: *Sanctissimus D. N. Leo Papa*. Pertinet vero ad veterem illum cultum, etiā *adoratio*, qua Carolum Cæsarem Leo hic prosequutus est. Annales Francici ipsâ Ludovici Pij ætate conscripti, de hoc nostro Leone, ubi populus Romanus Carolum Cæsarem proclamasset, in hæc verba loquuntur: *Post quas laudes à pontifice more antiquorum Principum adoratus est*. Notavit Guicciardinus tabulas suas Papam hisce tum verbis consignasse: *Imperante Carole domino nostro*. In omnibus porro epistolis elucet, quanta animi submissione erga Cæsarem fuerit tum Leo, sive narret aliquid, sive petat, sive se excuset. Et si enim haud parum reverentiæ exhibeant Carolo Adrianus, Stephanus,

nus, alij, cum Patricius adhuc ille audiret, longe submissus tamen erga eundem jam Cæsarem sese Leo gerit.

Et vero hic præcipuus est ille fructus, quem ex literarum Leonis lectione possis petere. Nec ego alij potius fini eas edidi, quam ut clarissime pateat veritas eorum, quæ de Cæsarea in Papas per Carolum acquisita auctoritate libro de Germanorum Imperio Romano c. VII multis disputata sunt. Apparet vero etiam ex his epistolis, id quod ibi demonstravimus, per legatos suos, quos tum Missos appellare mos fuit, Cæsarem jus dixisse & per omne Petri patrimonium & in ipsa Vrbe Roma: quemadmodum scilicet tulisse tum consuetudinem in omnibus Francici juris regionibus, alias ostendimus. Quamvis enim de injuria per legatos illos sibi facta conqueratur non semel Leo, tamen ipsam judicandi potestatem nusquam vocat in dubium. Videtur tamen etiam ille omnem operam navasse, quo sensim hoc onere se levaret, integra impetrata libertate. Huc enim spectasse merito dixeris illas de iudiciis istis Cæsareis perpetuas querelas; cum primum vero illud, quod à Carolo Leoni objectum esse, liquet ex epistola prima: quod neminem receperit in gratiam Leo qui Cæsaris auxilium imploraverat, quo scilicet omnes alios ab ope illa petenda deterret. Pertinere enim hoc videtur ad morem illum, quem Appendix Eutropiana hisce verbis narrat apud Flacium: *Tanta Imperialis virtus ibi vigeat, ut si in legali iudicio minoris vel infæci causa postponeretur, & ille alicujus consilio pedes teneret Legati Imperatoris, petens ab eo justam legem, & Missus adjuraret Principes Romanorum, dicens: per eam fidem quam Domino Imperatori debetis, facite huic homini justam legem: nemo erat ausus declinare neq. ad dextram, neq. ad sinistram, etiamsi à propinquo Pontificis illata esset injuria.*

Verum Cæsarum illam potestatem illibatam usque ad obitum Ludovici II Imperatoris permanfisse, alibi probavimus.

Meretur vero & in his epistolis observari id, in quo uno pene omnes Gretzerianæ sunt occupatæ, studium nimirum illius ætatis Pontificum in acquirendo arcium urbium & terrarum dominatu. Quæ res Apostolo & Ecclesiæ universæ sacris canonibus summe olim vetita, imo ante hanc tempestatem à nemine tentata fuit: ubi tamen Papis successisset, usque adeo omni nocuit Occidentis Ecclesiæ, ut ab hoc uno potissimum pravo exemplo omnes, vel certe maximos, ejus morbos profectos esse merito dixeris. Nec enim fieri aliter potuit; sacrorum postposita cura, ad mundi negotia animum omnem appellentibus Episcopis plærisque, luxu avaritia & libidine ex eo usq; tempore potissimum perditis, quin in mores omnium ut & doctrinam mala semina spargerentur, eaque brevi lætissime adolescerent. Ex hoc certe potissimum tempore à pietate & puriore fide Ecclesiam occidentis abiisse, est certissimum. Nec tamen causam præcipitis adeo lapsus veriore aliam attuleris. Id quod viderunt etiam illi, qui sanctos angelos tum quando Constantinus Cæsar occidentale Imperium Papæ donavit, exclamavisse: *Hodie in Ecclesia venenum effusum est*, fabulati sunt. Ut enim omne illud de Constantino putidum sit Romanæ curiæ commentum, nec Papa aut quisquam Episcoporum alius ante Pipinum provincias, urbes, arces possederit; vero tamen est verius, bona ejusmodi Ecclesiæ haud minus atque pestilens aliquod venenum nocuisse.

Cæterum qua vafrities, quibusq; artibus ad illam potentiam isthac tempestate Papæ pervenerint, quibus item

com-

commentis boni illi Principes Pipinus & Carolus ad novi exempli donum istud permoti sint, & quemadmodum fuerint circumventi, jam alias diximus *l. de Germanorum Imperio Romano*; secunda autem editione uberius dicturi sumus. Id non injuria mireris, adhuc vivo Carolo inter Papas & ministros Cæsareos circa patrimonij illius Petrini (liceat enim & nobis ita loqui) administrationem perpetuas fere fuisse contentiones. Neque enim tantum ex literis multis Adriani in volumine Gretzeriano, sed etiam ex hisce decem Leonis, id liquido est perspicere. Plenæ enim illæ sunt querelarum de legibus donationis Pipinianæ per Missos Cæsareos violatis. Omnia autem tot Legatorum suorum ejusmodi acta Carolum damnassee, cui fiet verisimile? Imo non improbassee isthæc omnia, haud male colligas ex anxijis illis Paparum precibus, & Caroli responso, præsertim illo quod recitatur epistola prima Leonis. Extra dubium tamen est, Carolum Romanæ sedis fuisse studiosissimum. Bene enim Eginhartus: *Nec ille toto regni sui tempore quicquam duxit antiquius, quam ut Vrbs Roma sua opera suoque labore veteri polleret auctoritate; & Ecclesia S. Petri non solum per illum tuta ac defensa sed etiam suis opibus præ omnibus Ecclesiis esset ornata ac ditata.* Ex adverso haud dixerim equidem, Legatis Cæsareis in Paparum accusationibus nunquam non factam injuriam. Quam facile enim retundi potuisset illa calumnia! Certe ne ipsa quidem impudentia fuisset ausa toties eandem cantilenam reperere. Occasionem igitur contentioni videtur dedisse Stephani III. Papæ figmentum; quo Pipino persuaserat, Exarchatum Ravennatensem Pentapolim & alia per injuriam à Langobardorum regibus postremis fuisse Papis erepta, idque quoniam ante

munere Constantini Magni aliorumque Cæsarum in pleno fuissent Paparum vel (ut loqui illi malebant) S. Petri patrimonio. Illa videlicet fabula inducti, Pipinus patriter & Carolus, citra exceptionem illarum regionum omnia in Paparum manus tradi, datis tabulis promiserunt. At post occupatum in Italia Langobardorum regnum, non potuit facile veritas latere; itaque non legati tantum Carolini, sed & Carolus ipse factus est tardior, in dono illo secundum omnes conditiones integre præstando. Ex quo denique Carolo dignitas Cæsarea obtigit, videntur ejus Missi jura veterum Cæsarum in domini sui usum exegisse. Quæ res cum summe esset Papis invisa, illi ad tabulas Pipinianas tanquam ad sacram anchoram confugerunt.

Sed de omni hoc negotio libro de Germanorum Imperio Romano latius est agendum. Nunc ad singulas Epistolas nostras nonnihil notabimus. Nonnihil inquam. Multa enim commentari ad literas adeo barbaras, non videtur fore pretium operæ. Eoque ne quidem voces barbaras quæ passim occurrunt explicabimus. Quod cæteroquin haud difficile adeo est factu, post edita P. Pithoei & Frid. Lindenbrogij optima sane & utilissima glossaria Latinobarbara; postque nuperum laborem numquam satis laudandi Gerardi Joannis Vossij de vitij emendati sermonis. Satis nobis fuerit si ex historia lucem aliquam attulerimus.

Ad Epistolam I.

De Accusatoribus) Semel monendum est, etsi nemini non pateat, summaria vel inscriptiones epistolarum ineptas esse & à rudi manu, non minus atque literas ipsas. Argumentum autem epistolæ primæ hoc est. Nullos non legatos judiciorum habendorum ergo, ex more regio Francico, Romam & in alias terras, Papæ ex donatione Pipini & Caroli subditas, transmissos, videtur Leo apud Cæsarem accusasse: quasi scilicet jura Papalia illi contra quam tabulis Pipinianæ & Carolinæ donationis erat cautum, læssissent. Illas perpetuas querelas ægre tulit Carolus, eo-
que non dissimulans indignationem scripserat; sese neminem invenire qui Papæ placeat, neminem non detrectare legationis munus; & quæ alia in his literis ipse Leo recenset. Ut illam Cæsaris indignationem leniret, epistolam hanc Papa exaravit. Annum scriptionis haud certo licet definire. Per autem fit verosimile, Carolum commotum fuisse epistola Leonis quæ nobis est ultima, & legatione ista quam simul tum miserat Leo ad Carolum accusatum Cæsareos Missos. Ut proinde decima hanc epistolam præcesserit. Etenim statim initio fit hic mentio reditus Missorum Leonis ex aula Cæsaris. A quibus accusatos fuisse Missos Cæsaris, facile liquet ex responso Caroli, cujus summam epistola hæc recitat. Cum autem ex epistola quinta colligere sit, Missos Cæsareos adhuc anno 808 à Leone ad Carolum delatos esse, eodem vero anno, vel certe sequente, dissidij hujus componendi causa, Pipinus rex Romam iter voluerit suscipere, quod indicat epistola sexta, verosimile autem non sit, post negotium compositum denuo foedam camerinam à Leone commotam: omnino

omnino suspicor, primam hanc epistolam scriptam esse anno 807 pene decurso. Verum hæc conjectura tantum est: quæ cum sit de re levi, per me licet quo loco eam quisque habeat.

Domino Pissimo) Iam à Iustiniani ætate & ultra inoleverat, Cæsarum tantum non omnia *πῦ* aut *piissimi* veneratione appellare. Hinc illa frequentia: *Pissimum Imperium, piissimum caput, piissima pedum vestigia*. Solis Cæsaribus quoque tum proprius erat *Serenissimi* titulus: quo primus videtur usus Gordianus, Græcis est *καλνθότατος*. *Victoris & triumphatoris* tituli Cæsarum multo sunt antiquiores. - Caroli porro imitatione *Domini* vocem videntur secuti Francorum Reges usu suam fecisse. Rabanus ad Otgarium: *Proprietas dominicalis qua Domino Imperatori ex paterna successionem hereditario jure pervenit. Reges nostri propter excellentiam commune nomen Domini (sive Domni; sed hoc glossema est) effecerunt suum.*

Leo Episcopus) Non soli Cæsareo honori datum hoc est à Leone, quod nomen suum omnibus in literis post Cæsareum collocaverit. Idem enim factum est in toto volumine à Gretzero edito, quarum literarum aliquæ ad Carolum Martellum & Pipinum nulla regia dignitate adhuc ornatos sunt exarata. Ex more scilicet prisco adhuc supererant Romæ reliquæ humilis observantiæ, qua olim cum alij Episcopi tum etiam ipsimet Papæ reges gentium & *τῆς ὑπερέχοντας* promiscue omnes venerabantur. A quo cultu paulo post Carolum passim recessum est, partim præ superstitione ipsorum regum & Cæsarum, partim vero quod opibus aucti jam Episcopi spernerent domino rum gratiam. Lectu digna sunt verba ipsius Ludovici Pij ad Episcopos, quæ habentur, l. 5. capit. c. 222. *Volumus vos scire voluntate*.

voluntatem nostram: quod nos parati sumus vos adjuvare ubique, necesse est, ut ministerium vestrum adimplere valeatis. Simulque vos admonemus, ut propter humilitatem nostram & obedientiam, quam monitis vestris propter Dei timorem exhibemus, honorem nobis à Deo concessum conservetis, sicut antecessores vestri nostris antecessoribus fecerunt. Et tamen hic est ille Pius. Ludovicus de quo canit Otho Viterbiensis in Pantheo:

*Carolus egregium genuit regem Ludovicum,
Quem Deus almificum sibi confirmavit amicum,*

Lege sua clerus jure vocatur herus.

*Hic pater Ecclesiam vario praevenit honore,
Veste, domo, Cerere, cujus fuit aucta favore,*

Jure suo legitur grandis ubique fore.

*Hic propriae habitare domos, equitesq. fovere.
Nos facit, & veste varia priscasq. nitere,*

Nisus & accipiter hac quoque lege sedet.

*Talis honor clero nisi Casare dante venires,
Grande genus Comitum cleri juga nulla subires;*

Rustica ne fieret nobilitate viger.

Fortassis tamen Pijssimo Ludovico injuriam facit Otho. Auctor enim vitae Ludovici illius Caesaris à Pithoeo editus ita scribit, ubi de synodo Aquilgranensi egisset: Tunc ceperunt deponi ab Episcopis & clericis cingula balteis aureis & gemmeis cultus ornata, exquisitae vestes sed & calcaria salo onerantia relinquere. Monstro enim simile ducebamur, si Ecclesiastica familia deputatus conaretur aspirare ad secularis gloriae ornamenta. Sed haec obiter. Et vero saltem paulo post omnia mutavere. Quantum autem Papae in epistolis scribendis ab hac Leonis humilitate deinceps recesserint, nemini est ignotum. Conferantur epistolae Adriani ad Fride-

ricum. I. quas recitat Otto Frisingensis l. 1. & Radevicus l. 2. Adriano autem cum paria faceret Fridericus (nomen sc. suum Pontificio præponens singularis numeri dictionibus adhibitis) quantum excanderit Papa, discere est ex Radevici c. 18. & 19.

Remaneant ad nos fidelissimi missi nostri) ut ante diximus, videtur loqui de illis qui cum epistola decima ad Carolum abierunt.

Quære æ vobis auxilium) Forte contra ipsum Leonem nonnulli Missos Cæsareos imploraverant. Nam & Romanos complures ægre Leonis imperium tulisse, indicat non tantum illa conspiratio quæ adversus Leonem coijt anno 899, quando coram Carolo adhuc Patricio ab objectis criminibus solemniter se juramento purgare coactus est, verum & altera quam narrant Annales Francici anno 815: *Allatum est quosdam de primoribus Romanorum ad interficiendum Leonem Papam in ipsa urbe Roma conspirasse, ac deinde cum hujus causa indicium ad Pontificem delatum esset, omnes illius factionis auctores ipsius jussu fuisse trucidatos.* Item quod eodem anno contigisse iidem Annales narrant. Cum Romani Leonem Papam egritudine decubuisse viderent, collecta manu omnia prædia, quæ in singularum civitatum ditionibus noviter extraxerat, primo diripiunt, deinde immisso igne cremant, tum Romam ire statuant & quæ sibi erepta querebantur violenter auferre. De posteriore ita legitur in vita Ludovici. *Romani quum Leo Apostolicus gravi incommodo prædia omnia, quæ illi domocultas appellant, & noviter ab eodem Apostolico instituta erant, sed & ea quæ sibi contra jus querebantur direpta, nullo judice expectato, diripere, & sibi conati sunt restituere.* Vt cumque vero Leo judicio fuerit absolutus, forte tamen non fuit extra omnem culpam.

Savitian

Savitiā enim Leonis in puniendis conspiratoribus
 ægre tulit piissimus Cæsar Ludovicus, teste illo qui vitam
 ejus descripsit *ὁὕτως* & auctor c. 37. De Lothario etiam
 à Patre Ludovico Pio Romam missō Annales hæc habent
 anno 824: *Statum populi Romani, jamdudum quorundam præ-*
sulum perversitate depravatum, ita corripuit, ut omnes qui re-
rum suarum direptione fuerant desolati, de restitutione bonorum
suorum, magnifice essent consolati. Inter Leonis obitum &
 hunc primum Eugenij annum vix decem anni interce-
 dunt, nec præter Stephanum & Paschalem quisquam fuit
 Præsulū alius; non potuit itaque tum status populi Ro-
 mani jamdudum quorundam præsulū perversitate fu-
 isse depravatus, nisi ipse met etiam Leo peccasset.

Missum vestrum dirigite) Hoc fortassis à Carolo est
 factum, a legato in Italiam Helmengaudō Comite. Cujus
 rei sit mentio epist. v.

In causis S. Petri) Similium locutionum plenæ sunt
 literæ omnes, etiam Gretzerianæ. Scilicet ille qui dum vi-
 veret *aurum & argentum non habebat*, qui Simoni pecuniam
 ultro offerenti respondit: *pecunia tua tecum sit in perditio-*
nem, quoniam donum Dei existimasti pecunia possideri; ille in-
 quam nunc cœlesti gaudens vita pingua possidet inter-
 ris patrimonia & regiam potentiam, utque illa magis ma-
 gisque acquirat, reges & principes causam suam jubet
 agere, promissa illis cœlesti beatitudine nullo alias ære
 mercabili. Vide epistolam S. Petri nomine à Stephano
 Papa conscriptam ad regem Pipinum, apud ipsum Baro-
 nium anno 755, & in volumine Gretzeriano n. 3. ac de-
 testare impietatem. Ad illud tamen exemplum videre
 est passim omni secuta tempestate Episcopos aliosque
 locutos. Bona enim sacra annumerari solent patrimo-

nio Sanctorum Coelitem, quorum memorijs ædes sunt consecratæ: grandi & arcano plebis coercendæ & alliciendæ ad donaria vinculo.

Piissimum Domini) Longe aliter Adrianus suas ad Carolum literas solet claudere. In responso ad Capitulare de Imaginibus sub finem legitur: *incolumem excellentiam vestram gratia superna custodiat*. Confer votum quo Trullani Concilij Patres Iustinianum secundum Cæsarem sunt prosequuti.

Ad Epistolam II.

Quæ sub finem epistolæ narrantur de Michaële Imperatore Constantinopolitano, satis indicant eam scriptam esse anno 813. Diserte porro in ipsis literis indicatur scriptiōis tempus, Indictionis nempe septimæ, tertius Iduum Novembrium.

Gregorij Patricij Siciliensis) Notum est Siciliam illa ætate etiamnum in ditione fuisse Imperatoris Constantinopolitani, & per Patricios administratam, donec & illam & omnem Calabriam Sarraceni occuparunt circa annum 827. Quod quemadmodum fuerit factum, narrat Ioannes Curopalata & ex eo Georgius Cedrenus. Vigebara autem hoc tempore inter Carolum & Græcos pax, qualis Nicophoro Imperatore erat composita anno 810, & confirmata anno 812 tum Michaële, cui præter opinionem nunc successerat Leo Armenus. Itaque licuit Carolo literas dare ad Patricium Siciliæ, illi autem Patricio, nondum acceptæ novi Imperatoris mente, responderenon licuit.

Sarracenorum Missus) Fuerunt illi ex Sarracenis Africanis, quibus proprius erat præfectus comiter tantum observans Chalifam Bagdadensem. De pactis vero illis inducijs alibi fortassis nihil legitur. Sarracenos Hispanienses
his

his inducijs non teneri haud mirum est: fuerunt enim illi quasi sui juris tantum non semper. quod Hispanicarum rerum scriptores nos docent. Præ alijs autem Africani illi omni seculo nono, ut & post, non Siciliam tantum sed etiam Italiam infestarunt, cum primis partem illam quæ hodie Regni Neapolitani nomine audit, ex quo Normanni eam pulsas Sarracenis occupaverunt. Luitprandi Ticinensis de ijs quæ majoris Berengarij ætate contigerunt verba hæc sunt memoratu digna l. 2. c. 12. *Sarraceni ab Africa ratibus exeuntes, Calabriam, Apuliam, Beneventum, Romanorum etiam civitates ita occupaverunt, ut unamquamque civitatem, mediam Romani obtinerent, mediam Africani.* In monte Gareliano munitionem constituerant, in quo uxores, parvulos, captivos & omnem suppellectilem satis tuto servabant. Et quamvis misera Italia multis Hungarorum & ex Fraxineto Saracenorum cladibus premeretur, nullis tamen furis aut pestibus sicut ab Africanis agi abatur.

Nam & hoc nunciavit nobis) Rem cum primis memorabilem narrat Papa; sed fide admodum suspecta. Verosimilius est quod Annales Francici de Sarracenis Mauritania memorant: *Sardiniam quoque aggressi, commissoque bello cum eis, pulsique ac victi & multis suorum amisissis recesserunt.* Quod cum Papæ narratione conveniat nihil hoc anno ab alijs memoratur; sed præcedente anno notarunt Annales Francici de classe Sarracenica Africana: *Hæc classis partim in Corsicam partim in Sardiniam venerat, penèq. tota deleta est:* quod fortassis factum vi tempestatum. Quæ Leo itaque narrat hoc anno 813 contigisse, fabulis sunt similia.

Michaël Imperator) Rem hanc omnem, utque Michaëli successerit Leo Armenus, prolixius narrant Græci Historici

Cedrenus & Theophanes ab Anastasio Bibliothecario verius. Breviter Annales Francici: *Michaël Imperator Bulgaros appetens bello haud prosperis successibus utitur: ac proinde domum reuersus monachus efficitur: in cuius locum Leo. Papæ filius Imperator constituitur.* Quæ Theophanis narrationi quam Cedreni sunt propiora. Facta autem hæc sunt V Id. Iulij teste Theophane: & tamen mense Novembri demum, ut recenter audita, narrantur à Leone. Adco raro tum naues & certi nuncij ex longinquis regionibus ultro citroque commeabant.

Ad Epistolam III.

Hæc epistola num anno 812 aut anno 813 scripta sit, difficile est definire. Alterutro tamen factum sit necessum est. Narrat enim Michaëlis Imperatoris auspicijs gesta adversus Sarracenos Africanos. Suspicio scriptam anno 812. Sequentem enim anno, testibus Annalibus Francorum, Sarraceni illi *Centum cellas Tuscia civitatem & Niceam provincia Narbonensis vastaverunt.* Hæ literæ vero, *omnia salva & illasa existere,* deprædicant. Porro iidem Annales memorant, vagatam anno 812 *famam classis de Africa & Hispania ad vastandam Italiam venturæ,* eoq; Pipini regis filium Bernhartum illuc à Carolo avo missum; classem autem non in Italiam sed *partim in Corsicam partim in Sardiniam* appulisse, & *quidem hanc totam fuisse deletam.* Papa autem hic narrat, *famam fuisse vagatam classis Sarracenicæ Siciliam vastaturæ.* Cæterum quæ in epistola narrantur frustra forte in alijs scriptoribus hodie quæseris. Equidem nihil in promptu habeo, quo narratio possit multum illustrari. Neque enim minutias sectari operæ est pretium.

Ad

Ad Epistolam IV.

Indubie scripta est hæc epistola anno 813 & quidem non multo post eam quæ in nostro hoc libello est secunda, ceu patet ex ipso initio. Aut fallunt vero nos Græcorum historiæ quæ hodie superant, aut Græculi illi bono Leoni mera mendacia retulerunt, eoque fabulas narravit etiam Papa. Neque enim vel Theophanes vel Cedrenus vel Græcorum alius aliquis horribile ejusmodi facinus narrant, tanti momenti rem haud temere tacituri. Imo diserte Theophanes, qui isto tempore vixit Constantinopoli, de Procopia scribit: *Andita hujus (Leonis) acclamatione Michael adoratorium Phari accurrens una cum Procopia & nativis suis, detonsis capillis monastica induit vestimenta, quinta idus July, sexta Indictione*. Ex Cedreno constat, Leonem ubi Imperio est potitus, non esse passum Michaëlem cum conjugē Procopia & liberis Constantinopoli in monasterio degere, sed omnibus in Insulam Protam relegatis, Theophilactum & Ignatium majores natu filios jussisse castrari;

Constantinus). Hujus nullam reperio memoriam. Ab alio vero Pseud-Constantino Leonem tandem omni pene esse potestate exutum, narrat ejus successor Michaël Balbus *epistola ad Ludovic. Pium*, quam anno 824, recitat Baronius, & habetur in Actis synodi Parisiensis sub Ludovico Pio de Imaginum cultu habitæ.

Nicephorum). Hic est ille Tarasij successor, qui in exilium postea pulsus à Leone Armeniaco Cæsare Constantinopolitano, confessoris nomen accepit. Hoc titulo enim hodieque leguntur quædam ejus constitutiones synodice *Juris Græco Romani tom. 1. l. 3.* Superest ejusdem epistola Synodica ad Leonem. III. nostrum Papam Romanum nescio,

Magni epistolis ad Cæsares frequentissime hæc legantur, àsequentium tamen temporum infra Carolinam ætatem consuetudine multum sunt aliena, postquam Cæsarum imperio abjecto Papæ voluerunt haberi prorsus *à vniuersis*, imo ipsorum Cæsarum regumque domini. Neque vero est quod credas, blandis adeo & humilibus vuculis ex more, erga alios etiam reges infra Cæsaream dignitatem positos fuero, usum tum Leonem. Nuspiam enim cum alias tum in omni Epistolarum Gretzerianarum volumine compareret ille *clementissimi* aut *domini* titulus, sed tantum *domini excellentissimi*. Inter *domni* autem & *domini* voces ingens profecto illa tempestate fuit discrimen: quod neminem scriptorum ejus ævi peritum temere laet. Scilicet coluit Leo Carolum, quomodo antehac à Papis Cæsar coli solebat. Erat autem mos tum Romano populo, solos Cæsares *Dominos nostros* appellare: donec eodem titulo & Leo hic III Papa omnium primus ab adulatoribus audiit, post Urbis rempubl. occupatam. Et vero ut notant eruditi, in numismatibus & operibus antiquis hic primus Paparum inscriptus est: *Sanctissimus D. N. Leo Papa*. Pertinet vero ad veterem illum cultum, etiã *adoratio*, qua Carolum Cæsarem Leo hic prosequutus est. Annales Francici ipsâ Ludovici Pij ætate conscripti, de hoc nostro Leone, ubi populus Romanus Carolum Cæsarem proclamasset, in hæc verba loquuntur: *Post quas laudes à pontifice more antiquorum Principum adoratus est*. Notavit Guicciardinus tabulas suas Papam hisce tum verbis consignasse: *Imperante Carolo domino nostro*. In omnibus porro epistolis elucet, quanta animi submissione erga Cæsarem fuerit tum Leo, siue narret aliquid, siue petat, siue se excuset. Etsi enim haud parum reverentiæ exhibeant Carolo Adrianus, Stephanus,

nus, alij, cum Patricius adhuc ille audiret, longe submissus tamen erga eundem jam Cæsarem sese Leo gerit.

Et vero hic præcipuus est ille fructus, quem ex literarum Leonis lectione possis petere. Nec ego alij potius fini eas edidi, quam ut clarissime pateat veritas eorum, quæ de Cæsarea in Papas per Carolum acquisita auctoritate libro *de Germanorum Imperio Romano c. VII* multis disputata sunt. Apparet vero etiam ex his epistolis, id quod ibi demonstravimus, per legatos suos, quos tum Missos appellare mos fuit, Cæsarem jus dixisse & per omne Petri patrimonium & in ipsa Vrbe Roma: quemadmodum scilicet tulisset consuetudinem in omnibus Francici juris regionibus, alias ostendimus. Quamvis enim de injuria per legatos illos sibi facta conqueratur non semel Leo, tamen ipsam judicandi potestatem nusquam vocat in dubium. Videtur tamen etiam ille omnem operam navasse, quo sensim hoc onere se levaret, integra impetrata libertate. Huc enim spectasse merito dixeris illas de iudiciis istis Cæsareis perpetuas querelas; cum primis vero illud, quod à Carolo Leoni objectum esse, liquet ex epistola prima: quod neminem receperit in gratiam Leo qui Cæsaris auxilium imploraverat, quo scilicet omnes alios ab ope illa petenda deterreret. Pertinere enim hoc videtur ad morem illum, quem Appendix Eutropiana hisce verbis narrat apud Flacium: *Tanta Imperialis virtus ibi vigeat, ut si in legali iudicio minoris vel infæcæ causa postponeretur, & ille alicujus consilio pedes teneret Legati Imperatoris, petens ab eo justam legem, & Missus adjuraret Principes Romanorum, dicens: per eam fidem quam Domino Imperatori debetis, facite huic homini justam legem: nemo erat ausus declinare neq. ad dextram, neq. ad sinistram, etiamsi à propinquis Pontificiis illata esset injuria.*

Verum Cæsarum illam potestatem illibatam usque ad obitum Ludovici II Imperatoris permanisse, alibi probavimus.

Meretur vero & in his epistolis observari id, in quo uno pene omnes Gretzerianæ sunt occupatæ, studium nimirum illius ætatis Pontificum in acquirendo arcium urbium & terrarum dominatu. Quæ res Apostolo & Ecclesiæ universæ sacris canonibus summe olim vetita, imo ante hanc tempestatem à nemine tentata fuit: ubi tamen Papis successisset, usque adeo omni nocuit Occidentis Ecclesiæ, ut ab hoc uno potissimum pravo exemplo omnes, vel certe maximos, ejus morbos profectos esse merito dixeris. Nec enim fieri aliter potuit; sacrorum postposita cura, ad mundi negotia animum omnem appellentibus Episcopis plerisque, luxu avaritia & libidine ex eo usq; tempore potissimum perditis, quin in mores omnium ut & doctrinam mala semina spargerentur, eaque brevi lætissime adulescerent. Ex hoc certe potissimum tempore à pietate & puriore fide Ecclesiam occidentis abiisse, est certissimum. Nec tamen causam præcipitis adeo lapsus veriore aliam attuleris. Id quod viderunt etiam illi, qui sanctos angelos tum quando Constantinus Cæsar occidentale Imperium Papæ donavit, exclamavisse: *Hodie in Ecclesia venenum effusum est*, fabulati sunt. Vt ut enim omne illud de Constantino putidum sit Romanæ curiæ commentum, nec Papa aut quisquam Episcoporum alius ante Pipinum provincias, urbes, arces possederit; vero tamen est verius, bona ejusmodi Ecclesiæ haud minus atque pestilens aliquod venenum nocuisse.

Cæterum qua vafrities, quibusq; artibus ad illam potentiam isthac tempestate Papæ pervenerint, quibus item

com-

commentis boni illi Principes Pipinus & Carolus ad novi exempli donum istud permoti sint, & quemadmodum fuerint circumventi, jam alias diximus *l. de Germanorum Imperio Romano*; secunda autem editione uberius dicturi sumus. Id non injuria mireris, adhuc vivo Carolo inter Papas & ministros Cæsareos circa patrimonij illius Petrini (liceat enim & nobis ita loqui) administrationem perpetuas fere fuisse contentiones. Neque enim tantum ex literis multis Adriani in volumine Gretzeriano, sed etiam ex hisce decem Leonis, id liquido est perspicere. Plenæ enim illæ sunt querelarum de legibus donationis Pipinianæ per Missos Cæsareos violatis. Omnia autem tot Legatorum suorum ejusmodi acta Carolum damnaſſe, cui fiet verisimile? Imo non improbaſſe iſthæc omnia, haud male colligas ex anxijſ illis Paparum precibus, & Caroli reſponſo; præſertim illo quod recitatur epistoſa prima Leonis. Extra dubium tamen eſt, Carolum Romanæ ſedis fuiſſe ſtudioſiſſimum. Bene enim Eginhartus: *Nec ille toto regni ſui tempore quicquam duxit antiquius, quam ut Vrbs Roma ſua opera ſuoq; labore veteri polleret auctoritate; & Eccleſia S. Petri non ſolum per illum tuta ac deſenſa ſed etiam ſuis opibus præ omnibus Eccleſiis eſſet ornata ac diſcata.* Ex adverſo haud dixerim equidem, Legatis Cæsareis in Paparum accuſationibus nunquam non factam injuriam. Quam facile enim retundi potuiſſet illa calumnia! Certe ne ipſa quidem impudentia fuiſſet auſa toties eandem cantilenam repetere. Occaſionem igitur contentioni videtur dediffe Stephani III Papæ figmentum; quo Pipino perſuaſerat, Exarchatum Ravennatenſem Pentapolim & alia per injuriam à Langobardorum regibus poſtremis fuiſſe Papis erepra, idque quoniam ante

munere Constantini Magni aliorumque Cæsarum in pleno fuissent Paparum vel (ut loqui illi malebant) S. Petri patrimonio. Illa videlicet fabula inducti, Pipinus patriter & Carolus, citra exceptionem illarum regionum omnia in Paparum manus tradi, datis tabulis promiserunt. At post occupatum in Italia Langobardorum regnum, non potuit facile veritas latere; itaque non legati tantum Carolini, sed & Carolus ipse factus est tardior, in dono illo secundum omnes conditiones integre præstando. Ex quo denique Carolo dignitas Cæsarea obtigit, videntur ejus Missi juraveterum Cæsarum in domini sui usum exegisse. Quæ res cum summe esset Papis invisa, illi ad tabulas Pipinianas tanquam ad sacram anchoram confugerunt.

Sed de omni hoc negotio libro de Germanorum Imperio Romano latius est agendum. Nunc ad singulas Epistolas nostras nonnihil notabimus. Nonnihil inquam. Multa enim commentari ad literas adeo barbaras, non videtur fore pretium operæ. Eoque ne quidem voces barbaras quæ passim occurrunt explicabimus. Quod cæteroquin haud difficile adeo est factu, post edita P. Pithœi & Frid. Lindenbrogij optima sane & utilissima glossaria Latinobarbara, postque nuperum laborem numquam satis laudandi Gerardi Ioannis Vossij de vitijis emendati sermonis. Satis nobis fuerit si ex historia lucem aliquam attulerimus.

Ad Epistolam I.

De Accusatoribus) Semel monendum est, etsi nemini non pateat, summaria vel inscriptiones epistolarum inaptas esse & à rudi manu, non minus atque literas ipsas. Argumentum autem epistolæ primæ hoc est. Nullos non legatos judiciorum habendorum ergo, ex more regio Francico, Romam & in alias terras, Papæ ex donatione Pipini & Caroli subditas, transmissos, videtur Leo apud Cæsarem accusasse: quasi scilicet jura Papalia illi contra quam tabulis Pipinianæ & Carolinæ donationis erat cautum, læsissent. Illas perpetuas querelas ægre tulit Carolus, eo-que non dissimulans indignationem scripserat; sese neminem invenire qui Papæ placeat, neminem non detrectare legationis munus; & quæ alia in his literis ipse Leo recenset. Ut illam Cæsaris indignationem leniret, epistolam hanc Papa exaravit. Annum scriptiōis haud certo licet definire. Per autem fit verosimile, Carolum commotum fuisse epistola Leonis quæ nobis est ultima, & legatione ista quam simul tum miserat Léo ad Carolum accusatum Cæsareos Missos. Ut proinde decima hanc epistolam præcesserit. Etenim statim initio fit hic mentio reditus Missorum Leonis ex aula Cæsaris. A quibus accusatos fuisse Missos Cæsaris, facile liquet ex responso Caroli, cujus summam epistola hæc recitat. Cum autem ex epistola quinta colligere sit, Missos Cæsareos adhuc anno 808 à Leone ad Carolum delatos esse, eodem vero anno, vel certe sequente, dissidij hujus componendi causa, Pipinus rex Romam iter voluerit suscipere, quod indicat epistola sexta, verosimile autem non sit, post negotium compositum denuo foedam camerinam à Leone commotam: omnino

omnino suspicor, primam hanc epistolam scriptam esse anno 807 pene decurso. Verum hæc conjectura tantum est: quæ cum sit de re levi, per me licet quo loco eam quisque habeat.

Domino Pissimo) Iam à Iustiniani ætate & ultra inoleverat, Cæsarum tantum non omnia *pij* aut *piissimi* veneratione appellare. Hinc illa frequentia: *Piissimum Imperium, piissimum caput, piissima pedum vestigia*. Solis Cæsaribus quoque tum proprius erat *Serenissimi* titulus: quo primus videtur usus Gordianus, Græcis est *χαλνὸς*. *Victoris & triumphatoris* tituli Cæsarum multo sunt antiquiores. - Caroli porro imitatione *Domini* vocem videntur secuti Francorum Reges usu suam fecisse. Rabanus ad Otgarium: *Proprietas dominicalis quæ Domino Imperatori ex paterna successionē hereditario jure pervenit. Reges nostri propter excellentiam commune nomen Domini (sive Domni; sed hoc glossēma est) effecerunt suum.*

Leo Episcopus) Non soli Cæsareo honori datum hoc est à Leone, quod nomen suum omnibus in literis post Cæsareum collocaverit. Idem enim factum est in toto volumine à Gretzero edito, quarum literarum aliquæ ad Carolum Martellum & Pipinum nulla regia dignitate adhuc ornatosunt exaratæ. Ex more scilicet prisco adhuc supererant Romæ reliquiæ humilis observantiæ, quæ olim cum alij Episcopi tum etiam ipsimet Papæ reges gentium & *τὰς ὑπερέχοντας* promiscue omnes venerabantur. A quo cultu paulo post Carolum passim recessum est, partim præ superstitione ipsorum regum & Cæsarum, partim vero quod opibus audij jam Episcopi spernerent domino rum gratiam. Lectu digna sunt verba ipsius Ludovici Pij ad Episcopos, quæ habentur, l. 5. capit. c. 222. *Volumus vos scire*
voluntate

voluntatem nostram: quod nos parati sumus vos adjuvare ubique, necesse est, ut ministerium vestrum adimplere valeatis. Simulque vos admonemus, ut propter humilitatem nostram & obedientiam, quam monitis vestris propter Dei timorem exhibemus, honorem nobis à Deo concessum conservetis, sicut antecessores vestri nostris antecessoribus fecerunt. Et tamen hic est ille Pius Ludovicus de quo canit Otho Viterbiensis in Pantheo:

Carolus egregium genuit regem Ludovicum,
 Quem Deus almificum sibi confirmavit amicum,
 Lege sua clerus jure vocatur herus.
 Hic pater Ecclesiam vario praevenit honore,
 Veste, domo, Cerere, cujus fuit aucta favore,
 Jure suo legitur grandis ubique fore.
 Hic proprias habitare domos, equitesq. fovere.
 Nos facit, & veste varia priscag. nitere,
 Nisus & accipiter hac quoque lege sedet.
 Talis honor clero nisi Casare dante venires,
 Grande genus Comitum cleri juga nulla subires;
 Russica ne fieret nobilitate viger.

Fortassis tamen Pissimo Ludovico injuriam facit Otho. Auctor enim vitæ Ludovici illius Cæsaris à Pithæo editus ita scribit, ubi de synodo Aquiligranensi egisset: Tunc ceperunt deponi ab Episcopis & clericis cingula balteis aureis & gemmeis cultus ornata, exquisitæq. vestes sed & calcaria salo onerantia relinquere. Monstro enim simile ducebatur, si Ecclesiastica familia deputatus conaretur aspirare ad secularis gloriæ ornamenta. Sed hæc obiter. Et verò saltim paulo post omnia mutavere. Quantum autem Papæ in epistolis scribendis ab hac Leonis humilitate deinceps recesserint, nemini est ignotum. Conferantur epistolæ Adriani ad Fridericum I

ricum I. quas recitat Otto Frisingensis l. 1. & Radevicus l. 2. Adriano autem cum paria faceret Fridericus (nomen sc. suum Pontificio præponens singularis numeri dictionibus adhibitis) quantum excanderit Papa, discere est ex Radevici c. 18. & 19.

Remeantes ad nos fidelissimi missi nostri) ut ante diximus, videtur loqui de illis qui cum epistola decima ad Carolum abierunt.

Querere à vobis auxilium) Forte contra ipsum Leonem nonnulli Missos Cæsareos imploraverant. Nam & Romanos complures ægre Leonis imperium tulisse, indicat non tantum illa conspiratio quæ adversus Leonem coijt anno 899, quando coram Carolo adhuc Patricio ab objectis criminibus solemni se juramento purgare coactus est, verum & altera quam narrant Annales Francici anno 815: *Allatum est quosdam de primoribus Romanorum ad interficiendum Leonem Papam in ipsa urbe Roma conspirasse, ac deinde cum hujus causa indicium ad Pontificem delatum esset, omnes illius factionis auctores ipsius jussu fuisse trucidatos.* Item quod eodem anno contigisse iisdem Annales narrant. Cum Romani Leonem Papam aegritudine decubuisse viderent, collecta manu omnia prædia, quæ in singularum civitatum ditionibus noviter extraxerat, primo diripiunt, deinde immisso igne cremant, tum Romam ire statuant & quæ sibi erepta querebantur violenter auferre. De posteriore ita legitur in vita Ludovici. *Romani quum Leo Apostolicus gravi incommodo prædia omnia, quæ illi domocultas appellant, & noviter ab eodem Apostolico instituta erant, sed & ea quæ sibi contra jus querebantur direpta, nullo judice expectato, diripere, & sibi conati sunt restituere.* Vt cumque vero Leo judicio fuerit absolutus, forte tamen non fuit extra omnem culpam.

Savittiam

Savitiā enim Leonis in puniendis conspiratoribus
 ægre tulit piissimus Cæsar Ludovicus, teste illo qui vitam
 ejus descripsit *ὁ ὄντων* auctor c. 37. De Lothario etiam
 à Patre Ludovico Pio Romam missio Annales hæc habent
 anno 824: *Statum populi Romani, jamdudum quorundam præ-
 sulum perversitate depravatum, ita correxit, ut omnes qui re-
 rum suarum direptione fuerant desolati, de restitutione bonorum
 suorum, magnifice essent consolati.* Inter Leonis obitum &
 hunc primum Eugenij annum vix decem anni interce-
 dunt, nec præter Stephanum & Paschalem quisquam fuit
 Præsulum alius; non potuit itaque tum status populi Ro-
 mani jamdudum quorundam præsulum perversitate fu-
 isse depravatus, nisi ipsemet etiam Leo peccasset.

Missum vestrum dirigite) Hoc fortassis à Carolo est
 factum, ablegato in Italiam Helmengaudio Comite. Cujus
 rei fit mentio epist. v.

In causis S. Petri) Similium locutionum plenæ sunt
 literæ omnes, etiam Gretzerianæ. Scilicet ille qui dum vi-
 veret *aurum & argentum non habebat*, qui Simoni pecuniam
 ultro offerenti respondit: *pecunia tua tecum sit in perditio-
 nem, quoniam donum Dei existimasti pecunia possideri;* ille in-
 quam nunc cœlesti gaudens vita pingua possidet inter-
 ris patrimonia & regiam potentiam, utque illa magis ma-
 gisque acquirat, reges & principes causam suam jubet
 agere, promissa illis cœlesti beatitudine nullo alias ære
 mercabili. Vide epistolam S. Petri nomine à Stephano
 Papa conscriptam ad regem Pipinum, apud ipsum Baro-
 nium anno 755, & in volumine Gretzeriano n. 3. ac de-
 testare impietatem. Ad illud tamen exemplum videre
 est passim omni secuta tempestate Episcopos aliosque
 locutos. Bona enim sacra annumerari solent patrimo-

nio Sanctorum Coelitem, quorum memorijs ades sunt consecratae: grandi & arcano plebis coërcendae & alliciendae ad donaria vinculo.

Piissimum Domini) Longe aliter Adrianus suas ad Carolum literas solet claudere. In responso ad Capitulare de Imaginibus sub finem legitur: *incolumem excellentiam vestram gratia superna custodiat*. Confer votum quo Trullani Concilij Patres Iustinianum secundum Caesarem sunt prosequuti.

Ad Epistolam II.

Quae sub finem epistolae narrantur de Michaële Imperatore Constantinopolitano, satis indicant eam scriptam esse anno 813. Diserte porro in ipsis literis indicatur scriptio-
 1
 tionis tempus, Indictionis nempe septimae, tertius Iduum Novembrium.

Gregorij Patricij Siciliensis) Notum est Siciliam illa ætate etiamnum in ditione fuisse Imperatoris Constantinopolitani, & per Patricios administratam, donec & illam & omnem Calabriam Sarraceni occuparunt circa annum 827. Quod quemadmodum fuerit factum, narrat Ioannes Curopalata & ex eo Georgius Cedrenus. Vigebat autem hoc tempore inter Carolum & Græcos pax, qualis Nicophoro Imperatore erat composita anno 810, & confirmata anno 812 cum Michaële, cui præter opinionem nunc successerat Leo Armenus. Itaque licuit Carolo literas dare ad Patricium Siciliae, illi autem Patricio, nondum accepta novi Imperatoris mente, responderi non licuit.

Sarracenorum Missis) Fuerunt illi ex Sarracenis Africanis, quibus proprius erat præfectus comiter tantum observans Chalifam Bagdadensem. De pactis vero illis inducijs alibi fortassis nihil legitur. Sarracenos Hispanienses
 his

his inducijs non teneri haud mirum est: fuerunt enim illi quasi sui juris tantum non semper. quod Hispanicarum rerum scriptores nos docent. Præ alijs autem Africani illi omni seculo nono, ut & post, non Siciliam tantum sed etiam Italiam infestarunt, cum primis partem illam quæ hodie Regni Neapolitani nomine audit, ex quo Normanni eam pulsus Sarracenis occupaverunt. Luitprandi Ticinensis de ijs quæ majoris Berengarii ætate contigerunt verba hæc sunt memoratu digna l. 2. c. 12. *Sarraceni ab Africa ratibus exeuntes, Calabriam, Apuliam, Beneventum, Romanorum etiam civitates ita occupaverunt, ut unamquamque civitatem, mediam Romani obtinerent, mediam Africani.* In monte Gareliano munitionem constituerant, in quo uxores, parvulos, captivos & omnem supellestem satis tuto servabant. Et quamvis misera Italia multis Hungarorum & ex Fraxineto Sarracenorum cladibus premeretur, nullis tamen furis aut pestibus sicut ab Africanis agitabatur.

Nam & hoc nunciavit nobis) Rem cum primis memorabilem narrat Papa; sed fide admodum suspecta. Verosimilius est quod Annales Francici de Sarracenis Mauritanix memorant: *Sardiniam quoque aggressi, commissoque bello cum eis, pulsique ac victi & multis suorum amissis recesserunt.* Quod cum Papæ narratione conveniat nihil hoc anno ab alijs memoratur; sed præcedente anno, notarunt Annales Francici de classe Sarracénica Africana: *Hac classis partim in Corsicam partim in Sardiniam venerat, penèq. tota deleta est:* quod fortassis factum vi tempestatum. Quæ Leo itaque narrat hoc anno 813 contigisse, fabulis sunt similiora.

Michaël Imperator) Rem hanc omnem, utque Michaëli successerit Leo Armenus, prolixius narrant Græci Historici

Ad Epistolam IV.

Indubie scripta est hæc epistola anno 813 & quidem non multo post eam quæ in nostro hoc libello est secunda, ceu patet ex ipso initio. Aut fallunt vero nos Græcorum historiæ quæ hodie superant, aut Græculi illi bono Leoni mera mendacia retulerunt, eoque fabulas narravit etiam Papa. Neque enim vel Theophanes vel Cedrenus vel Græcorum alius aliquis horribile ejusmodi facinus narrat, tanti momenti rem haud temere tacituri. Imo diserte Theophanes, qui isto tempore vixit Constantinopoli, de Procopia scribit: *Audita hujus (Leonis) acclamatione Michaël adoratorium Phari accurrens una cum Procopia & nativis suis, de tonsis capillis monastica induit vestimenta, quinta idus July, sexta Indictione*. Ex Cedreno constat, Leonem ubi Imperio est potitus, non esse passum Michaëlem cum conjugē Procopia & liberis Constantinopoli in monasterio degere, sed omnibus in Insulam Protam relegatis, Theophilactum & Ignatium majores natu filios jussisse castrari.

Constantinus). Hujus nullam reperio memoriam. Ab alio vero Pseudo-Constantino Leonem tandem omni penitus esse potestate exutum, narrat ejus successor Michaël Balbus *epistola ad Ludovic. Pium*, quam anno 824, recitat Baronius, & habetur in Actis synodi Parisiensis sub Ludovico Pio de Imaginum cultu habitæ.

Nicephorum). Hic est ille Tarasij successor, qui in exilium postea pulsus à Leone Armeniaco Cæsare Constantinopolitano, confessoris nomen accepit. Hoc titulo enim hodieque leguntur quædam ejus constitutiones synodicæ. *Juris Græco Romani tom. 1. l. 3.* Superest ejusdem epistola Synodica ad Leonem III. nostrum Papam Romanum nescio,

scio qua occasione actis concilij Ephesini, Oecumenici adjuncta. Quam Latine à sese versam Theodorus Peltanus *tom. V. Actor. concilij illius c. 23.* inseruit: Græce cum eodem Concilio *cap. penult.* ex bibliotheca Reuchliniana primusedidit Hieronymus Commelinus anno 1591; Latine denique, sed ex veteri versione à Frontone Ducao interpolata, exhibuit celeberrimus Annalium Ecclesiasticorum conditor Baronius anno 811; exquisito ea in re usus iudicio, cum Peltano perperam visum fuisset, missam hanc epistolam ad Leonem II. Superest etiam *ιστορία σιντομ*, sive Breviarium, de rebus gestis à Mauritij cæde usque ad Constantini & Irenes nuptias h. e. annum Christi 769: cujus editionem pariter & versionem debemus industriæ Dionysij Petavij. Index Patriarcharum Constantinopolitanorum qui habetur *l. 4. tom. 1. Iuris Græco Romani* de Nicephoro hoc ita habet, interprete doctissimo Leonclavio: *Nicephorus ex secretario factus monachus, sub ejusdem Nicephori Aug. & Stauracij & Michaëlis & Armenij Leonis Imperio, pontificatum gessit annos 9, ab hoc impio Leone pulsus.* Ejusdem Nicephori memoria habetur in Menologio Græcorum ad diem XII Maij. Vide etiam, si tanti est, quæ de Nicephoro hoc notavit Voss. *l. 2. de Histor. Græcis cap. 24.*

VII. Kl. Decembr.) Hæc itaq; omnium epistolarum est novissima, nec multum ante obitum Caroli exarata, utpote qui decesserit sequentis anni v Kal. Febr. ut accurate notant Annales.

Ad Epistolam V.

Exijs, quæ hic memorantur de Ardulphi regis Northumbrorum exilio & in Franciam adventu, perspicuum est, epistolam hanc esse scriptam anno 808, & quidem non
nihil

nihil post festum Paschale. Etenim ex Annalibus Franciscis constat Ardulphum ad Carolum confugisse, quum ille Noviomagi moraretur quadragesimale jejunium celebrans: ipsa porro hæc epistola meminit in embolimo dominici diei ad palmas; nondum autem Romam advenerat Ardulphus rex quo tempore hæc exarata est. Argumentum epistolæ est varium.

Explere verbis) Prior epistolæ pars pertinet ad diffidium illud inter Missos Cæsarcos & Papam. Vt enim ad epistolam primam jam notavimus, videtur Carolus ex consilio Leonis ablegasse Romam Helmengaudum & Hunfridum Comites qui in omnia coram inquirerent. Cum itaque horum narratione placatior factus Carolus literas ad Leonem magis benevolas misisset, Leo exhilaratus in hæc nunc verba prorumpit.

Sancta Dei Catholica & Apostolica Ecclesia) Iam tum videlicet familiare fuit Papis magnifico illo nomine, quodq; proprie universali per omnem orbem diffusæ Ecclesiæ convenit, curiam suam quæ Romæ est designare. Exemplum plurima passim etiam alibi reperias, cum primis in epistolis Gretzerianis. Hac origine coepit ipsum territorium Papale *status Ecclesiæ* appellari. Quantum autem hoc valuerit ad augendam Pontificum venerationem, quis ignorat?

Nostra pusillanimitati subditus) In barbaro sermone notandum est argutum scil. enthymema illud: Carolo ideo omnia feliciter succedere quod obsequatur Pontifici. Vetus nimirum, non autem hodie primum natum est, curiæ Romanæ illud sacrum *σέψισμα*. Fecerunt postea & alij clerici illud suum. Quantum absit autem à vero, alias ostendimus pluribus. Ioannis Angliæ regis qui regnum suum

suum Papæ donaverat, hæc vox fuit teste Matthæo Parisiense in Chronico pag. 175. edition. Parisiens. *Postquam Deo reconciliatus me ac mea regna, proh dolor! Romana subjecti Ecclesia, nulla mihi prospera sed contraria omnia advenerunt.*

Helmengaudus Comes) Illi socium fuisse datum Hunfridum significat embolimus. Videtur autem Helmengaudus ille esse qui cum Iesse Ambianensi Episcopo anno 802 pacis constituendæ ergo Constantinopolim à Carolo ad Irenen fuit ablegatus, quod memorant Annales Francici.

Per distractionem causarum tollerent) Videntur Missi Cæsarij omnem multam pecuniariam in fiscum Cæsarium transtulisse, observantes nimirum morem per omne Francorum regnum usitatum quo integer bannus dominicus, & freda (ita loquebantur) cedebat fisco. Aliter postea videtur fuisse inter Cæsarem & Papam conventum. Ita enim loquitur appendix Eutropiana: *Compositiones, quæ solebant à malefactoribus solvi equaliter dividebantur Misso Imperatoris & Apostolici. Si autem talis culpa erat, ut res scelerata fisco publico subderetur, non ad Ecclesiasticam transibat subjectionem, nisi per donativum Imperiale præceptum.*

Ecclesia tranquilla & pacifica) Scilicet pax Ecclesiæ sita est in tranquilla possessione divitiarum, arcium, urbium & opimorum latifundiorum; & quidem modo bene adeo agatur cum curia Romana, salva est res Ecclesiæ, estque illa *tranquilla & pacifica.*

Jures Melicerta perisse.

Frontem derebus.

Pacem Ecclesiæ datam melior ætas dixit, facta Christianis libera Deum ex Christi præcepto colendi potestate. Epocha vetus *ἡμεῖς τῆς εἰρήνης τῶν ἐκκλησιῶν* hac significatione olim.

olim fuit in Ecclesiæ usu. Vocum mutata pristina significatio, quam sapienter Catoni habitum fuit argumentum mutatae reipublicæ!

Circa Missum nostrum) Is videtur fuisse Adolphus ille, de quo conquestum fuisse Carolum, intelligere est ex epistola IIX. Euntē videlicet in Britanniam multis beneficijs magnoque honore affecerat Carolus: quod autem in reditu insalutato Carolo quasi fugā celeri sese subduxisset, id male illum habuit.

Eardulphus rex) Eardulphus aut Ardulphus rex Nordhumbroꝝ regno à suis pulsus confugerat ad Carolum, Noviomagi tunc quadragesimale jejunium celebrantem, inde Romam petiturus. Ejus fortunam & adventum Leoni Carolus nunciaverat. Summam totius rei hisce verbis narrant Annales Francici, quos solos etiam Baronius auctores sequitur: *Interea Rex Nordhumbroꝝ de Britannia insula nomine Ardulfo, regno & patria pulsus, ad Imperatorem, dum adhuc Noviomagi moraretur, venit, & patefacto adventus sui negotio Romam proficiscitur. Romaque rediens per legatos Romani Pontificis & domini Imperatoris in regnum suum reduci- tur. Praerat ea tempestate Ecclesia Romana Leo III. cujus legatus ad Britanniam directus est Adolphus diaconus de ipsa Britannia Saxo, & cum ipso ab Imperatore missi duo Abbates Rathfridus Notarius & Nantherius Abbas de S. Oshmaro. Cum verba hæc etiam Baronius recitasset statim addit: Sequuta est absq. obstaculo ejus in regnum restitutio, nefas omnes ducentes non parere Romano Pontifici atque tanto Imperatori resistere. Item: Vidisti in his Romani Pontificis auctoritatem factis expressam? Quodenim non satis sibi suppetere juris intelligeret Imperator regem ejectum in regnum pristinum restituere, ab ipso Pontifice Romano id praestari posse scilens, dimittit ipsum regem regno privatum Romam ad Leonem*

Leonem Pontificem, cujus auctoritate restituitur in regnum. Vidisti pariter quantum Papa detulerint Angli licet furore perciti & regnandi cupidine inflammati, ut expulsam à se regem cum restitutum auctoritate Pontificis recipere non desisterint, sed statim paruerint? Conferat vero quilibet æqui iudicii lector Annales hosce veteres & novos, libereque censeat num dicant idem, cum tamen veterum fide unice novi illi nitantur. Nimirum quod illi ajunt per legatos Papæ & Cæsaris reductum in regnum Ardulphum, id hi narrant factum ad mandatum unius Papæ & in gratiam Cæsaris. Quasi legati Papales, non soleant tumultus componere nisi iussa Papæ deferendo. Quasi item Caroli in sedandis hisce turbis per exigua fuerit habitatio. Sed hoc pene est institutum novorum Annalium istorum, omnia ad Hildebrandinas leges narrando flectere. Fateor tamen, cum primis Anglos superstitione etiam tum veneratos esse Pontifices Romanos.

Per Saxones) Saxones Britannici intelliguntur. Id nomen in Britannia magis magisque post exolevit, heptarchia Saxonica in Anglicanam monarchiam commutata per regem Egbertum, & edicti publici auctoritate uno tantum recepto nomine Englelonth.

Eanbaldus Arcv. & Canulfus rex atq. VVado) Canulfus rex fuit Merciorum in Britannia Offæ successor. Extat hujus epistola ad Leonem III Papam l. 1. c. 12. contin. de gestis Anglor. quam Baronius quoque recitat anno 796. In ea epistola fit mentio VVadæ Abbatis qui idem fortassis est cum hoc VVadone. Eanbaldus forte est ille Eboracensis Archiepiscopus ad quem supersunt literæ Alcuini. Videtur quo tempore hæc literæ sunt scriptæ durasse adhuc contentionem, quam Leoni jam anno 796 Kcenulphus rex & alij Anglor.

detulerant, de Dorovernensi vel Cantuariensi Archiepiscopatu, in gratiam Offæ regis per Adrianum Papam quondam abrogato, quem Meresij omnes creato novo archiepiscopo Ethelardo volebant in integrum restitui, Leo quoque iterum auctoritate sua confirmaverat. Quantum sane conicere est opposuit sese regi Archiepiscopus Eboracensis. Antequam à rebus hisce Britannicis abeamus observandum ducimus, circa hæc tempora jam coepisse illos Saxones à majorum virtute plurimum desciscere, adeoque indignationem divinam graviter provocasse. Operæ est præteritum hoc loco recitare nonnulla, quæ ad annum DCCCXXXI IX notavit Matthæus monachus Mestmonasteriensis prudentissimus. Verba ejus hæc sunt. *In Anglorum Ecclesia primitiva religio clarissime resplenduit. Processu vero temporis adeo in eis omnis virtus emarcuit, ut nulla gens prodizione vel fraude eis consimilis videretur: nec erat eis invisus aliquid nisi pietas & justitia, nec honor nisi bella plusquam civilia, & sanguinis innocentium effusio. Misit ergo eis Deus omnipotens gentes paganas crudelissimas, velut apum examina, qui ne quidem muliebri sexui parcerunt aut puerili ætati, Danos scilicet & Norwægenses, Gothos & Suetbedos, Vandalos & Fresos, qui ab exordio regis Aethelulfi usque ad Normannorum adventum, per annos ferme CCXXX terram hanc peccatricem à mari usque ad mare, ab homine usque ad pecus deleverunt.*

Ad Embalimum,

(teste Episcopo) Fuit ille Episcopus Ambianensis, functus legatione Constantinopolitana ad Irenen Imperatricem anno 802, ceum memorant Annales Francici: postea concitator rebellionis filiorum adversus Ludovicum Pium patrem, & Episcopali dignitate per sententiam exutus, teste Thegano n. 36. & 37. Lotharium rebellem in Ita-

liam secutus ibi peste obiit, ceu narrat Auctor vitæ Ludovici p. 412.

De sacerdotalibus causis) Rari exempli est hoc Leonis factum. Crimina sane Episcoporum ad reges deferre qui postcepit non patitur Hildebrandismus. Forte tamen impulit Leonem hoc ut faceret arcanior quædam causa. Ravennatensis nimirum minus obediens erat Leonis: ut itaque invisus ille Carolo redderetur, malos ejus mores sive jure sive per injuriam Leo Cæsari detulit.

Ad Epistolam VI.

Hanc epistolam eodem quo priorem anno scriptam esse, verosimile mihi facit mentio illa duorum Caroli legatorum Helmengaudi & Hunfridi Comitum, & Pipini regis Romam ituri componendi dissidii ergo quod inter Papam & Cæsaris Missos versabatur. Accedit, quod hic unus annus à bello quod cum Græcis Pipino intercedebat ita fuerit vacuus, ut Romam ille excurrere potuerit. Pene dixerim, eodem cum priore etiam mense & die hanc epistolam esse scriptam. Familiare sane tum fuit simul multas literas mittere, exigente id negotiorum multitudine.

Largisua tua munificentia) Eginhartus in vita Caroli Colebat præceteris sacris & venerabilibus locis apud Romam Ecclesiam beati Petri Apostoli, in cujus donaria magna vis pecunie tam auri quam argenti, nec non & gemmarum ab illo congesta est: multa & innumera Pontificibus munera missa. Gregorius VII Papa l. 8. ep. ult. scribit Carolum quotannis mille & duascentas libras in servitium Apostolicæ sedis collegisse. Sed huic homini quis velit credere? Conatus nimirum est ab omnibus Galliarum domibus isthoc commento quotannis denarium elicere.

Pipinus rex) Filius Caroli natu major, à patre anno

781 constitutus Langobardiæ rex, mortuus anno 810 ante patrem: ut est in Annalibus.

Vt Pax & concordia) Verosimile est venisse Pipinum, atque ita omnia confecta esse. Forte in illas tum leges conventum fuit quas memorat Eutropij Appendix.

Insula Corsica) Hanc Insulam à Carolo donatam esse Papis, etiam Anastasius refert *in vita Adriani*. Leo Ostiensis recenset illam inter munera Pipini. Cum tamen Anastasius *in vita Stephani*, dona Pipini nominatim recensens Corsicæ non meminerit, heic quoq; Leo Papa ad unius, Caroli donum provocet, verisimile est Leonem illum Ostiensem & falli & alios fallere. Fuit autem Corsica hac ætate perpetuis deprædationibus Sarracenorum exposita, imo in illorum potestate; eoque non mirum est, hanc Leonis petitionem effectu caruisse. Hodie tamen Papali benignitate eam possidere Genuenses creduntur.

Ad Epistolam VII.

Argumentum hujus unius epistolæ vere dignum est Episcopo. Tantum mireris, à Carolo peritissimo rerum sacrarum principe quæstiones hasce Leoni propositas. Certe haud difficile ipsimet Carolo fuit quas hic legimus solutiones in Hieronymo invenire. Extat enim epistola Caroli ad Albinum junctâ a libro Albini *de divinis officiis*, qua ita ad sacras quæstiones & dubia rogatus ab Albino respondet, ut luculente appareat ejus in divinis rebus excellens peritia. Theganus in vita Caroli n. 7: *Postquam divisissuerant* (Carolus & Ludovicus filius) *nihil aliud cepit agere, nisi orationibus & elemosynis vacare, & libros corrigere: nam quatuor Evangelia Christi, quæ intitulatur nomine Matthæi, Marci, Lucæ, Ioannis, ultimo ante obitus sui diem, cum Græcis & Syris optime correxerat.*

De ceptis

De captu atq. redemptione Adolphi) Hæc non patiuntur nos ignorare annum scriptiōis. In hæc enim verba loquuntur Annales Francici anno 809: *Postquam Arduulfus rex Norðahumbrorum reductus est in regnum, suum & legati Imperatoris atq. Pontificis reversi sunt, unus ex iis, Adolphus videlicet diaconus, à piratis captus est, cæteris sine periculo trajicientibus, ductusq. ab iis in Britanniam à quodam Canulfi regis homine redemptus est, Romamq. reversus.*

Nazæus enim sanctus) Rectius heic Hieronymi iste locus legitur quam in ipsis emendatissimis codicibus à Mariano Victorio editis. Deest enim in illis vocula *enim*.

Quæritur quomodo velut ab uno Isaia) In Hieronymi codicibus rectius nunc legitur: *quæritur*. Est autem sermo de Porphyrio qui opere contra Christianos etiam hoc dictum Marci fuerat criminatus. Illud opus quindecim libros comprehendisse testatur Suidas. Baronius conatur persuadere, impium illud Porphyrij scriptum anno 304 prodixisse in lucem, idque quoniam Lactantius testetur Philosophum quendam non infimæ notæ isto tempore tres contra Christianos libros edidisse. Fugit autem ratio virum industrium. Alium enim fuisse hunc philosophum à Porphyrio vel ex eo liquet, quod Porphyrius quindecim libros, hic tantum tres, hic Nicomediæ Porphyrius in Sicilia (quod passim Eusebius & Hieronymus testantur) sua conscripserit. Constat porro responsum esse Porphyrianis criminationibus jam tum à Methodio Tyri-Episcopo. Hic autem, ut Hieronymus loquitur l. de scriptor. c. 83: *ad extremum novissima persecutionis (sub Diocletiano) sive ut alij affirmant (quibus cum etiam facit Suidas) sub Decio & Valeriano in Chalcide Græcia martyrio coronatus est.* Porro diserte refert Eunapius, floruisse Porphyrium Gallieno, Claudio, Aure-

Aureliano, Tacito, Proboque Imperatoribus: Suidas etiam ait: γεγονας ὅπῃ τῶν χερῶν Αὐρηλιανῆ καὶ τῶν ἑταίρων ἕως Διοκλησιανῆ τῷ βασιλέως. Possit itaque etiam hoc forte adduci in argumentum erroris Baroniani: quasi scilicet Porphyrius ne quidem Diocletiani ætatem attrigerit, multo minus ergo Lactantij tempora. At errasse ipsum Eunapium & Suidam, liquet ex vitâ Plotini à Porphyrio ipso conscripta. Meminit enim ibi Porphyrius anni ætatis suæ sexagesimi octavi: quem Christi 299 & Diocletiani decimum sextum esse, colligere ex eo est, quod ipsemet ibidem quinquagesimum tertium ætatis suæ annum connectat cum primo Diocletiani. Sed Eunapium quis iure excusaverit, quia dubitanter est locutus. Baronij autem illa hallucinatio gemina est alteri illi, qua verba Hieronymi in *Chronicis* ad Publilium Optatianum Porphyrium pertinentia, de hoc Tyrio philosopho gentili interpretatur ad annum 325.

De quo Ecclesiastici viri) In codice Hieronymi rectius legitur *cui*. Porphyrio nimirum responderunt Methodius libris duobus, Eusebius triginta, Apollinaris totidem, de quibus magna industria quæ collegit Iacobus Gothofredus ad cap. 14 lib. 8 Philostorgij, pretium operæ fuerit legere. Et si vero illi ita respondissent Porphyrius, ipse tamen Hieronymus hoc loco aliter respondet & melius: Nos nomen *Esaia* putamus additum scriptorum vitio, quod & in aliis locis probare possumus, aut certe de diversis testimoniis scripturarum unum corpus effectum. Videtur sane Hieronymus Ecclesiasticorum illorum responsa non multum adeo æstimasse. Nam & præfatione in Daniele ita loquitur: *Quæ autem ex hoc Propheta, imo contra hunc Prophetam Porphyrius objicit, testes sunt Methodius, Eusebius & Apollinaris, qui multis*

multis versuum millibus ejus *vesania* respondentes nescio an curioso lectori suisfecerunt. Non tantum autem impium illud Porphyrij scriptum (et si nonnulli ferant id Florentiae hodieque asservari in bibliotheca Medicea) verum etiam quae huic fuerunt opposita videntur perisse. Quod tamen de Porphyriano volumine non est cur miremur, accedente ad odium & destitutionem omnium Christianorum non tantum cura Constantini Magni; qui se imperante scripta illa abolita scribit apud Socratem *l. 9. cap. 6.* sed etiam repetito novo edicto Theodosij Imperatoris, de omnibus ejus exemplaribus concremandis, quod habetur *romo quinto cap. 19. Actorum concilij Ephesini edit. Peltani, ut & l. 3. §. 1. cod. de sacros. trinit. & in Paratitulis à Leon claudio editis l. cit.*

In capitulo centesimo septuagesimo) Hæc sectio prorsus abit ab ea quæ nunc passim est recepta. Locus enim iste Esaiæ nunc legitur *c. 64. vers. 4.* Sixtus Senensis vir doctus *l. 3. Biblioth. sanctæ* scribit: Apud Latinos qui ab anno salutis nostræ millesimo usque in hæc nostræ tempora fuerant, duplicem invenio capitulum enumerationem. Alteram ut vetustiore[m] ita numerosiore[m], juxta quam Evangelium Matthæi in vetustis etiam impressis codicibus continet capita nonaginta quatuor, Evangelium Lucae capita centum & septem, Epistola ad Romanos capita quinquaginta. Alteram posteriore[m], quam nunc in vulgatis bibliis habemus, contractiore[m] & paucioribus capitibus comprehensam; cujus numerali citatione usi sunt in commentariis suis Hugo presbyter cardinalis, Alexander Alensis, Albertus Magnus, Thomas Aquinas, Bonaventura ac ceteri usque in hanc diem scholastici theologi. Visus etiam mihi ipsi est impressus codex veterem novamque sectionem referens. In quo prima ad Corinthios *Ep. 73.* posterior 27. capitula veteri more numerabar; Evangelium Lucae & Epistola ad Romanos tot capitulis const-

constabat, quod observavit Sixtus. Vetustiore illam Leoni fuisse ad manum, clarum est. Recentior illa nostra à nonnullis adscribitur Stephano Langtono Anglo; qui obiit admodum senex anno salutis c15, ccxxi, x Archiepiscopus Cantuariensis: ut præter alia multa de hoc viro annotavit Gerard. Ioan. Vossius *l. 2. de Histor. Latin. cap. 56.*

B. Ambrosius) In ea quæ hodie Ambrosiano nomine circumfertur nihil hujus legere est, sed diserte, verba illa Apostoli ex Esaia esse desumpta traditur. Quo ipso confirmatur quod non Erasmo tantum sed etiam Bellarmino ipsi alijsq; est visum, commentaria quæ in Epistolas Pauli Ambrosio nunc tribuuntur, mentiri nomen. Baronius *tom. 4. Annal. anno 397. n. 38: Expositio Ambrosii in omnes Pauli Epistolas Cassiodori tempore desiderari cepta erat, sed plane de perditâ, in ejus locum alterius auctoris opus apparet fuisse suppositum.* Verosimile fit, Leonem genuino Ambrosij opere esse usum. Adeoque diligenter excussis quæ ex veteri ævo supersunt hodieque commentarijs in Epistolas Pauli, possit fortassis Ambrosio quod suum est hoc indicio restitui. Cæterum jamdudum ante Ambrosium Origenes tract. 35. in Matthæum scripserat: *Apostolus scripturas quasdam secretas proferri. Sicut dicit alicubi: quod oculus non vidit nec auris audivit. In nullo enim canonico libro hoc positum invenitur nisi in secretis Helie propheta.* Forte autem nec illi tractatus sunt Origenis. Hieronymus *ad c. 64. Esaia: Apocryphorum deliramenta conticeant, quæ ex occasione hujus testimonij ingeruntur Ecclesiis Christi.* De quibus vere dici potest, quod sedeat diabolus in insidijs cum divitibus in apocryphis, ut interficiat innocentem: Et iterum, insidiatur in apocrypho quasi leo in spelunca sua, insidiatur ut rapiat pauperem. Ascensio enim Esaia, Et Apocalypsis Helia

hoc habent testimonium. Et per hanc occasionem multaque hujusmodi Hispaniarum & Lusitania decepta sunt muliercula.

Ad Epistolam IIX.

Adolfus diaconus legatus Leonis ut & legatus Eanbaldi Archiepiscopi ex Britannia in Galliam profecti, spem fecerant Carolo sui adventus, & tamen Cæsare insalutato Romam discesserant. Id stomachatus Carolus, delusum sese existimans, aut eos ita properasse quo Ardulfum regem prævenirent causæ illius nocituri, per literas apud Papam graviter conquestus fuit. Hoc illorum factum excusat nunc Leo & veniam petit à Carolo. Indubie itaque & hæc epistola scripta est anno 808 quando Ardulfus rex Romam profectus est.

ipse populus acquisitionis) Anglos auspicijs Gregorij Magni id nominis primi Papæ ad Christianam fidem cura Augustini fuisse conversos, notissimum in vulgus est. Hinc populus ille dicitur *populus acquisitionis*. Et vero ea ætate, de nullo alio, sua cura converso, poterat Ecclesia Romana in eum modum gloriari.

Saxonia partibus) Etiam hæc intelligenda sunt de Saxonia transmarina: quam appellationem tum fuisse in usu, voce Angliæ nondum recepta, jam tum monuimus.

Ad Epistolam IX.

Fortunatus in locum Ioannis, occisi à Ioanne Duce Veneto, susceptus est Patriarcha Gradenus anno 802, pallio à Leone Papa impetrato anno 803, quod post Sigonium scribit Baronius. Hunc Grado, propter bellum quod Carolo cum Græcis & Veneris intercedebat, exulantem commendaverat Papæ Carolus, quo Papæ consensu, durante bello, liceat illi Polanum Istriæ Episcopatum administrare.

Assen-

Assentitur Papa sed nonnullis adjectis conditionibus. Hoc Epistolæ est argumentum. Quo anno scripta sit difficile est definire. Constat tamen ex Annalibus, bellum inter Græcos & Carolum in mari Adriatico cœpisse geri anno 806, pacem vero iterum cum Nicephoro constitutam anno 810 mense octobri. Verisimile est initio statim belli de alio loco Fortunatum cogitare coactum esse.

Gradenſe Inſula) Hæc maris Adriatici Inſula juris tum Francici fuit. Non redditam illam Græcis, quando amicitia ergo ipsis Hiſtriæ Liburniæ & Dalmatiæ maritimæ urbes, teſte Eginharto, aut ipſæ etiam Veneriæ (quod ſcribunt annales Francici anno 810) ſunt conceſſæ, liquet ex teſtamento Caroli apud Eginhartum, ubi inter metropolitanas urbes Carolini Imperij quinto loco Gradus recenſetur: patet etiam ex eo, quod ille Fortunatus Patriarcha anno 821 (ut memorant Annales) læſæ majeſtatis apud Ludovicum Pium fuerit accuſatus.

In Aquilapalatio) Narrant Annales Francici, Leonem anno 804, ſimul cum Carolo Feſtum Domini natalitium in Cariſiana villa celebrare, Aquasgrani ab eodem perductum eſſe. Ibi tum à Leone fanum τῆς θεοτόκου eſſe conſecratum, narratur in epiſtola quadam S. Ludgero adſcripta apud Surium *in vita Suiberti tomo 2. die 1. Martij*. De Aquilegienſi Eccleſia quid tum fuerit conventum, nuſquam invenio. Id certum eſt, illius etiam Eccleſiæ Πρωτοπλῶ fuiſſe tum non ſuo loco ſed in Forojulij collocatam; quod ſæpe & quidem jam tum anno 729 obſervatum eſt Baronio. An forte adum fuit de negotio, quod inter Aquilegienſem & Gradenſem Eccleſiam jam ab anno 729 verſabatur? Videndus de hac lite omnino eſt Baronius loco ante laudato.

Ad Embolimum.

Neque de partibus Francia) Memorat Baronius anno 802, Fortunatum ad Carolum in Galliam profugum inde ejusmodi diploma retulisse: *Concedit Carolus Imperator Augustus Fortunato Patriarcha Gradi, ut ipse, sacerdotes, servi & coloni ejus in terra sua, in Istria, Romaniola, & Langobardia, & ubicumq, quiete degant: jubetq, ut in possessionibus quibus rite investitus est, nullus judex publicus injuste ad causas audiendas, praeda (lege freda) exigenda, mansiones (Baronius perperam mutat, mansos) aut paratas faciendas, injustas redhibitiones inquirendas, exactare audeat. Datum Idibus Augusti.* Ab hoc vero Fortunato, rebellantem adversus Ludovicum Pium Pannoniae inferioris ducem Liudevvitum, fuisse clam adjutum, atque ita malam gratiam regno Francorum ab ipso relata, hisce verbis narrant Annales Francici anno 821: *Fortunatus Patriarcha Gradenfis, cum à quodam presbytero suo nomine Tiberio apud Imperatorem fuisset accusatus, quod Liudevvitum ad perseverandum in perfidia quae ceperat hortaretur, eumque ad castella sua munienda artifices & murarios mittendo juvaret, & ob hoc ad palatium ire juberetur, primo velut iussione impleretur in Istriam profectus est, inde simulato reditu ad Gradum civitatem, nullo suorum praeter eos cum quibus hoc trattaverat suspicante, nactus occasionem clam navigavit, veniensque Iaderam Dalmatia civitatem Ioanni praefecto provincia illius fuga suae causas aperuit, qui eum statim navi impositum Constantinopolim misit.* Ejusdem Fortunati meminerunt Annales anno etiam 824: *Rotomagus legatos Michaelis Imperatoris sibi occurrere iussit Imperator: cum quibus & Fortunatus patriarcha Gradenfis regressus ad ejus praesentiam venit: sed legati Imperatoris literas & munera deferentes pacis confirmanda causa se missos esse dicentes, pro Fortunato*
nihil

nihil lecuti sunt. In literis tamen Michaëlis Imperatoris, quas recitat Baronius, in numero legatorum penultimo loco collocatur Fortunatus Archiepiscopus Venetiæ, qui sine dubio idem est cum nostro Gradenſi.

Hildebaldi) Videtur intelligendus Archiepiscopus Colonienſis, cujus cum alibi tum in vita Suiberti apud Surium frequens est mentio. Ab Anastasio in vita hujus Leonis, ubi ſcribitur Leoni itinere primo Germanico, à Carolo obviam miſſum Hildevvaldum Archiepiſcopum, non alius item eſt accipiendus. Idem videtur eſſe qui primo loco ſubſcripſit teſtamento Carolino apud Eginhartum: quique Thegano n. 7. dicitur *Hiltebaldus familiariffimus Pontificum Caroli M.*

Erchenbaldus) Hujus meminerunt Annales Francici anno 801: Tunc ille miſit Erchenbaldum notarium in Liſuriam ad claſſem parandam.

Ad Epistolam X.

Hanc epiſtolam & præponendam merito eſſe ipſi Epistolæ primæ, & videri ſcriptam anno 807, jam ſupra monuimus. Tota autem verſatur in querelis de injuria Leoni facta per Legatos Caroli: ejuſdem negotij ergo tranſmiſſis ad Carolum duobus legatis, ſive nuncijs Apoſtolicis, ut iſloquitur curia Papalis.

Cum benedictione beati Petri) Salutatio Papalis eſt ſcilicet benedictio ipſiuſmet beati Apoſtoli. Forte muſculum aliquod conſecratum, qualia hodieque Roma mitti ſolent, facta permutatione ad exemplum Diomedis & Glauci, addiderat Leo.

Quamvis parva ſint) *χάλικα χρυσεῖων.*

Angustias quas quotidie patimur) Leo anguſtias inter-
preta-

pretatur, quod immāni cupiditati nondum esset satisfactum: S. Petrus autem ultro & læto animo omnia reliquit.

Qui vos in suis utilitaribus defensores constituit) Scilicet ex re & utilitate gaudio cœlesti fruētis sanctissimi Apostoli est, ut Papa hodie sit dominus terrarum: constituit quoque Apostolus certos opum suarum defensores. Simili doctrina scatent Epistolæ Greizerianæ ad nauseam usque pij lectoris. Locum unum ex epistola vi i Stephani Papæ ad Pipinum Carolum & Carolomannum placet adducere. *Vobis multis jam devolutis temporibus hoc bonum opus reservatum est, ut per vos exaltetur Ecclesia, & suam Princeps Apostolorum percipiat justitiam. Nullus meruit de vestris parentibus tale præfulgidum munus, sed vos præelegit & præservit Deus ante tempora æterna. Sicut scriptum est; quos præservit & prædestinavit hos & vocavit, & quos vocavit illos & justificavit. Vocati estis. Justitiam ipsi principi Apostolorum sub nimia festinatione facere studere: quia scriptum est, Fides ex operibus justificatur. Alia ejusdem notæ ex illo volumine, quod jure dixeris impiæ & infrunitæ mendicationis sterquilinum, adferre tædet.*

Dignam retributionem) Stephanus Papa epist. 9: *Illam vitam æternam quam vobis B. Petrus pro sua causa & justitia promissit, totamente & integro corde querite.*

Nos pro causa negligentia ante tribunal Dei) Quasi is qui forte jure suo cedit, & patienter fert injuriam, coram tribunali Dei negligentia debeat rationem reddere, eoque nomine successores suos Sanctissimus Apostolus sit accusaturus, is qui ad malorum tolerantiam multis adeo Christianos omnes hodieque per epistolas suas cohortatur.

Populi Dei) Populum nihil præter solitum passum esse

esse à legatis Caroli, ex ijs quæ subjunguntur apparet. Papa itaque ipsemet est ille populus Dei.

Missos vestros) Alij igitur hi fuerint ab ijs qui judicia exercuerunt.

De causâ palatii Ravennatis) Extra controversiam omnia illius palatii fuerant olim juris Cæsarei, eoq; videntur Missi Carolini iterum Cæsari voluisse isthæc adrogare, mendacijs Paparum jam deprehensis.

Vicem ejusdem discipuliscentes) Magnum mysterium latet in illa vicaria potestate. Dum enim creditur Papa Petri vicarius, omnia S. Petri nomine & auctoritate videri agere, atque adeo quod Papæ datur aut committitur in Papam, id existimatur Petro dari & in ipsum Petrum committi. Quo profecto sacrosancta redditur Papæ persona; magis quam si ille *successor* tantum audiat Petri in cathedra Episcopali. Non mirum itaque est hac vicarij voce Papas frequenter adeo usos. Cæterum hanc loquendi formulam tribus primis Ecclesiæ seculis forte nemo usurpavit. Certe exemplum aliquod haud temere inveneris. Neque enim huc facit, quod Cyprianus cathedram Episcopalem Romanam *cathedram Petri* appellet: ita enim locutus est, non quod vere etiam tum Petrus illi cathedræ præsideret, sed quod aliquando eam tenuisset. Ipse etiam ille sanctissimus martyr alicubi quidem: *omnes prepositos*, sive Episcopos, *Apostolis succedere vicaria ordinatione*, scribit; ast nemini non patet, alio plane sensu vicariatum illum intellectum à Cypriano quam fecerunt post alij. Quoniam nempe & Episcopi docent ac regunt Ecclesiam, ea parte quasi vicarij sunt Apostolorum. Ne ex quarto quidem seculo exemplum aliquod attuleris altero illo sensu accepti

vicariatus alicujus Apostolici. Quinto tamen jam affectasse Papashoc nomen certum est. Iam tum enim in Concilio Ephesino œcumenico legati Pontificij hisce vocibus usi sunt, quæ leguntur *tom. 2. c. 16. ed. Peltani*. Nulli dubium imo seculis omnibus notum est, sanctum beatissimumq; Petrum, Apostolorum principem & caput, fideiq; columnam, Ecclesiæ catholicæ fundamentum, à Domino nostro Iesu Christo Salvatore nostro humani generis redemptore cælestis regni claves accepisse, solvendiq; atq; ligandi potestate quam acceperat usum fuisse, nec non per successores suos hucusq; semper vivere causasq; decernere, semperq; victurum esse. Hujus itaq; ordinarius successor & vicarius sanctus beatissimusq; Papa & Episcopus noster nos suos pro se quasi vicarios ad hanc sanctam synodum misit. Siricius tamen Papa epistola ad Hemer. Tarracinensem c. 1. ita tantum loquitur: portamus onera omnium qui gravantur: quinimo hæc portat in nobis B. Apostolus Petrus qui nos in omnibus, ut confidimus, administrationis suæ protegit & tueretur hæredes. Ex eo autem voces hæ frequentius cum ab ipsis Papis tum ab alijs per assentationem, per superstitionem, jactæ sunt. Nec omnino male Bellarminus l. 2. de Rom. Pontifice c. 17: Porro vicarius Petri dicitur summus Pontifex, quoniam sanctus Petrus adhuc vivit & gubernacula Ecclesiæ non reliquit, ut ait Leo serm. 2. quia tamen S. Petrus non proprie fungitur munere pastoralis, sed meritis ac precibus suis Ecclesiæ regit ac protegit, impropria sunt illæ locutiones & solum ob reverentiam B. Petri aliquando usurpata. Hæc Bellarminus: qui tamen non persuaserit, Papas se enoluisse haberi veros S. Petri vicarios. Revera autem ille vicariatus merum est *μορμολόνησις*: utut hodieque ostentari illud subinde soleat in terrorem & Romanæ Sedis reverentiam. Hoc sane uno nititur totum illud ipsiusmet

usmet Baronij, quo illa quæ contra Siculam monarchiam disputavit in epistola ad Philippum III Hispaniæ regem defendere & excusare non dubitavit. *In his adversis* (inquit) *inde mihi ingens parva fiducia atq. est aucta securitas, quod jussu Petri comprobata, à Petro, ex ipsa Sede Petri scripta ista nostra prodierint, absq. dubio in secula permansura. Sto supra Petram, ob idq. securus & imperterritus. Item: Noscant laici homines quanto indecore, non sine offensa Catholica veritatis, laica manus clavem scientiæ, quam solius esse Petri catholica proficitur Ecclesia, arripuerit, ut judices atque damnet scripta, jussa, imperata, & calculo comprobata Romani Pontificis, cujus est auctoritatis solius judicare probare vel condemnare cujusvis scripta præferim Ecclesiastica.* Ecquis sane non videret meras ineptias & inanes declamationes adferri à Baronio in tanti momenti negotio: nisi ponas S. Petrum vel divinitus locutum esse per Clementem VIII, vel vere vicariam potestatem illi commississe, ita ut vox Papæ vox Petri sit? Vereor autem, ut Baronius sibi persuaserit, vel ipsum S. Petrum ita clavem scientiæ olim tenuisse, ut extra fidei negocium errare non potuerit: & tamen conatur ille Regi Philippo persuadere, eam esse hodie Romani Papæ, novi illius Petri scilicet, in propria etiam causa, de integri regni Siculi summa potestate divinam facultatem.

Quamvis vero illa Leonis tempestate, amaverint Papæ vicarij Petri audiri (quod in monumentis tum conscriptis frequenter est observare) post tamen, cum primis ubi illorum potentia per Hildebrandi conatus ad summum gradum pervenit, titulum hunc rarius usurpaverunt, malentibus illis vicarij Christi & ipsius Dei, imo Dij quidam in terris non existimari tantum sed & nominari. Non enim

verum est, ambitiosos & impios hosce titulos ab adulato-
ribus profectos esse, & Papis quasi inviris obtrusos hære-
nus. Iamdudum ante Episcopis omnibus erat adscri-
ptum, quod illi hisce in terris Christi vices agant, perinde
atque Dei vices agere Reges & Principes dicuntur. Est
que illud ipsum verissimum, si commode interpreteris.
At vero & novum sensum accepit phrasis, & sibi Papæ
Romani vicarium tum divinum aliquem novo isthoc sensu
sibi vindicare ceperunt. Non obscure sane jam Nicolaus
1. epistola ad Michaëlem Imperatorem ipsum Dei nomen, atque
ita auctoritatem excedentem humanæ conditionis vires,
affectavit. His quippe verbis usus est, quæ tanquam sa-
crum aliquid per Gratianum in Decretum relata, vim le-
gis, volentibus ira Papis, acceperunt: *Satis evidenter osten-*
ditur, a seculari potestate nec ligari prorsus nec solvi posse Pontifi-
cem; quem constat a pio principe Constantino Deum appellatum: nec
posse Deum ab hominibus judicari certum est. Similiter Inno-
centius III aliquoties in *epistolis suis* proficitur: se Dei vi-
cem in terris tenere, & vinculum illud rati consummati-
que matrimonij, quod inter Episcopum creditur atque Ec-
clesiam intercedere, non ut hominem sed tanquam Deum
dissolvere, cum illos qui a Deo sunt conjuncti non homo
sed Deus possit separare. Videantur tantum *l. 1. epist. 326.*
& *336.* aut saltem illa Innocentij verba quæ *l. 1. Decretal.*
tit. 7. c. 2. 3. & 4. repetuntur. Nec vero excusant
illum, quæ adfert Guilielmus Barclajus *l. de Potestate Papa*
c. 28. & 29. utpote quæ omnium canonistarum & interpre-
tum menti adversentur & plane sint nova. Quod hodieq;
in glossa juris sui patiantur Papæ, infame illud legi: *Dominus*
Deus noster Papa & sive illud ab ipsa glossatoris Lenzelini,
quod

quod quidam negant, siue ab alia sit manu. Sed interfuit scilicet, ad clarius exprimendam populo illam, quam sibi demum post Leonem nostrum arrogarunt Papæ, in cœlo & terris plusquam humanam potestatem, non tanquam Petri amplius sed Dei vicarios, imo ipso Dei nomine ostentari. Cave enim credas, ea tantum ratione divinitatis appellationem affectasse Papas, quod & ipsi sint Dei ministri ad modum aliorum magistratum.

Possumus exorare clementiam) Quasi vero secure, h. e. bona conscientia, non licuisset id ipsum Deum orare, si Carolus non omni ex parte servasset promissum. At vero S. Apostolus Paulus, nulla ejusmodi annexa conditione, iussit nos orare *pro regibus & quibusvis in eminentia constitutis, ut tranquillam ac quietam vitam degamus cum omni pietate & honestate*. Nomine sui ævi Christianorum dixit olim Tertullianus simpliciter: *Nos pro salute Imperatorum Deum vocamus æternum*. Item: *Precantes sumus omnes semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidelem, populum probum, orbem quietum, & quacunque hominis & Caesaris vota sunt*. Hæc primi Christiani & Christianorum magistri. Verum nova doctrina opus fuit ad novum & omni retro tempore nemini auditum opus impetrandum, principatum nempe & dominatum secularem. Observandum autem unice est: ijdem plane argumentis & reliquum clerum Occidentalis Ecclesiæ, felici Papæ exemplo edoctum, sibi quoque munivisse viam ad divitias summas & potentiam regiam. In primitiva Ecclesia ut ignorata fuit isthæc doctrina, ita & intra eleomonymas steterunt Christianorum oblationes.

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

83

CAROLI MAGNI IMPE-
RATORIS
CAPITVLARE
DE VILLIS SVIS.

*Incipit Capitulare de Villis & Curtis**Imperatoris.*

I. CAP.

Volumus ut Villæ nostræ quas ad opus nostrum serviendum institutas habemus, sub integritate partibus nostris deserviant & non alijs hominibus.

II. Ut familia nostra bene conservata sit & à nemine in paupertate missa.

III. Ut non præsumant iudices nostram familiam in eorum servitium ponere, non coruadas non materiam cedere, nec aliud opus sibi facere cogant: & neque ulla dona ab ipsis accipiant, non caballum, non bovem, non vaccam, non porcum, non vervecem, non porcellum, non agnellum, nec aliam causam, nisi buniculas & ortum, poma, pullos, & ova.

IV. Si familia nostra partibus nostris aliquam fecerit fraudē de latrocinio aut alio neglecto, illud in caput componat, de reliquo vero pro lege recipiat disciplinam vapulando. Nisi tantum pro homicidio & incendio, unde feida exire potest. Ad reliquos autem homines, justitiam eorum, qualem habuerint, reddere studeant, sicut lex est. Pro feida vero nostra, ut diximus, familia vapuletur. Franci autem qui in fiscis aut villis nostris commanent, quicquid commiserint secundum legem eorum emendare studeant, & quod pro feida dederint ad opus nostrum veniat, id est in peculio aut in alio pretio.

V. Quando iudices nostri labores nostros facere debent, seminare, aut arare, messes colligere, foenum secare, aut vindemiare, unusquisque in tempore laboris ad unumquemque locum provideat ac instituere faciat, quomodo

modo factum sit, ut bene salva sint. Si intra patriam non fuerit, aut in quali loco iudex venire non poterit, missum bonum de familia nostra, aut alium hominem bene creditum causas nostras ad providendum dirigat, qualiter ad perfectum veniant; & iudex diligenter provideat, ut fidelem hominem transmittat ad hanc causam providendam.

VI. Volumus ut iudices nostri decimam ex omni conlaboratu pleniter donent ad ecclesias, quæ sunt in nostris fiscis: & ad alterius ecclesiam nostra decima data non fiat, nisi ubi antiquitus institutum fuit: & non alij clerici habeant ipsas ecclesias nisi nostri, aut de familia aut de capella nostra.

VII. Ut unusquisque iudex suum servitium pleniter perficiat, sicut ei fuerit denuntiatur; & si necessitas evenierit, quod plus servire debeat, tunc computare faciat, si servitium debeat multiplicare in noctes.

IIIX. Ut iudices nostri vineas recipiant nostras, quæ de eorum sunt ministerio: & bene eas faciant: & ipsum vinum in bona mittant vascula, & diligenter providere faciant, quod nullo modo naufragium sit. Aliunde vinum peculiare comparando emere faciant, unde ad villas dominicas condirigere possint. Et quando quidem plus de ipso vino comparatum fuerit, quam ad villas nostras condirigendum mitti opus sit, nobis innotescat, ut nos commendemus, qualiter nostra fuerit exinde voluntas. Cipaticos etiam de vineis nostris ad opus nostrum mittere faciant. Censa de villis nostris quæ vinum debent in cellaria nostra mittant.

IX. Volumus ut unusquisque iudex in suo ministerio mensuram modiorum sextariorum, & siculas per sextaria octo, & corborum, eo tenere habeat sicut & in palatio habemus.

X. Vt maiores nostri & forestarii, poledrarii, cellularii, decani, telonarii, & ceteri ministeriales, ea faciant, & fogales donent de mansis eorum pro manu opera vero eorum ministeria bene provideant. Et qualiscunque major habuerit beneficium, suum vicarium mittere faciat, qualiter & manu opera & ceterum servitium pro eo adimplere debeat.

XI. Vt nullus iudex mansionaticos ad suum opus, nec ad suos canes, super homines nostros atque in forestos nullatenus prendaat.

XII. Vt nullus iudex obsidem nostrum in villa nostra commendare faciat.

XIII. Vt equos emissarios id est vvaramones bene provideant; & nullatenus eos in uno loco diu stare permittant, ne forte per hoc pereant. Et si aliquis talis, qui bonus non sit aut veteranus sit *** si vero mortuus fuerit nobis nuntiare faciant tempore congruo, antequam tempus veniat ut inter iumenta mitti debeat.

XIV. Vt iumenta nostra bene custodiant, & poledros ad tempus segregent, & si pultrellæ multiplicatæ fuerint, separatæ fiant, & gregē per se exinde adunare faciant.

XV. Vt poledri nostri, missa Sancti martini, hiemale ad palatium omnimodis habeant.

XVI. Volumus ut quicquid nos aut regina unicuique iudici ordinaverimus, aut ministeriales nostri Sincscalcus & butricularius, de verbo nostro aut reginæ ipsis iudicibus ordinaverit, ad eorundem placitum, sicut eis institutum fuerit, impletum habeant. Et quicunque per negligentiam dimiserit, à potu se absteineat, postquam ei nuntiatum fuerit, usque dum in præsentia nostra aut reginæ veniat & à nobis licentiam quærat absolvendi, Et si iudex
in exer;

in exercitū aut in vvaſtaſeu in ambiaſiato, vel alicubi fuerit, & junioribus ejus aliquid ordinatum fuerit & non com-
placuerint, tunc ipſi pedestres ad palatiū veniant, & à potu
& carne ſe abſtineant: interim quidem rationes deducant,
propter quod hoc dimiſerunt, & tunc recipiant ſententi-
am, aut in dorſo, aut quomodo nobis vel reginæ placuerit.

XVII. Quantaſcunque villas unusquiſque in mini-
ſterio habuerit, tantoſ habeat deputatos homines qui apes
ad noſtrum opus provideant.

XIIX. Vt ad farinarias noſtras pullos & aucas habeant
juxta qualitatem farinariæ, vel quantum melius potuerint.

XIX. Ad ſcuras noſtras in villis capitaneis pullos ha-
beant non minus C. & aucas non minus xxx. Ad manſio-
nales vero pullos habeant non minus L, aucas non minus
quam xii.

XX. Unusquiſque judex fructa ſemper habundan-
ter faciat omni anno ad curtem venire: excepto, **** vi-
ſitationes eorum per vices tres aut quatuor ſeu amplius.

XXI. Vivarios in curtis noſtris unusquiſque judex
ubi antea fuerunt habeat, & ſi augeri poteſt augeat, & ubi
antea non fuerunt & modo eſſe poſſunt, noviter fiant.

XXII. Coronas de racemiſ qui vineas habuerunt
non minus tres aut quatuor habeant.

XXIII. In unaquaque villa noſtra habeant judices
vaccaritiſ, porcaritiſ, berbicaritiſ, capraritiſ, hircari-
tiſ quantum plus potuerint: & nullatenus ſine hoc eſſe de-
bent. Et inſuper habeant vaccas ad illorum ſervitium per-
ficiendum commendatas per ſervos noſtros; qualiter pro
ſervitio ad dominicum opus Vaccaritiæ & carruæ nul-
lo modo minoratæ ſint. Et habeant quando ſervierint
ad canes dandum, boves cloppos non languidos, & vaccas

sive cabullos non scabiosos, aut alia pecora nō languida. Et ut diximus per hoc vaccarittas & carrucas non minorent.

XXIV. Quicquid ad discum nostrum dare debent, unusquisque iudex in sua habeat plebeio: qualiter bona & optima, atque bene stodiose & nitide omnia sint composita quicquid dederint, & unusquisque iudex habeat de annona pastos per singulos dies ad suum servitium, ad menam nostram quando seruerit; & reliqua dispensa similiter in omnibus bona sit, tam farina quam & peculium.

XXV. De pastione autem Kal. Septemb. indicare faciant, si fuerit, annon.

XXVI. Majores vero amplius in ministerio non habeant, nisi quantum in una die circumire aut providere potuerint.

XXVII. Casæ nostræ indefinenter foca & vvaetas habeant, ita ut saluæ sint. Et quando missi vel legatio ad palatium veniunt vel redeunt, nullo modo in curtes dominicas mansionaticas prestant, nisi specialiter iussu nostra aut reginæ fuerit: Et Comes de suo ministerio, vel homines illi qui antiquitus consueti fuerunt missos aut legationes soniare, ita & modo inantea & deparveridis, & omnia eis necessaria solito more soniare faciant, qualiter bene & honorifice ad palatium venire vel redire possint.

XXVIII. Volumus ut per annos singulos intra quadragesima, dominica in palmis quæ osanna dicitur, juxta ordinationem nostram argentum de nostro laboratu, postquam cognoverimus de præsentī anno quanta sit nostra laboratio, deferre studeant.

XXIX. De clamatoribus ex hominibus nostris unusquisque iudex provideat, ut non sit eis necesse venire & ad nos proclamare: & dies, quos servire debent, per negligentiam

gentiam non dimittat perdere. Et si habuerit servus noster forinsecus iustitias ad querendum, magister ejus cum omni intentione decerter pro ejus iustitia. Si aliquo loco minime eam accipere valuerit, tamen ipsi servo nostro pro hoc fatigare non permittat, sed magister ejus per semetipsum aut suum missum hoc nobis notum facere studeat.

XXX. Volumus unde servire debent ad opus nostrum, ex omni conlaboratu eorum servitium segregare faciant; & unde caria in hostem carigari debent, similiter segregentur tam per domos quam & per pastores, & sciant quantum ad hoc mittunt.

XXXI. Ut hoc quod ad parveredarios vel gentias dare debent, simili modo unoquoque anno separare faciant: & tempore opportuno pleniter donent, & nobis dicere sciant, qualiter inde faciunt vel unde exit.

XXXII. Ut unusquisque iudex provideat, quomodo sementem bonam & optimam semper de comparatu vel aliunde habeat.

XXXIII. Post ista omnia segregata & seminata atque pacta, quicquid reliquum fuerit exinde de omni conlaboratu usque ad verbum nostrum salvetur: quatenus secundum iussionem nostram aut venundetur aut reservetur.

XXXIV. Omnino providendum est cum omni diligentia ut quicquid manibus laboraverint, aut fecerint i. e. lardum, siccum, fulcia, niusaltus, vinum, acetum, moratum, vinum coctum, garum, synapi, formaticum, butirum, bracios, cervisias, medum, mel, ceram, farinam, omnia cum summo nitore sint facta & parata.

XXXV. Volumus ut de verbecibus crassis foccia fiat, sicut & de porcis; & insuper habeant boves saginatos

in unaquaque villa non minus quam duos, aut ibidem ad focciandum, aut ad nos deducendum.

XXXVI. Vt silvæ vel forestes nostræ bene sint custoditæ: & ubi locus fuerit ad stirpandum stirpare faciant, & campos de silva crescere non permittant: & ubi silvæ debent esse, non eas permittant nimis capulare atque damnnate. Et feramina nostra intra forestes bene custodiant. Similiter accipitres & spervarios ad nostrum profectum provideant; & censa nostra exinde diligenter exactent: & iudices si eorum porcos ad saginandum in silvam nostram miserint, vel majores nostri aut homines illorum, ipsi primi illam decimam donent ad exemplum bonum perferendum, qualiter postmodum cæteri homines illorum decimam pleniter persolvant.

XXXVII. Vt campos & culturas nostras bene componant & prata nostra ad tempus custodiant.

XXXIX. Vt aucas pastas & pullos pastos ad opus nostrum, semper quando servire debent, aut ad nos transmittere, sufficienter habeant.

XXXIX. Volumus ut pullos & ova, quos servientes vel mansuarij reddunt, per singulos annos recipere debeant: & quando non servierint, ipsos venundare faciant.

XL. Vt unusquisque iudex per villas nostras singulares, et lehas, pavones, fasianos, enetas, columbas, perdices, turtures, pro dignitatis causa, omnimodis semper habeant.

XLI. Vt ædificia intra curtes nostras, vel sepes in circuitu, bene sint custodita. Et stabula atque coquina, & pistrina, seu torcularia, studiose præparata fiant: quatenus ibidem condigne ministeriales nostri officia eorum benenitide peragere possint.

XLII. Vt

XLII. Vt unaquæque villa intra cameram lectaria culcitras, plumatias, batlinias, drappos: ad discum, bancales; vasa ærea, plumbea, ferrea, lignea, andedos, catenas, cramaculos, delaturas, secures, id est cumadas, terebras, id est caradros, sealpros, vel omnia utensilia ibidem habeant. Ita ut non sit necesse alicubi hoc quærere aut commodare. Et ferramenta quæ in hostem ducunt in eorum habeant plebio, qualiter bona sint, & iterum quando revertuntur in camera mittantur.

XLIII. Ad genitia nostra, sicut institutum est, opera ad tempus dare faciant: id est linum, lanam, vvaïsa, vermicula, vvaientia, pectines, laminas, cardones, saponem, unctum, vascula, & reliqua minutia quæ ibidem necessaria sunt.

XLIV. De quadragesimali duæ partes ad sectam *** de leguminibus quoq; & de piscato seu formatico, butiro, melle, sinape, aceto, milio, panicio, herbulas siccas vel virides radices napos insuper & cæcoram. ma. sec. vel saponem atque cætera minutia. Et quod reliquum fuerit, nobis per brevem, sicut supra diximus, innotescant, & nullatenus hoc permittat, sicut usque nunc fecerunt; quia per illas duas partes volumus cognoscere de illa tertia quæ remansit.

XLV. Vt unusquisque iudex in suo ministerio bonos habeat artifices; id est fabros ferrarios, & aurifices, vel argentarios, sutores, tornatores, carpentarios, scutatores, precatores, accipitares, id est aucellatores, saponarios, siceratores, id est qui cervisiam vel pomatium sive piratium vel aliud quodcunq; liquamen ad bibendum aptum fuerit, facere sciant, pistores qui similes ad opus nostrum faciant, retiatores qui retia facere bene sciant tam ad venandum

dum, non & reliquos ministeriales quos ad numerandum longum est.

XLVI. Vt lucos nostros, quos vulgus brogilos vocat, & ad tempus semper emendent & nullatenus expectent ut necesse sit à novo reedificare. Similiter faciant & de omni edificio.

XLVII. Vt venatores nostri, & falconarii, vel reliqui ministeriales, qui nobis in palatio assidue deserviunt, consilium in villis nostris habeant, secundum quod nos aut regina per literas iusserimus, quando ad aliquam utilitatem eos miserimus, aut Siniscalcus & buticularius de nostro verbo eis aliquid facere præceperint.

XLVIII. Vt torcularia in villis nostris bene sint preparata, & hoc prævideant iudices ut vindemia nostra nullus pedibus premere præsumat, sed omnia nitida & honesta sint.

XLIX. Vt genitia nostra bene sint ordinata, id est de casis, pistis, tugurijs, id est sereones & sepes bonas in circuitu habeant, & portas firmas, qualiter opera nostra bene peragere valeant.

L. Vt unusquisque iudex provideat, quanti poledri in uno stabulo stare debeant, & quanti poledrarii cum ipsis esse possint. Et ipsi poledrarii qui liberi sunt & in ipso ministerio beneficia habuerint, de illorum vivant beneficijs: similiter & fiscalini qui mansos habuerint inde vivant: & qui hoc non habuerint de dominica accipiat provendam.

LI. Provideat unusquisque iudex ut sementia nostra nullatenus prævi homines subtus terram vel alicubi abscondere possint, & propter hoc messis rarior fiat. Similiter & de alijs maleficijs illos provideant, ne aliquando facere possint.

LII. Volumus ut de fiscalibus, vel servis nostris, live ingenuis qui per fiscos aut villas nostras commanent, diversis hominibus plenam & integram qualem habuerint reddere faciant justitiam.

LIII. Ut unusquisque iudex provideat, qualiter homines nostri de eorum ministerio latrones vel malefici nullo modo esse possint.

LIV. Ut unusquisque iudex provideat, quatenus familia nostra ad eorum opus bene laboret, & per mercata vacando non eat.

LV. Volumus ut quicquid ad nostrum opus iudices dederint, vel servierint, aut sequestraverint, in uno brevi conscribi faciant, & quicquid dispensaverint in alio: & quod reliquum fuerit nobis per brevem innotescant.

LVI. Ut unusquisque iudex in eorum ministerio frequentius audientias teneat, & justitiam faciat, & provideat qualiter recte familiae nostrae vivant.

LVII. Si aliquis ex servis nostris super magistrum suum nobis de causa nostra aliquid vellet dicere, vias ei ad nos veniendi non contradicat. Et si iudex cognoverit, quod juniores illius adversus eum ad palatium proclamando venire velint, tunc ipse iudex contra eos rationes deducendi ad palatium venire faciat, qualiter illorum proclamatio in auribus nostris fastidium non generet. Et sic volumus cognoscere utrum ex necessitate an ex occasione veniant.

LVIII. Quando catelli nostri iudicibus commendati fuerint, de suo eos nutrant; aut junioribus suis, id est, majoribus & decanis vel cellarijs, ipsos commendare faciant, quatenus de illorum causa eos bene nutrire faciant. Nisi forte jussio nostra aut reginae fuerit, ut in villam no-

stram ex nostro eos nutriant. Et tunc ipse iudex hominem ad hoc opus mittat qui ipsos bene nutriat, & segreget unde nutriantur, & non sit illi homini cotidie necessitas ad scurras recurrere.

LIX. Vnusquisque iudex quando seruerit, per singulos dies dare faciat de cera lib. *iii*, de sapone sextaria *viii*, & super hoc ad festiuitatem sancti Andree, ubicunq; cum familia nostra fuerimus, dare studeat de cera lib. *vi*, similiter mediante quadragesima.

LX. Nequaquam de potentioribus hominibus maiores fiant, sed de mediocribus qui fideles sunt.

LXI. Ut unusquisque iudex quando seruerit suos bracios ad palatium ducere faciat, & simul veniant magistri qui cervisam bonam ibidem facere debeant.

LXII. Ut unusquisque iudex per singulos annos ex omni conlaboratione nostra, quid de bobus quos bubulci nostri seruant, quid de mansis qui arari debent, quid de fegalibus, quid de census, quid de feda fracta vel freda, quid de fertaminibus in forestis nostris permissio captis, quid de diversis compositionibus, quid de molinis, quid de forestibus, quid de campis, quid de pontibus, vel navi- bus, quid de liberis hominibus & centenariis qui partibus fisci nostri deserviunt, quid de mercatis, quid de vineis, quid de illis qui vinum solvunt, quid de feno, quid de lignariis & faculis, quid de axillis & alio materiamine, quid de pterariis, quid de leguminibus, quid de milio & panico, quid de lana lino & canava, quid de frugibus arborum, quid de nucibus maioribus vel minoribus, quid de insitis ex diversis arboribus, quid de hortis, quid de api- bus, quid de rivariis, quid de coriis, quid de pellibus, quid de carnibus, quid de melle & cera, quid de uncto vel sa-
pone

pone, quid de morato, vino cocto, medo, & aceto, quid de cervisia, de vino novo & vetere, de annona nova & vetere, quid de pullis & ovis vel anseribus i. e. aucis, quid de piscatoribus, de fabris, de scurarijs vel sutoribus, quid de buticis & cofinis i. e. scrinijs, quid de tornatoribus & sellarijs, de ferrarijs & scrobis i. e. fossis ferraricijs, vel alijs fossis plumbaricijs, quid de tributarijs, quid de poledris & putrellis habuerint. Omnia seposita, distincta & ordinata; ad nativitatem domini nobis notum faciant, ut scire valeamus quid vel quantum de singulis rebus habeamus.

LXIII. De his omnibus supra dictis nequaquam iudicibus nostris asperum videatur, si hoc requirimus; quia volumus ut & ipsi simili modo à junioribus illorum omnia absque ulla indignatione requirere studeant. Et omnia quicquid homo in domo sua & in villis suis habere debet, iudices nostri in villis nostris habere debent.

LXIV. Ut carra nostra quæ in hostem pergunt & basternæ benefactæ sint; & opercula bene sint cum corijs cooperta, & ita sint consuta ut si necessitas evenerit ad aquas ad natandum, cum ipsa expensa quæ intus fuerit, transire flumina possint, ut nequaquam aqua intus intrare valeat, & bene salva causa nostra, sicut diximus, transire possit. Et hoc volumus, ut farina in unoquoque carro ad spensam nostram missa fiat: hoc est duodecim modia de farina, & in quibus vinum ducunt modia xii. ad nostrum modium mittant. Et ad unumquodque carrum scirtum, & lanceam, cucurum & arcum habeant.

LXV. Ut pisces de vivarijs nostris venundentur & alij mittantur in locum; ita ut pisces semper habeantur tamen. Quando nos in villas non venimus, tunc fiant venun-

dari, & ipsos ad nostrum profectum iudices nostri contrari faciant.

LXVI. De capris & hircis, & eorum cornibus & pellibus, nobis rationes deducant & per singulos annos: niusaltos crassos nobis inde adducant.

LXVII. De mansis, ablis, & mancipijs adquisitis si habuerint, si non habeant ubi eos collocare possint nobis renunciare faciant.

LXIX. Volumus ut bonos barridos ferro ligatos quos in hostem & ad palatium mittere possint, iudices singuli pręparatos semper habeant, & utres ex corijs non faciant.

LXIX. De lupis omni tempore nobis annuntient, quantos unusquisque comprehenderit, & ipsas pelles nobis pręsentare faciant: & in mense Majo illos lupellos perquirant & comprehendant tam cum pulvere & hamis, quam cum fossis & canibus.

LXX. Volumus quod in horto omnes herbas habeant; id est:

| | | | |
|--------------------|--------------------------|----------------------|--------------------|
| <i>Lilium,</i> | <i>Rosmarinum,</i> | <i>Cis</i> | <i>Intubas</i> |
| <i>Rosas,</i> | <i>Carvum,</i> | <i>Erucam albam,</i> | <i>Diptamnū,</i> |
| <i>Fenigracum,</i> | <i>Cicerum italicum,</i> | <i>Nasturtium,</i> | <i>Sinapi</i> |
| <i>Costum,</i> | <i>Squillam</i> | <i>Bardanam</i> | <i>Satureiam</i> |
| <i>Salviam,</i> | <i>Gladiolum</i> | <i>Pulegium,</i> | <i>Sisymbrium</i> |
| <i>Rutam,</i> | <i>Dragonca</i> | <i>Olisatum</i> | <i>Mentam</i> |
| <i>Abrotanum,</i> | <i>Anisum</i> | <i>Petroselinum</i> | <i>Mentastrum</i> |
| <i>Cucumeres,</i> | <i>Coloquintidas,</i> | <i>Apium</i> | <i>Tanarisam</i> |
| <i>Pepones,</i> | <i>Solsequium</i> | <i>Levisticum</i> | <i>Nepeam</i> |
| <i>Cucurbitas,</i> | <i>Amenum</i> | <i>Sabinam</i> | <i>Febrifugiam</i> |
| <i>Faseolum,</i> | <i>Silum,</i> | <i>Anerum</i> | <i>Papaver</i> |
| <i>Cuminum,</i> | <i>Lactucas,</i> | <i>Fanicalum</i> | <i>Betas</i> |

| | | | |
|----------------------------------|-------------------------|----------------------|--------------------|
| <i>Vulginea</i> | <i>Allia</i> | <i>Pomarios di-</i> | <i>Lauros,</i> |
| <i>Bismalvas i.e. VVacentiam</i> | | <i>versi generis</i> | <i>Pinos,</i> |
| <i>alseas</i> | <i>Cardones</i> | <i>Prunarios di-</i> | <i>Ficus,</i> |
| <i>Malvas</i> | <i>Fabas majores</i> | <i>versos,</i> | <i>Nucarios,</i> |
| <i>Carrucas</i> | <i>Pisa maurisca</i> | <i>Sorbarios,</i> | <i>Ceresarios.</i> |
| <i>Pastinacas</i> | <i>Coriandrum</i> | <i>Mespilarios,</i> | <i>Diverfi ge-</i> |
| <i>Adripias</i> | <i>Cerofolium</i> | <i>Pirarios di-</i> | <i>neris</i> |
| <i>Blitum</i> | <i>Lacteridas</i> | <i>versos,</i> | <i>Malorum</i> |
| <i>Ravacantos,</i> | <i>Sclareiam.</i> | <i>Castanearios,</i> | <i>nomina:</i> |
| <i>Caulos</i> | <i>Et ille hortula-</i> | <i>Perficarios</i> | <i>Germaringa,</i> |
| <i>Vniones</i> | <i>ius habeat sub</i> | <i>diversi ge-</i> | <i>Geroldinga,</i> |
| <i>Britlas,</i> | <i>domum suam</i> | <i>neris,</i> | <i>Crevedella.</i> |
| <i>Porros</i> | <i>Iovis barbam.</i> | <i>Coronarios</i> | <i>Spiranca</i> |
| <i>Radices</i> | <i>De arboribus</i> | <i>Avellanarios,</i> | <i>Dulcia,</i> |
| <i>Aiscalonicas</i> | <i>volumus quod</i> | <i>Amandalarios,</i> | <i>&c.</i> |
| <i>Cepas</i> | <i>habeat:</i> | <i>Morarios,</i> | |

Explicit Capitulare dominicum.

HERMAN. CONRINGIVS

Lectori S. P.

AB editione Capitularis illius absterruit me multum, fateor, & vilitas argumenti, utpote quod totum sit œconomicum, & barbara dictio, & librarij ruditas. Oneratus nimirum jam tum est mundus librorum inutilium multitudine, ut proinde haud videatur ex re esse si addas quæ nulli aut exiguo sunt usui vel reipublicæ vel Ecclesiæ. Ut ederem tamen permovit me reverentia & gratitudo quam Carolo Magno & Francorum veteri reipublicæ debemus. Plurimum autem illis à nobis hodieque deberi nemo nescit, nisi qui itidem ignorat, illorum auspicijs & felici labore in unum illud reipublicæ corpus Germaniam coisse, cujus reliquijs etiamnum fruimur, simulque per illorum pietatem religionem Christianam alibi apud nos coepisse, alibi multum auctam. Quibus beneficijs majus nihil sinxeris. Accessit quod existimem, illo exemplo tam magni Principis, qui cum nemo Germanici sanguinis alius meretur forte comparari, siue animi dotes videas siue incredibilem felicitatem & potentiam, nostros saltem Principes posse fortassis adduci, ne indignam cura sua habeant rem familiarem, quod (proh dolor!) nimium multis hodie, magno publicæ privatæque rei incommodo, est persuasum. Invitavit me porro ipsum manuscriptum, quod illud annexum esset Leonis epistolis: tanquam alterum sine altero nec edi debuerit. Edita vero à nobis omnia sunt ut dederunt membrana: eoque menda non tam ab ævi quam scriptoris culpa indubie complura adsunt, quod unico instructis exemplo nec licuerit facile

facile illa tollere nec libuerit. Dictionem intellexeris
 haud difficulter, si non pigebit admoveere glossaria Lati-
 nobarbara, cum illa quæ laudavimus, tum alia vetera
 hætenus non publicata. Vt ego inde vocularum inter-
 pretationem hic exhibeam, non possum adduci: quod
 temporis mihi diligens habenda sit ratio, nec vacet adeo
 vilibus & rædiosis vel horulam impendere. Cæterum
 ab ipso Carolo M. esse hoc Capitulare, ut quod res est
 fatear, non nisi per conjecturam novimus, cum manu-
 scriptum nihil aliud dicat quam agi illo Capitulari de vil-
 lis Imperatoris. Vrautem ita crederemus effecit virtus,
 prudentia & industria Caroli, quibus ille præ alijs illius
 familiæ plurimum enituit. Neque enim in scriptis ævi
 Carolini versatos potest latere omnino à Francicæ familiæ
 Imperatorum aliquo esse hoc Capitulare: nemini autem
 illorum eas ingenij dotes tribuunt historia, ut animum ad
 rem quoque domesticam recte ordinandam appulerit,
 præterquam uni Carolo, ferendarum legum studiosissi-
 mo. Confirmavit sententiam haud parum illud, quod o-
 mnia quæ in annexis membranis continentur ad unum
 Carolum itidem pertineant. Vt enim de epistolis Leo-
 nis nihil dicam, habentur ibi particule nonnullæ illius
 brevianj quo opes omnes regnorum suorum in reipu-
 blicæ usum jusserrat Carolus consignari. Quod si quis
 nihilominus existimaverit non Caroli sed alterius alicu-
 jus Imperatoris esse hoc monumentum, cum eo nolo
 contendere. Cujuscunque enim fuerit, mihi satis est si
 veteri aliquo & illustri exemplo possim Principes nostros
 ad œconomicæ rei studium permovere. Sane si & Bre-
 viarium illud non ita esset mutilum, eidem fini etiam
 ipsum

ipsum publicasset. Interest enim quam maxime, ut hodie etiam isthac in re Carolum imitentur quotquot reipublicæ usibus student. Non ille quidem unus fuit auror tam salubris instituti. Nam & jam olim Augustus Cæsar reliquit *breviarium totius Imperij*, test Suetonio. Diol. 56: *Ab Augusti morte prolata sunt quatuor ipsius volumina, quorum tertium complectebatur quæ ad milites quaque ad reditus sumptusq. publicos pertinebant, item quanta pecunie summa in fisco esset, & quacunque ejusmodi ad Imperium spectabant.* Eriam post Carolum idem in Anglia egit Guilielmus Normannus, is qui ab regno illo subacto nomen Conquestoris invenit. *Totam enim terram (verba sunt Ingulphi Abbatis) descripsit, nec erat hyda in tota Anglia quin valorem ejus & possessorem scires, nec lucus nec locus aliquis quin in regis rotulo extitit descriptus, ac ejus redditus & proveniens, ipsa possessio & ejus possessor regia notitiæ manifestatus juxta taxatorum fidem, qui electi de qualibet patria territorium proprium describebant.* Iste rotulus vocatus est Rotulus Wintoniæ, & ab Anglis pro sua generalitate, quod omnia tenementa totius terræ integre contineat, *Domesday* cognominatur. Sed de ipsiusmet Caroli illo instituto præstat audire prudentissimum Germanicarum rerum scriptorem Ioannem Aventinum l. 4. *Carolus Magnus non solum prædia stipendiaria, agros, prata, vineas, villas, molas, laterarias, calcarias & hujusmodi redditus vectigaliaque: item jumenta, pecudes, mancipia, verum & propriam suppellectilem præfectorum, præsidum, pontificum, sæminarum sacrarum & virorum descriptam habuit. Iuxta multitudinem jugerum, agrorum, opum, certus numerus milium, auri, argenti, jumentorum, boum, pecudum, rhedarum, vehiculorum, annonæ, vestimentorum, paludamentorum, armorum, cataphracturum, galearum, gladiatorum, scutorum, hastarum,*

rum, arcum, sagittarum, pharetrarum, item ferramentorum
 (qua sunt pala, bidentes, ligones, rastra, cophini, dolabra, securae
 ascia, ferra) inductus & definitus est. Hac Aventinus. Qui mox
 nonnulla subjungit quibus nostri mores acriter perstrin-
 guntur. Fortassis autem licet etiam illa hic repetere, quum
 occasio isthuc nos ducat. At nunc misera est conditio Imperan-
 tium, qui expertes omnium vectigalium, universorum exortes
 tributorum sunt. Cunctis opibus Imperij, pradiisq; regis, Episcopi,
 Duces, Tetrarchae, Dynastae incubant. Hi ubi injuria à quopiam
 adfecti fuerint: continuo officium Caesaris, etiam illius periculo,
 implorant: ipsi interim nec reipub. nec Imperatori, etiamsi hisce
 procella ingruerit, quicquam penitus nisi grandi pecunia redempti
 praestant. Eodem pacto cum Ducibus fit & agitur. Comites eorum,
 equites, monachi, mystae, quaevis beneficia populi & Regulorum
 occupant: ipsi tamen hujusmodi munia à se in Principem & egenos
 agricolas & cives (quibus nihil emolumenti, ne obulus quidem;
 è fisco arariove accedit) relegant. Equites, quibus fiscus &
 araria serviunt, nisi auro oppignorati, non parent. Ita regna, re-
 giones, urbes, pagi, oppida, Principes, ceteri omnes ad egestatem
 rediguntur: paucorum potentia divitiisque in immensum subito
 crescunt. Hisce moribus complura, qua majores sanguine suo &
 multo sudore peperere, perdidimus: haud dubie & reliqua quae adhuc
 possidere videmur, nisi resipiscamus, amissuri. Nullus delectus
 tyronum est, nulla praemia veteranorum. Vltro militiam, non sa-
 cramento rogati religioneq; adacti, levissimus quisque ac strenuus
 potator sectari solet: nec de conditione moribusve aliqua questio.
 Verum haec alibi commodius fortassis leguntur atque ex-
 penduntur. Neque vero illa nunc agere hic locus pati-
 tur: utpote quum non nisi Carolini illius instituti repeti
 hic memoria debuerit, & quidem tantum in id, ut nostro

Capitulari auctoritas sua confirmetur. Quod, nisi fallor, abunde factum est.

Antea tamen quam ab hoc libello manum semoveamus, non abs re forte fuerit addere nonnihil ad Leonis epistolam pertinens, quod forte fortuna nunc observamus. Recitat nimirum Gratianus *p. 2. Decret. c. 2. q. 7. § 41.* partem quandam epistolæ ad Ludovicum Imperatorem, sed quam inscriptio, etiam illa quæ in emendatis codicibus auctoritate Gregorij XIII editis reperitur, Leonis IV Papæ acceptam refert. Videtur autem omnino non quarti sed tertij Leonis nostri esse & quidem anno dcccxv exarata, cum graviter Leo apud Ludovicum Pium esset accusatus. Etenim Leone IV sedente summa Imperij penes Lotharium Cæsarem fuit non Ludovicum. Utque Platina memoret hunc etiam apud Lotharium accusatum, antiqui tamen scriptores, ut Anastasius aut Luitprandus, id haud memorant. & tamen ab Anastasio non est silentio præterita æris illa in Gratianum, militiæ Romanæ magistrum perduellionis reum, per ipsum Ludovicum Lotharij filium Romæ instituta inquisitio. Cujuscunque autem sint Leonis, forte haud abs re fuerit verbis illis claudere hunc libellum: præsertim quum illa doceant, eodem cultu Ludovicum Cæsarem à Leone esse affectum quo honoratus fuit pater Carolus. Etenim ex *humilitatis dispensatione* quadam factum hoc esse, quod nuperi Annotatores causantur, ab ærugine est Hildebrandina. Præstat Leonem ipsum audire: *Nos si incompetenter aliquid egimus & subditis juxta legis tramitem non conservavimus, vestro ac missorum v. strorum cuncta volumus emendare iudicio. Quoniam si non quæ aliena debemus corrigere peccata peiora committimus, certe*

non veritatis discipuli, sed (quod nolentes dicimus) ei ius præ
 ceteris erroris magistri. Inde magnitudinis vestra magnopere
 clementiam imploramus, ut tales adhuc quæ diximus inquirenda
 missos in his partibus dirigatis, qui Deum per omnia timeant, &
 cuncta (quemadmodum si vestra præsens fuisset imperialis gloria)
 diligenter exquirant. Et non tantum hæc sola quæ superius di-
 ximus, querimus ut examusim exagitant, sed sine mora, siue et-
 iam maiora illis sint de nobis indicata negocia, ita eorum cuncta
 legitimo terminentur examine, quatenus impofterum nihil sit quod
 ab iis indiscussum vel indefinitum remaneat.

F I N I S.

LEONIS III PAPAE EPISTOLA
Depromta ex codice Epistolar. S. Bonifacij
Archiepiscopi Moguntini.

LEO EPISCOPVS SERVVS SERVORVM
DEI REVERENDISSIMO ET
SANCTISSIMO
RICVLPHO EPISCOPO.

Cum ad limina beatorum Principum Apostolorum Bern-
harius venerabilis Episcopus una cum Adalhardo religio-
so Abbate, Missi filij nostri Domini Caroli serenissimi Impera-
toris, conjunxissent, & omnia prospera ac salubria de predicto
filio nostro, seu de ejus sublimissima prole, vel omnibus fidelibus
suis, nobis nuntiaffent, immensas Omnipotenti Deo gratiarum
actiones retulimus. Interea obtulit nobis prefatus Bernharius
Episcopus Sanctitatis vestrae pulcherrimum munus & literas. Quas
vero literas relegentes, gratias Reverenda Almitati vestrae re-
tulimus; quia nostri esse memores in vestris Deo acceptis oratio-
nibus non pratermittitis. De tantis autem muneribus, quibus
nos assidue, pro amore beati Petri Apostoli, ditatis, credimus in
Omnipotentem Deum, quia dignam retributionem hic & in futuro
ab ipso clavigero regni caelestis percipietis. De reliquiis vero
sancti Casary, sicut petistis, per eundem Bernharium venerabilem
Episcopum sanctitati vestrae direximus.

F I N I S.

APL 365541



BIBL

VIN

X

8